



Matan Ummu al-Barahin


Dan Pengenalan
Ahli Sunnah
dan Jamaah

Dr. Abdullaah Jalil



WISDOM
PUBLICATION








Matan
Ummu
al-Barahin

Dan Pengenalan
Ahli Sunnah
dan Jamaah



Matan Ummu al-Barahin

Dan Pengenalan
Ahli Sunnah
dan Jamaah

DR. ABDULLAAH JALIL





Diterbitkan oleh:
WISDOM PUBLICATION NS0078217-W
No. 110, Jalan Dillenia 3, Laman Dillenia,
Nilai Impian,
Nilai, Negeri Sembilan.
Tel: 06-794 6394
Email: wisdompublisher@gmail.com
Reka Bentuk: Public Domain/Free pik

Hak Cipta Terpelihara © 2022 Wisdom Publication

Kemaskini: 15 Januari 2024
Cetakan ini: 15 Januari 2024


Tidak dibenarkan mengeluarkan ulang mana-mana bahagian artikel, ilustrasi dan isi kandungan buku ini dalam apa jua bentuk dengan apa jua cara sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Wisdom Publication (NS0078217-W) atau penulis.

Pencetak:
ZARASA ENTERPRISE,
001372482-A,
C-7-G, Jalan Jati 9, Acacia Avenue, Putra Nilai, 71800 Nilai, Negeri Sembilan.
Tel: +6019-282 6924
Email: zarasaenterprise@gmail.com

Firman Allah ﷻ (Muḥammad:19):

﴿فَاعْلَمْ أَنَّهُ لَا إِلَهَ إِلَّا اللَّهُ وَاسْتَغْفِرْ لِذَنْبِكَ وَلِلْمُؤْمِنِينَ وَالْمُؤْمِنَاتِ
وَاللَّهُ يَعْلَمُ مُتَقَلَّبَكُمْ وَمَثْوَاكُمْ﴾ (19)

“Oleh itu, maka tetapkanlah pengetahuanmu dan keyakinanmu [wahai Nabi Muhammad ﷺ] bahawa sesungguhnya tiada Tuhan yang berhak disembah melainkan Allah, dan mintalah ampun kepadaNya bagi salah silap yang engkau lakukan, dan bagi dosa-dosa orang-orang yang beriman - lelaki dan perempuan; dan [ingatlah], Allah mengetahui akan keadaan gerak-geri kamu [di dunia] dan keadaan penetapan kamu [di akhirat].”



Buat seluruh ulama' Ahli Sunnah dan Jama'ah al-Ashā'irah dan al-Māturīdiyyah,


Buat ayahanda dan bonda:
Hj. Jalil Omar and Hapisah Ismail,


Kepada isteri yang dikasihi:
Suraiya Osman,

serta anak-anak yang tercinta:
Abdurrahman al-Munib, Maryam al-Safiyah, Sara al-Ameena,
Ibtisam al-Nafeesa dan Muhammad al-Habib,

dan seluruh ahli keluarga,

serta semua umat Islam.





PRAKATA PENERBIT

Dengan nama Allah yang Maha Pemurah lagi Maha Mengasihani. Segala puji bagi Allah ﷻ, Yang Maha Pemurah, lagi Maha Mengasihani, Tuhan pencipta, pemilik dan pentadbir seluruh alam. Selawat dan salam dipanjatkan buat junjungan tercinta, Sayyidina Muhammad ﷺ dan ahli keluarga Baginda ﷺ serta para sahabat Baginda ﷺ, serta buat orang-orang yang menuruti jalan Baginda ﷺ sehingga ke hari kiamat.

Ammā ba'd:

Pihak penerbit memanjatkan kepujian dan menzahirkan kesyukuran kepada Allah ﷻ di atas nikmat dan taufik-Nya untuk kami menerbitkan buah tangan kedua Dr. Abdullaah Jalil di dalam bidang akidah selepas kitab pertama beliau bertajuk: “Aqīdah Murshidah Dan Beberapa Muqaddimah Aqīdah.” Kitab ini merupakan terjemahan bagi matan akidah Ahli Sunnah dan Jama'ah yang sangat terkenal iaitu Matan Ummu al-Barāhīn atau al-‘Aqīdah al-Sughrā oleh al-Imām Muḥammad bin Yūsuf al-Sanūsi (w.895H). Matan ini telah tersebar luas dari bumi Maghribi ke seluruh negara Islam sehingga ke hari ini. Bahkan, matan ini mempunyai pengaruh yang sangat besar ke atas pengajian dan penulisan ilmu akidah ASWJ di dalam dunia melayu dan nusantara. Semoga Allah ﷻ memanfaatkan karya terjemahan ini sepertimana matan asalnya agar akidah Ahli Sunnah dan Jama'ah terus subur dan menjadi teras pegangan umat Islam seluruh dunia. Sesungguhnya Rasulullah ﷺ telah menjanjikan bahawa umat Baginda ﷺ ini tidak akan sekali-kali bersepakat di dalam kesesatan. Selamat membaca!

WISDOM PUBLICATION

PRAKATA PENULIS

Dengan nama Allah yang Maha Luas Rahmat-Nya lagi Maha Mengkhususkan Rahmat-Nya bagi sesiapa yang dikehendaki-Nya. Segala pujian hanyalah bagi Allah, Tuhan yang menciptakan, memiliki dan mentadbir seluruh alam. Selawat dan salam kami panjatkan kepada Baginda Nabi Muhammad ﷺ, penghulu para rasul ﷺ, ahli keluarga, para sahabat Baginda ﷺ dan orang-orang beriman yang mengikut Baginda ﷺ sehingga ke hari kiamat.

Ammā ba‘d:

Penulis melahirkan kesyukuran dan pujian kepada Allah ﷻ di atas taufik-Nya buat penulis untuk menyiapkan terjemahan bagi matan Ummu al-Barāhīn yang merupakan salah satu karya paling penting dan asas di dalam disiplin ilmu akidah Ahli Sunnah dan Jama’ah. Pada pandangan penulis, kitab-kitab Imam al-Sanūsī adalah penulisan paling sistematik dan tersusun bagi disiplin ilmu akidah dan kitab-kitab Imam al-Ghazālī pula adalah penulisan paling sistematik dan tersusun bagi disiplin ilmu tasawwuf. Membina asas pengajian akidah dan tasawuf melalui kedua-dua tokoh ini memberikan dasar yang kukuh dan selamat bagi seorang penuntut ilmu untuk meneroka perbahasan yang lebih lanjut. Semoga Allah ﷻ menerima buku ini sebagai khidmat penulis kepada manhaj Ahli Sunnah dan Jama’ah yang merupakan tunggak kepada kefahaman dan pengamalan agama. Akidah yang sahih menepati akidah Rasulullah ﷺ, para sahabat ﷺ dan para ulama’ muktabar adalah sebab utama bagi keselamatan dan kejayaan di dunia dan akhirat. Semoga Allah ﷻ memelihara akidah kita semua.

Dr. Abdullaah Jalil

PANDUAN RINGKAS TRANSLITERASI

'	ء
b	ب
t	ت
th	ث
j	ج
ḥ	ح
kh	خ
d	د
dz	ذ
r	ر
z	ز
s	س
sh	ش
ṣ	ص
ḍ	ض

da	دَا
du	دُو
dī	دِي
al-Taqī	التَّقِيُّ

ṭ	ط
ẓ	ظ
'	ع
gh	غ
f	ف
q	ق
k	ك
l	ل
m	م
n	ن
h	هـ
h	ة
w	و
y	ي

di	دِي
dā	دَا
dū	دُو
Taqiyy al-Dīn	تَقِيُّ الدِّينِ

ISI KANDUNGAN

PRAKATA PENERBIT	i
PRAKATA PENULIS	ii
PANDUAN RINGKAS TRANSLITERASI	iii
ISI KANDUNGAN	iv
MUQADDIMAH	1
Pengenalan Asas Ahli Sunnah dan Jama'ah	3
Pendahuluan.....	3
Definisi Umum “Ahli Sunnah dan Jama’ah”	3
[1] “Ahl” (Ahli)	3
[2] “Al-Sunnah”	4
[3] “Al-Jamā‘ah”	7
Rumusan Definisi Umum ASWJ.....	8
Definisi Khusus Ahli Sunnah dan Jama’ah	10
[1] Dari Sudut Masa atau Generasi.....	11
[2] Dari Sudut Manhaj Akidah.....	11
[3] Dari Sudut Madrasah Akidah	12
[4] Dari Sudut Mazhab Fiqh (Masa Kini)	13
[5] Dari Sudut Peranan dan Tugas.....	13
Rumusan Definisi Khusus ASWJ	15
Ciri-ciri Umum Umat Islam “Ahli Sunnah dan Jama’ah”	16
Al-Ashā‘irah dan al-Māturidiyyah adalah Tokoh-tokoh Utama Akidah Ahli Sunnah dan Jama’ah	19
Al-Imām Shaykh al-Islām Shihāb al-Dīn Ibnu Ḥajar al-Haytamī (w.974H).....	19
Al-Imām al-Mujaddid al-Sayyid al-Murtaḍā al-Zabīdī al-Ḥusaynī (w.1205H).....	20
Al-‘Allāmah Shahīd al-Miḥrāb Prof. Dr. Muḥammad Sa‘īd Ramaḍān al-Būṭī (1347H/1929M - 1434H/2013M).....	20
Al-Shaykh Dr. Nūḥ ‘Alī Salmān al-Qudāh (1939M – 2010M)	22

Al-Shaykh Prof. Dr. Muḥammad Ḥasan Hitū: Ulama' Empat Mazhab adalah Al-Ashā'irah dan Al-Māturīdiyyah	23
Pusat <i>Iftā'</i> Umum Jordan: Al-Ashā'irah dan al-Māturīdiyyah adalah Majoriti Umat Islam, Ulama' Yang Berwibawa dan Pembawa Akidah Rasulullah ﷺ	28
Tokoh-tokoh Utama Ulama' Al-Ashā'irah di dalam Pelbagai Disiplin Penting Ilmu Syariah	30
Bidang Akidah dan Usul Fiqh	30
Bidang Tafsir Al-Quran dan Hadith	31
Bidang Ilmu Fiqh	32
Latar Belakang Ringkas Tokoh Terpilih daripada Ulama' Al-Ashā'irah dalam Bidang Akidah.....	33
[1] Imam [al-Mujaddid] al-Bāqillāni (w.403H).....	33
[2] Imam Ibnu Fūrak (w.406H).....	33
[3] Imam al-Ḥaramayn Abū al-Ma'ālī al-Juwaynī (w.478H)...	33
[4] Imam [al-Mujaddid] Ḥujjat al-Islām Abū Ḥāmid Muḥammad al-Ghazālī (w.505H)	34
[5] Imam [al-Mujaddid] Fakhr al-Dīn al-Rāzī (w.606H)	34
Tokoh Ulama' Al-Ashā'irah adalah Para Mujaddid Sepanjang Kurun	35
Manhaj ASWJ di Tanah Melayu.....	42
Wasiat Syeikh Abdullah Fahim bin Syeikh Ibrahim (1869M – 1961M)	44
Manuskrip Asal Wasiat Sheikh Abdullah Fahim	45
Tan Sri Dato' Haji Othman Bin Mustapha – Ketua Pengarah JAKIM (2013)	46
Muzakarah Jawatankuasa Fatwa Negeri Sembilan (2016) ...	46
Deklarasi Ipoh (2023)	47
AL-IMĀM AL-MUJTAHID AL-MUJADDID MUḤAMMAD BIN YŪSUF AL-SANŪSĪ AL-MĀLIKĪ AL-ASH'ARĪ	51
Imam Muhammad bin Yusuf al-Sanusi (w.895H).....	51
Para Guru	52
Para Murid	53
Kitab Karangan	53

Petikan Kata-kata.....	55
Kewafatan	56
KEDUDUKAN MATAN UMMU AL-BARĀHĪN.....	58
Peringkat Penulisan Ilmu	58
Definisi Matan (<i>Matn</i>).....	58
Bahasa	58
Istilah	59
Jenis-jenis Matan Ilmu	60
Dari Sudut Bentuk	61
Dari Sudut Skop dan Topik	61
Kepentingan Hafalan Matan Bagi Pembentukan Penguasaan Ilmu	62
Manhaj Penulisan Kitab Akidah Ahli Sunnah dan Jama'ah	63
Manhaj Pengajaran dan Kitab-kitab Akidah di sisi Ahli Sunnah dan Jama'ah Al-Ashā'irah.....	64
Peringkat Permulaan dan Asas.....	65
Peringkat Pertengahan.....	65
Peringkat Kepakaran dan Tinggi	66
Matan Ummu al-Barāhīn: Matan Yang Muktabar.....	67
Syarah Para Ulama'	67
Kerangka Matan Ummu al-Barāhīn	69
MATAN UMMU AL-BARĀHĪN	71
1. Hukum Akal (<i>‘Aqlī</i>)	71
1.1 Wajib	72
1.2 Mustahil.....	72
1.3 Harus.....	72
2. Hukum Syariat: Kewajipan Seorang Mukallaf Berkenaan Hak Allah dan Hak Para Rasul ﷺ	72
3. Dua Puluh Sifat Yang Wajib bagi Allah	73
3.1 Sifat <i>Nafsiyyah</i>	75
3.2 Sifat <i>Salbiyyah</i>	75

3.3 Sifat <i>Ma'ānī</i> dan <i>Ta'alluqnya</i>	75
3.3.1 <i>Ta'alluq</i> Sifat <i>Qudrat</i> dan <i>Iradat</i>	75
3.3.2 <i>Ta'alluq</i> Sifat <i>Ilmu</i>	76
3.3.3 Sifat <i>Hayah</i> Tidak Mempunyai <i>Ta'alluq</i>	76
3.3.4 <i>Ta'alluq</i> Sifat <i>Qudrat</i> dan <i>Iradat</i>	76
3.3.5 <i>Ta'alluq</i> Sifat <i>Kalam</i>	76
3.4 Sifat <i>Ma'nawiyyah</i>	77
4. Dua Puluh Sifat Yang Mustahil	79
5. Sifat Yang Harus bagi Allah	85
6. <i>Burhān</i> (Dalil <i>Aqlī</i>) bagi Sifat Allah ﷻ	85
6.1 <i>Burhān</i> Sifat <i>Wujud</i>	85
6.1.1 Dalil Baharunya Alam Ini.....	86
6.1.2 Dalil Baharunya Sifat Alam Ini	87
6.2 <i>Burhān</i> Sifat <i>Qidam</i> (Sedia Ada Tanpa Permulaan)	87
6.3 <i>Burhān</i> Sifat <i>Baqā'</i> (Kekal Ada Tanpa Pengakhiran)	87
6.4 <i>Burhān</i> Sifat <i>Mukhalafatuh li al-Ḥawādith</i>	88
6.5 <i>Burhān</i> Sifat <i>Wujud</i> dengan Sendiri	89
6.6 <i>Burhān</i> Sifat <i>Keesaan</i>	90
6.7 <i>Burhān</i> Sifat <i>Kuasa, Kehendak, Ilmu dan Hidup</i>	91
6.8 <i>Burhān</i> Sifat <i>Mendengar, Melihat dan Kalām</i>	91
6.9 <i>Burhān</i> Sifat <i>Harus</i>	92
7. Para Rasul ﷺ	92
7.1 Sifat <i>Wajib</i> bagi Para Rasul ﷺ	92
7.2 Sifat <i>Mustahil</i> bagi Para Rasul	93
7.3 Sifat <i>Harus</i> bagi Para Rasul	94
8. <i>Burhān</i>	95
8.1 <i>Burhān</i> Sifat <i>Benar</i>	95
8.2 <i>Burhān</i> Sifat <i>Amanah</i>	95
8.3 <i>Burhān</i> Sifat <i>Tabligh</i>	96
8.4 Dalil Sifat <i>Harus</i>	96
9. Dua Kalimah <i>Syahadah</i>	97

10. Makna Ulūhiyyah: Istighnā' dan Iftiqār	98
10.1 <i>Istighnā'</i> dan Tuntutannya	98
10.1.1 Sifat Wujūd, Qidam, Baqā', al-Mukhālafah li al- Ḥawādith, al-Qiyam bi al-Nafs dan Tanzīh	99
10.1.2 Sifat <i>Sama'</i> , <i>Başar</i> dan <i>Kalām</i>	99
10.1.3 Maha Suci daripada Tujuan Mengambil Manfaat....	100
10.1.4 Tidak Wajib ke atas-Nya Menjadikan Sesuatu Yang <i>Mumkin</i> atau Tidak Menjadikannya	101
10.2 <i>Iftiqār</i> dan Tuntutannya	102
10.2.1 Sifat <i>Ḥayāh</i> , <i>Qudrah</i> dan <i>Irādah</i>	102
10.2.2 Sifat <i>Waḥdāniyyah</i>	103
10.2.3 Baharunya Alam Ini.....	103
10.2.4 Tiada <i>Ta'thīr</i> (Memberi Bekas/Kesan) Melainkan bagi Allah	104
11. Kesimpulan Makna Syahadah Tauhid	106
12. Makna Syahadah <i>Taşdīq</i>	106
12.1 Mewajibkan Keimanan dengan Para Nabi, Malaikat, Kitab dan Hari Akhirat	107
12.2 Kewajipan Sifat Benar, Kemustahilan Sifat Dusta dan Khianat serta Maksiat.....	107
12.3 Keharusan Sifat Kemanusiaan.....	108
13. Dua Kalimah Syahadah Mengandungi Simpulan-simpulan (<i>'Aqā'id</i>) Iman	109
14. Memperbanyakkan Zikir Tahlil dan <i>Taşdīq</i>	110
15. Penutup.....	111
BEBERAPA KONSEP PENTING	116
1: Tiga Jenis Hukum dan Pembahagiannya	116
2: Akidah/ Iman: Ijmālī dan Tafşīlī.....	117
3: Empat Pembahagian Sifat 20	118
4: Sifat <i>Salbiyyah</i>	119
5: Sifat Ma'ānī dan Ta'alluqnya	120
6: 10 Perkara Yang Perlu Dinafikan.....	121

7: Sifat-sifat Berkaitan <i>Istighnā'</i> dan <i>Iftiqār</i>	122
8: 50 Simpulan Akidah (‘Aqā‘id al-Īmān): ‘Aqīdat al-Khamsīn	123
PENULIS	124

MUQADDIMAH



Dengan nama Allah, yang Maha Pemurah, lagi Maha Mengasihani.

الْحَمْدُ لِلَّهِ رَبِّ الْعَالَمِينَ،

Segala puji hanyalah bagi Allah ﷻ, Tuhan yang mencipta, memiliki dan mentadbir seluruh alam.

وَالصَّلَاةُ وَالسَّلَامُ عَلَى أَشْرَفِ الْأَنْبِيَاءِ وَالْمُرْسَلِينَ، سَيِّدِنَا مُحَمَّدٍ

Selawat dan salam dipanjatkan buat semulia-mulia Nabi dan Rasul ﷺ, Sayyidina Muhammad [ﷺ],

وَعَلَى آلِهِ وَصَحْبِهِ أَجْمَعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ،

Dan juga buat ahli keluarga Baginda ﷺ dan para sahabat Baginda ﷺ, serta sesiapa sahaja yang menuruti jejak langkah mereka dengan penuh kebaikan sehingga hari pembalasan.

أَمَّا بَعْدُ:

Adapun selepas itu:



**Pengenalan Asas
Ahli Sunnah dan
Jama'ah**



PENGENALAN ASAS AHLI SUNNAH DAN JAMA'AH

Pendahuluan

Ahli Sunnah dan Jama'ah (ASWJ) boleh didefinisikan secara umum dan secara khusus. Bahagian ini akan membincangkan definisi ASWJ secara umum dan bahagian yang berikut akan membincangkan definisi ASWJ secara khusus.

Definisi Umum "Ahli Sunnah dan Jama'ah"

Istilah "Ahli Sunnah dan Jama'ah" terdiri daripada tiga perkataan iaitu:

1. Ahli
2. Sunnah, dan
3. Jama'ah

Berikut adalah huraian bagi setiap istilah di atas.

[1] "Ahl" (Ahli)

Lafaz *ahl* mempunyai empat (4) makna seperti berikut:

Bil.	Makna	Contoh	
1.	Pemilik	<i>Ahl al-Ilm</i>	Orang yang memiliki ilmu
2.	Orang yang layak	<i>Ahl al-Ijtihad, al-'Aqd</i>	Orang yang layak berijtihad, berkontrak
3.	Penduduk	<i>Ahl Makkah; Ahl al-Wabar; Ahl al-Madar</i>	Orang yang tinggal di Mekah; penduduk bandar;

			penduduk kampung
4.	Isteri, keluarga dan kaum kerabat	<i>Ahl al-Rajul</i>	Isteri, keluarga dan kaum kerabat lelaki itu.

Makna yang dikehendaki dalam istilah “Ahli Sunnah dan Jama’ah” ialah makna pertama iaitu “**PEMILIK**”. Ini bermakna bahawa “Ahli Sunnah dan Jama’ah” ialah:

PEMILIK “SUNNAH DAN JAMA’AH”.

Ahl juga boleh memberi makna penganut dan pengikut. Sebagai contoh:

أَهْلُ الْمَذْهَبِ: مَنْ يَدِينُ بِهِ

“*Ahl al-madzhab*: ialah seorang yang beragama dengannya (menganut dan mengikutnya).”

Ahl al-madzhab al-Shāfi’ī ialah seorang penganut dan pengikut mazhab Syafie. Ini bermakna beliau beribadah dan bermuamalat berdasarkan hukum fiqh yang telah diperincikan di dalam mazhab Syafie.

[2] “Al-Sunnah”

Al-Sunnah dari sudut bahasa memberi makna “jalan hidup”. Ia boleh merujuk kepada jalan hidup yang baik atau tidak baik. Namun begitu, pada kebiasaannya ia digunakan dengan konotasi dan maksud yang baik. Dari sudut istilah pula, *al-Sunnah* pula mempunyai enam (6) definisi seperti berikut:

Bil.	Definisi	Disiplin Ilmu
1.	Perkataan, perbuatan dan perakuan Rasulullah ﷺ	Ulama' Usul al-Fiqh
2.	Perkataan, perbuatan, perakuan dan sifat Rasulullah ﷺ	Ulama' Hadith
3.	Amalan yang apabila dilakukan, diberi pahala dan apabila tidak dilakukan, tidak berdosa.	Ulama' Fiqh – Taklifi
4.	Amalan yang apabila dilakukan, diberi pahala dan apabila tidak dilakukan, tidak berdosa. Namun begitu, Rasulullah ﷺ lebih banyak melakukannya daripada meninggalkannya.	Sebahagian Ulama' Usul al-Fiqh
5.	Syariat yang sahih/ benar - Berlawanan dengan makna bid'ah secara umum.	Istilah Syariat Umum
6.	Akidah yang sahih/ benar - Berlawanan dengan bid'ah akidah secara khusus.	Istilah Akidah Khusus

Majoriti ulama' *muta'akhkhiṛīn* mula mengkhususkan istilah “al-sunnah” dan “al-bid'ah” di dalam perkara-perkara akidah kerana ia adalah merupakan asas agama dan kesalahan padanya adalah kesalahan yang besar. Ini adalah kerana makna perpecahan umat itu lebih jelas dan kuat pada perpecahan akidah. Imam Ibnu Rajab al-Ḥanbalī (w.795H) menyebut:

وَكثِيرٌ مِنَ الْعُلَمَاءِ الْمُتَأَخَّرِينَ يَخُصُّ اسْمَ السُّنَّةِ بِمَا يَتَعَلَّقُ بِالْإِعْتِقَادَاتِ، لِأَنَّهَا أَصْلُ الدِّينِ، وَالْمُخَالَفُ فِيهَا عَلَى خَطَرٍ عَظِيمٍ

“Dan ramai dari kalangan para ulama' terkemudian mengkhususkan nama al-Sunnah dengan apa yang berkaitan

dengan kepercayaan-kepercayaan akidah, kerana sesungguhnya ia adalah asas agama dan seseorang yang bertentangan (dengan al-Sunnah) padanya berada di atas bahaya yang amat besar.”

R: Ibn Rajab al-Ḥanbalī (w.795H): Jāmi‘ al-‘Ulūm wa al-Ḥikam.

Bagi makna yang keenam ini, Imam al-Ḥāfiẓ Ibnu Rajab al-Ḥanbalī (w.795H) juga menyebut:

مَا سَلِمَ مِنَ الشُّبُهَاتِ فِي الْأَعْتِقَادَاتِ، خَاصَّةً فِي مَسَائِلِ الْإِيمَانِ بِاللَّهِ وَمَلَائِكَتِهِ وَكُتُبِهِ
وَرُسُلِهِ وَالْيَوْمِ الْآخِرِ، وَكَذَلِكَ فِي مَسَائِلِ الْقَدَرِ، وَفَضَائِلِ الصَّحَابَةِ

“[al-Sunnah ialah] Kepercayaan/ iktikad yang sejahtera daripada unsur-unsur syubhat dalam perkara berkaitan akidah, khususnya yang berkaitan dengan masalah-masalah keimanan dengan Allah, para mala’ikat-Nya, kitab-kitab-Nya, para rasul-Nya, dan hari akhirat, dan begitu juga berkaitan dengan masalah-masalah takdir dan kemuliaan para sahabat.”

R: Ibnu Rajab al-Ḥanbalī (w.795H): Kash al-Kurbah fi Waṣf Ahl al-Ghurbah.

Maka, makna yang dikehendaki dalam istilah “Ahli Sunnah dan Jama’ah” adalah makna yang keenam iaitu “**AKIDAH YANG SAHIF**”. Ini juga memberi makna bahawa Sunnah Rasulullah ﷺ yang paling penting dan utama ialah Sunnah Akidah Baginda ﷺ. Dengan ini, “Ahli Sunnah dan Jama’ah” memberi maksud:

“PEMILIK AKIDAH YANG SAHIF BERTEPATAN DENGAN AKIDAH RASULULLAH ﷺ” DAN JAMA’AH.

[3] “Al-Jamā‘ah”

Al-Jamā‘ah dari sudut bahasa ialah:

عَدَدُ كُلِّ شَيْءٍ وَكَثْرَتُهُ

“Bilangan (perhimpunan/ perkumpulan) setiap sesuatu dengan banyak.”

Ia juga boleh memberi makna:

عَدَدٌ كَثِيرٌ / كَبِيرٌ مِنَ النَّاسِ ...

“Bilangan yang ramai/ besar daripada kalangan manusia ...”

Dari sudut istilah pula, Imām al-Mufassirīn Abū Ja‘far al-Ṭabarī (w.310H) telah menukilkan empat pandangan berkenaan makna *al-Jamā‘ah*, seperti mana yang telah dinukilkan oleh Imam al-Ḥāfiẓ Shayk al-Islām Ibnu Ḥajar al-‘Asqalānī (w.852H). Dan keempat-empat makna tersebut adalah seperti berikut:

Bil.	Makna <i>al-Jamā‘ah</i>
1.	Para sahabat Rasulullah ﷺ
2.	Para imam dan ulamak mujtahid yang mengikut jalan <i>al-firqah al-nājiyah</i> (diperakui dan disepakati kebenaran mereka).
3.	Golongan yang paling ramai dari kalangan umat Islam.
4.	Mereka yang bersepakat/ berhimpun untuk [memberi ketaatan kepada] pemerintah yang sah di sisi Syariat.

Makna yang dikehendaki dalam istilah “Ahli Sunnah dan Jama‘ah” adalah makna yang pertama, kedua dan ketiga. Maka, istilah “Ahli Sunnah dan Jama‘ah” boleh dimaknakan sebagai:

“PEMILIK AKIDAH YANG SAHIF BERTEPATAN DENGAN AKIDAH RASULULLAH ﷺ, PARA SAHABAT رَضِيَ، PARA ULAMA’ DAN MUJTAHIF YANG MUKTABAR DAN GOLONGAN YANG PALING RAMAI DARIPADA KALANGAN UMAT ISLAM.”

Rumusan Definisi Umum ASWJ

Maka berdasarkan penerangan makna lafaz Ahli, Sunnah dan Jama’ah sebelum ini, kita dapat membuat rumusan bahawa definisi umum bagi Ahli Sunnah dan Jama’ah adalah:

“Orang Islam yang memiliki akidah yang bertepatan dengan:

- akidah Rasulullah ﷺ,
- akidah para Sahabat Rasulullah رَضِيَ،
- akidah para imam dan mujtahid yang muktabar (disepakati kebenarannya) serta
- akidah majoriti umat Islam.”

Definisi umum ASWJ di atas juga menunjukkan bahawa asas-asas akidah adalah perkara yang sama, kekal dan tidak berubah sejak zaman Rasulullah ﷺ sehingga kepada umat Baginda ﷺ yang terakhir. Bahkan, asas-asas akidah adalah sama di dalam semua Syariat yang dibawa oleh para Nabi dan Rasul ﷺ sejak Nabi Adam ﷺ sehingga kepada Nabi Muhammad ﷺ, dan seterusnya tatkala Nabi Isa ﷺ turun di akhir zaman kelak.

Kesimpulan Definisi Umum Ahli Sunnah dan Jama'ah (ASWJ)




Gambar rajah di atas memberi ringkasan umum bagi perbincangan sebelum ini.

Definisi Khusus Ahli Sunnah dan Jama'ah

Definisi Ahli Sunnah dan Jama'ah juga boleh dilihat daripada pelbagai perspektif yang khusus seperti berikut:

1. Masa/ Zaman atau Generasi
2. Manhaj
3. Madrasah/ Mazhab Akidah
4. Mazhab Fiqh
5. Peranan dan Tugas

Rujuk gambar rajah di bawah.



[1] Dari Sudut Masa atau Generasi

Dari sudut masa, golongan Ahli Sunnah dan Jama'ah boleh dibahagikan kepada:

- Generasi Salaf (*Ṣāliḥ*): mereka yang hidup pada tiga kurun Hijrah yang pertama (1 Hijrah sehingga 300 Hijrah) atau mereka yang terdiri daripada generasi Sahabat رضي الله عنهم, tābi'īn dan tābi'ī al-tābi'īn.
- Generasi Khalaf (*Ṭayyib*): mereka yang hidup selepas generasi Salaf dan era mereka sehingga ke hari ini.

[2] Dari Sudut Manhaj Akidah

Dari sudut manhaj akidah, golongan Ahli Sunnah dan Jama'ah boleh dibahagikan kepada:

- *Naqli*: golongan yang hanya merujuk kepada dalil-dalil naqli.
- *Aqli* dan *Naqli*: golongan yang menggabungkan dalil-dalil aqli dan naqli. Ini adalah pendekatan majoriti para ulama' ASWJ.
- *Aqli*, *Naqli* dan *Kashfi*: golongan yang bermula dengan *aqli* dan *naqli*, kemudian berakhir dengan jalan *kashfi*. Mereka adalah golongan Ṣūfiyyah.

Menurut Sheikh Nizār Hammādī, pendekatan ulama' al-Ashā'irah di dalam integrasi aqli dan naqli boleh dibahagikan kepada tiga bentuk pendekatan:

1. *Naqli* lebih banyak berbanding *Aqli*
2. *Aqli* lebih banyak berbanding *Naqli*
3. *Naqli* dan *Aqli* digabungkan secara seimbang.

Contoh ulama' yang mengambil pendekatan pertama adalah al-Nawawi (w.676H) dan Ibnu Hajar al-'Asqalani (w.852H) serta


contoh bagi bagi pendekatan kedua adalah Fakhr al-Din al-Razi (w.606H) dan Sa'd al-Din al-Taftazani (w.793H). Manakala Abu Hamid al-Ghazali (w.505H) adalah tokoh yang dapat mengimbangkan di antara kedua-dua aspek tersebut.

[3] Dari Sudut Madrasah Akidah

Dari sudut madrasah akidah, golongan Ahli Sunnah dan Jama'ah boleh dibahagikan kepada:

1. Al-Ashā'irah: golongan yang mengikut manhaj Imam Abū al-Ḥasan al-Ash'arī (*Aqli* dan *Naqli*).
2. Al-Māturīdiyyah: golongan yang mengikut manhaj Imam Abū al-al-Manṣūr al-Māturīdī (*Aqli* dan *Naqli*).
3. Al-Athariyyah: golongan yang mengikut manhaj Imam Aḥmad bin Ḥanbal (*Naqli* sahaja).
4. Al-Ṣūfiyyah. Sebahagian ulama' menjadikan para ulama' Ṣufiyyah sebagai salah satu cabang madrasah ilmu (bukan amali semata-mata) bagi akidah ASWJ kerana mereka mempunyai manhaj *kashfī* atau tauhid *shuhūd* atau *dzawqī*.

Rujuk gambar rajah di bawah.



[4] Dari Sudut Mazhab Fiqh (Masa Kini)

Dari sudut madrasah mazhab fiqh (masa kini), golongan Ahli Sunnah dan Jama'ah boleh dibahagikan kepada:

1. Ḥanafiyyah: umat Islam yang beramal dengan mazhab fiqh Imam Abū Ḥanīfah.
2. Mālikiyyah: umat Islam yang beramal dengan mazhab fiqh Imam Mālik bin Anas al-Madanī.
3. Shāfi'iyyah: umat Islam yang beramal dengan mazhab fiqh Imam Muḥammad bin Idrīs al-Shāfi'ī.
4. Ḥanābilah: umat Islam yang beramal dengan mazhab fiqh Imam Aḥmad bin Ḥanbal.

Golongan yang tidak bermazhab (*al-lāmadzhabī*), mazhab Syiah Imāmiyyah, Syiah Ismā'īliyyah, Syiah Zaydiyyah dan Ibāḍiyyah tidak termasuk di dalam manhaj fiqh ASWJ.

[5] Dari Sudut Peranan dan Tugas


Dari sudut peranan dan tugas, golongan Ahli Sunnah dan Jama'ah boleh dibahagikan kepada:

1. Ulama' Tauhid (Akidah)
2. Ulama' Fiqh
3. Ulama' Hadith
4. Ulama' Bahasa dan Sastera Arab
5. Ulama' Al-Quran
6. Ulama' Tasawuf
7. Para pejuang (*mujāhid*)
8. Masyarakat umum dan pemerintah yang mana zahir di negara dan negeri mereka syiar Ahli Sunnah dan Jama'ah.

Pembahagian ini telah dinyatakan oleh Imam ‘Abd al-Qāhir al-Baghdādī (w.429H) di dalam kitabnya yang masyhur “al-Farq bayn al-Firaq.”

Rumusan Definisi Khusus ASWJ

Rujuk gambar rajah di bawah.



Ciri-ciri Umum Umat Islam “Ahli Sunnah dan Jama’ah”

Secara ringkasnya, ciri-ciri umum umat Islam Ahli Sunnah dan Jama’ah adalah seperti berikut:

1. Mereka menetapkan sifat-sifat kesempurnaan (*kamāl, jalāl* dan *jamāl*) bagi Allah ﷻ secara *ijmālī* dan *tafṣīlī*.
2. Mereka mentaqdiskan dan menyucikan Allah ﷻ daripada sifat-sifat kekurangan dan sifat-sifat makhluk secara mutlak.
3. Mereka menjaga adab yang tinggi dengan Rasulullah ﷺ dan mengiktikadkan bahawa Baginda ﷺ ialah makhluk Allah ﷻ yang paling mulia di sisi-Nya serta mereka banyak berselawat kepada Baginda ﷺ.
4. Mereka menyintai dan menghormati kedua-dua ahli keluarga Rasulullah ﷺ dan para sahabat Rasulullah ﷺ.
5. Mereka adalah majoriti ulama’ umat Islam sejak dahulu sehingga kini.
6. Mereka adalah majoriti umat Islam sejak dahulu sehingga kini.
7. Mereka adalah golongan yang *waṣaṭiyyah* (pertengahan di antara dua ekstrim).
8. Mereka saling hormat menghormati.
9. Mereka tidak mengkafirkan atau menyesatkan atau mencaci para ulama’ dan orang-orang soleh yang terdahulu.
10. Mereka tidak saling kafir mengkafir sesama mereka dan tidak saling sesat menyesatkan sesama mereka.
11. Mereka tidak mengharuskan pemberontakan bersenjata ke atas pemimpin muslimin dan umat Islam.
12. Mereka berlapang dada dalam perkara-perkara *khilāfiyyah* dan bertegas pada asas akidah.

13. Mereka tidak mengkafirkan umat Islam kerana melakukan dosa, apatah lagi kerana melakukan amalan-amalan sunat, perkara *khilāfiyyah* dan adab dalam ibadah dan berdoa seperti *tawassul*, *tabarruk* dan *istighāthah*.
 14. Mereka tidak mudah mengkafirkan ahli qiblah.
-



Al-Ashāirah
&
Al-Māturīdiyyah
adalah Tunggak
Ahli Sunnah dan
Jama'ah



Al-Ashā'irah dan al-Māturidiyyah adalah Tokoh-tokoh Utama Akidah Ahli Sunnah dan Jama'ah¹

Ulama' al-Ashā'irah dan al-Māturidiyyah adalah merupakan tokoh-tokoh utama ASWJ yang berkhidmat bagi menjelaskan, memperincikan, menyaring, menyusun dan mempertahankan akidah ASWJ.

Al-Imām Shaykh al-Islām Shihāb al-Dīn Ibnu Ḥajar al-Haytamī (w.974H)

Salah seorang daripada dua tunggak dan pentahqiq mazhab Syafie pada era *istiqrār* (peringkat keteguhan) mazhab Syafie iaitu al-Imām Shaykh al-Islām Shihāb al-Dīn Ibnu Ḥajar al-Haytamī al-Makkī (w.974H) menyebut di dalam *al-Zawājir 'an Iqtirāf al-Kabā'ir* (muka surat: 82) berkata:

الْمُرَادُ بِالسُّنَّةِ: مَا عَلَيْهِ إِمَامَا أَهْلِ السُّنَّةِ وَالْجَمَاعَةِ الشَّيْخُ أَبُو الْحَسَنِ الْأَشْعَرِيُّ وَأَبُو
مَنْصُورٍ الْمَاتُرِيدِيُّ

“Maksud yang dikehendaki dengan (ahli) Sunnah (dan Jama'ah) adalah akidah yang dipegang oleh dua orang Imam Ahli Sunnah dan Jama'ah iaitu: (i) (al-Imam) al-Shaykh Abu al-Hasan al-Ash'ari dan (i) (al-Imam al-Shaykh) Abu Mansur al-Maturidi.”

Dan kemudian beliau menyatakan di dalam kitab yang sama dan di dalam kitabnya yang lain iaitu “*al-Ta'arruf fī al-Aṣḥayn wa al-Taṣawwuf*”:

¹ Definisi paling khusus dan paling masyhur yang sering dimaksudkan bagi istilah Ahli Sunnah dan Jama'ah ialah Al-Ashā'irah dan al-Māturidiyyah.

مَنْ خَالَفَهُمَا فَهُوَ مُبْتَدِعٌ

“Barang siapa yang menyalahi mereka berdua (al-Imam Abū al-Ḥasan al-Ash’arī dan al-Imam Abū Manṣūr al-Māturīdī), maka dia adalah seorang ahli bid’ah.”

Al-Imām al-Mujaddid al-Sayyid al-Murtaḍā al-Zabīdī al-Ḥusaynī (w.1205H)

Al-Imām al-Mujaddid [kurun kedua belas] Shaykh al-Islām Imām al-Musnidīn Khātimat al-Muḥaddithīn al-Ḥāfiẓ al-Faqīh al-Lughawī al-Sayyid Murtaḍā al-Zabīdī al-Ḥusaynī (w.1205H) juga menyebut di dalam kitabnya “Ithāf al-Sādah al-Muttaqīn fi Sharḥ Ihyā’ ‘Ulūm al-Dīn,” Jilid 2/14, muka surat: 8:

إِذَا أُطْلِقَ أَهْلُ السُّنَّةِ وَالْجَمَاعَةِ فَالْمُرَادُ بِهِمُ الْأَشَاعِرَةُ وَالْمَاتَرِيدِيَّةُ

“Apabila disebut Ahli Sunnah Wal Jamā’ah secara mutlak, maka golongan yang dimaksudkan dengan mereka adalah al-Ashā’irah dan al-Māturīdiyyah.”

Al-‘Allāmah Shahīd al-Miḥrāb Prof. Dr. Muḥammad Sa’īd Ramaḍān al-Būṭī (1347H/1929M - 1434H/2013M)

Al-‘Allāmah Shahīd al-Miḥrāb Prof. Dr. Muḥammad Sa’īd Ramaḍān al-Būṭī menyebut di dalam khutbah Jumaat beliau bertajuk: “**Al-Ashā’irah dan Al-Māturīdiyyah**” pada 20 Syawal 1425 Hijrah bersamaan 3 Disember 2004 Masihi:

من هم الأشاعرة والماتريدية؟ هم اللسان الناطق والمترجم لعقيدة السواد الأعظم لهذه الأمة، والسواد الأعظم هو ما قد أمر المصطفى صلى الله عليه

وسلم باتباعه « عَلَيْكُمْ بِالسَّوَادِ الْأَعْظَمِ » والأحاديث التي تركز على ضرورة اتباع السواد الأعظم من الأمة الإسلامية كثيرة، وقد بلغت فيما ذكره كثير من العلماء إلى درجة التواتر المعنوي. أجل، كلها بألفاظ متنوعة مختلفة تدعوا إلى اتباع السواد الأعظم، لا السواد الأعظم من العالم، وإنما تدعوا إلى السواد الأعظم من المسلمين.

“Siapakah mereka al-Ashā‘irah dan al-Māturīdiyyah?. Mereka adalah lisan yang berkata dan menterjemahkan akidah **al-Sawād al-A‘zam** (majoriti ulama’ dan umat Islam). Dan **al-Sawād al-A‘zam** itu adalah perkara yang telah diperintahkan oleh Rasulullah al-Muṣṭafā ﷺ untuk kita mengikutinya, dengan sabdaan Baginda ﷺ:

عَلَيْكُمْ بِالسَّوَادِ الْأَعْظَمِ

((Hendaklah kamu semua berpegang dengan **al-Sawād al-A‘zam**)).

Dan hadith-hadith yang menegaskan tentang kepentingan mengikut **al-Sawād al-A‘zam** daripada kalangan umat Islam adalah begitu banyak. Bahkan sesungguhnya hadith-hadith tersebut sepertimana yang disebut oleh ramai para ulama’ telah mencapai darjat *Mutawātir Ma‘nawī*. Benar, semuanya (hadith-hadith tersebut) dengan lafaz-lafaz yang pelbagai jenis dan bentuk menyeru ke arah mengikut **al-Sawād al-A‘zam**.

Bukan **al-Sawād al-A‘zam** (majoriti) daripada seluruh dunia, akan tetapi hadith-hadith tersebut menyeru ke arah **al-Sawād al-A‘zam** (majoriti) daripada kalangan para Muslimin.”

Sumber: Laman Sesawang Rasmi al-Shaykh al-Būṭī:
https://naseemalsham.com/persons/muhammad_said_ramadan_al_bouti/speeches/view/20041203

Al-Shaykh Dr. Nūḥ ‘Alī Salmān al-Qudāh (1939M – 2010M)

Al-Shaykh Dr. Nūḥ ‘Alī Salmān al-Qudāh – Qādī al-Qudāh (Ketua Hakim) dan Mufti Jordan yang paling berpengaruh dalam sejarahnya serta tokoh sarjana Muslim yang sangat disegani di Jordan menyebut:

ومن الجدير بالذكر أن جهازة علماء المسلمين من محدثين ومفسرين وفقهاء وأصوليين ومتكلمين هم من الأشاعرة والماتريديه، فالمالكية والشافعية وكثير من الحنابلة - كابن الجوزي - أشاعرة، والحنفية ماتريديه، فماذا يقول يوم القيامة من سب هؤلاء وشتهم وهو عالة عليهم في بقية علوم الشريعة؟

“Dan di antara perkara yang patut disebut ialah: jaguh-jaguh ulama’ Muslimin daripada ulama’ hadith, ulama’ tafsir, ulama’ fiqh, ulama’ usul fiqh dan ulama’ akidah: mereka adalah daripada **Al-Ashā’irah dan Al-Māturīdiyyah**.

Ulama’ mazhab Maliki, ulama’ mazhab Syafie dan ramai daripada ulama’ mazhab Hanbali – seperti Ibnu al-Jawzi – adalah **Ashā’irah** dan ulama’ mazhab Hanafi adalah **Māturīdiyyah**.

Maka apakah yang akan dikatakan oleh golongan yang mencaci dan mencela mereka pada hari kiamat kelak, sedangkan dalam masa yang sama golongan tersebut bergantung kepada mereka (**Al-Ashā’irah & Al-Māturīdiyyah**) dalam ilmu-ilmu Syariah yang lain?...”

R: (al-Qudah (1432H): al-Mukhtasar al-Mufid fi Sharh Jawharat al-Tawhid), pp.9-10.

Al-Shaykh Prof. Dr. Muḥammad Ḥasan Hitū: Ulama' Empat Mazhab adalah Al-Ashā'irah dan Al-Māturīdiyyah

Kedudukan al-Ashā'irah sebagai majoriti ulama' umat Islam khususnya majoriti ulama' empat mazhab adalah amat diketahui dan diperakui kawan dan lawan. Tiada yang meragui hakikat ini melainkan seorang yang taksub atau amat jahil.

Al-Shaykh Prof. Dr. Muḥammad Ḥasan Hitū menyebut di dalam muqaddimah kitab “Ahl al-Sunnah al-Ashā'irah: Shahādat 'Ulamā' al-Ummah wa Adillatuhum”, muka surat: 7:

فالمالكية كلهم أشاعرة... والشافعية كلهم أشاعرة... والحنفية كلهم أشاعرة
أو ماتريدية ولا خلاف بينهم... وجملة كبيرة من أئمة الحنابلة المتقدمين من
الأشاعرة، وهذا على الجملة.

“Maka ulama' mazhab Maliki kesemuanya adalah Ashā'irah, dan ulama' mazhab Shafi'ie kesemuanya adalah Ashā'irah, dan ulama' mazhab Hanafi kesemuanya adalah Ashā'irah atau Māturīdiyyah dan tidak ada perbezaan di antara mereka [pada hakikatnya], dan sebahagian besar daripada para imam daripada kalangan ulama' mazhab Hanbali yang terdahulu adalah daripada kalangan Ashā'irah.

Dan ini adalah secara umum.”

Beliau seterusnya menyebut:

وأما على التفصيل فعظماء أمة محمد صلى الله عليه وسلم من الأشاعرة كالباقلاني، والقشيري، وأبي إسحاق الشيرازي، وأبي الوفاء بن عقيل الحنبلي، وأبي محمد الجويني، وولده أبي المعالي إمام الحرمين الجويني، وحجة الإسلام الغزالي، والقاضي أبي بكر ابن العربي، وفخر الدين الرازي، وابن عساكر، والعز بن عبد السلام، وأبناء الأثير، والرافعي، والنووي، والسبكي، وأولاده، والمزي، والعراقي، وابنا حجر - العسقلاني والهيتمي -، والسيوطي، وما لا يحصيه العد مما تنقطع بذكره الأنفاس ويضيق بعده القرطاس.

“Manakala secara terperinci pula [berkenaan Ahli Sunnah dan Jama’ah], maka tokoh-tokoh besar umat Nabi Muhammad ﷺ adalah terdiri daripada ulama’ Al-Asha’irah – seperti:

- [Al-Imām al-Mujaddid [kurun ke-4] al-Uṣūlī al-Mutakallim Shaykh al-Sunnah, Sayf al-Sunnah, Lisān al-Ummah al-Qāḍī Abū Bakr] al-Bāqillānī [al-Ash‘arī al-Mālikī] (w.403H),
- [Al-Imām Zayn al-Islām Imām al-Ṣūfiyyah ‘Abd al-Karīm Abū al-Qāsim] al-Qushayrī (w.465H),
- [Al-Imām Shaykh al-Shāfi‘iyyah Shaykh al-Dahr, Imām al-‘Aṣr, al-Shaykh Ibrāhīm] Abū Ishāq al-Shīrāzī (w.476H),
- [Al-Imām al-‘Allāmah al-Bāhr Shaykh al-Ḥanābilah ‘Alī] Abū al-Wafā’ bin ‘Aqīl al-Ḥanbalī (w.513H),
- [Al-Imām] Abu Muhammad [‘Abdullāh] al-Juwaynī [al-Shāfi‘ī] (w.438H), dan anaknya:

- [Al-Imām al-Faqīh al-Uṣūlī al-Mutakallim] Abū al-Ma‘ālī Imām al-Ḥaramayn [‘Abd al-Malik al-Shāfi‘ī al-Ash‘arī] (w.478H),
- [Al-Imām al-Mujaddid [kurun ke-5]] Ḥujjat al-Islām [wa al-Muslimīn, Muftī al-Ummah, Sharaf al-A‘immah, Zayn al-Dīn, Abū Ḥāmid, Muḥammad] al-Ghazālī [al-Ṭūsī al-Naysābūrī al-Ṣūfī al-Shāfi‘ī al-Ash‘arī] (w.505H), [dan anak muridnya:]
- [Al-Imām al-Ḥāfiẓ al-Mufassir Khitām ‘Ulama’ al-Andalus] al-Qāḍī Abū Bakr [Muḥammad] bin al-‘Arābī [al-Mālikī al-Ash‘arī] (w.543H),
- [Al-Imām al-Mujaddid [kurun ke-6] al-Mufassir al-Faqīh al-Uṣūlī Sulṭān al-Mutakallimīn Shaykh al-Ma‘qūl wa al-Manqūl Muḥammad] Fakhr al-Dīn al-Rāzī [Ibnu Khaṭīb al-Rayy, al-Shāfi‘ī al-Ash‘arī] (w.604/605/606H),
- [Al-Imām al-‘Allāmah al-Ḥāfiẓ Kabīr Muḥaddith al-Shām Abū al-Qāsim ‘Alī] Ibnu ‘Asakir [al-Dimashqī al-Shāfi‘ī al-Ash‘arī] (w.571H) [Shaykh Dār al-Ḥādīth al-Nūriyyah – Dār al-Ḥādīth pertama dalam dunia Islam),
- [Al-Imām al-‘Allāmah al-Faqīh al-Mujtahid al-Qāḍī Sulṭān al-‘Ulamā’, Bā’i‘ al-Mulūk, Shaykh al-Islām] Al-‘Izz bin ‘Abd al-Salām [al-Shāfi‘ī al-Ash‘arī] (w.660H),
- Anak-anak al-Athīr (al-Athīr al-Dīn) [iaitu tiga orang adik beradik yang merupakan ulama’ besar Islam pada kurun ke-6 Hijrah:

- i. Al-Imām al-Muḥaddith al-Lughawī al-Uṣūlī Majd al-Dīn Abū al-Sa‘ādāt al-Mubārak al-Shāfi‘ī (w.606H), masyhur dikenali sebagai “Ibnu al-Athīr”,
 - ii. Al-Imām al-‘Allāmah al-Mu‘arrikh al-Shaykh al-Muḥaddith al-Adīb al-Nassābah ‘Izz al-Dīn Abū al-Ḥasan ‘Alī al-Shāfi‘ī (w.630H), masyhur dikenali sebagai “Ibnu al-Athīr al-Jazarī”,
 - iii. Al-Imām Ḍiyā’ al-Dīn Abū al-Fath Naṣrullāh (w.637H)], masyhur dikenali sebagai “Ibnu al-Athīr al-Kātib”]
- [Al-Imām al-‘Ālim al-‘Allāmah Shaykh al-Shāfi‘iyyah Imām al-Millah wa al-Dīn al-Mujtahid al-Muḥaqqiq al-Faqīh al-Uṣūlī al-Muḥaddith al-Mufassir al-Mu‘arrikh Abū al-Qāsim ‘Abd al-Karīm] al-Rāfi‘ī [al-Qazwīnī al-Shāfi‘ī al-Ash‘arī] (w.623H),
 - [Al-Imām al-Zāhid al-Wari‘ Waliyyullāh Shaykh al-Islām Shaykh al-Shāfi‘iyyah al-Faqīh al-Muḥaddith al-Lughawī Muḥyī al-Dīn Yaḥyā bin Sharaf] al-Nawawī [al-Shāfi‘ī al-Ash‘arī] (w.676H),
 - [Al-Imām al-Faqīh al-Ṣūfī al-Muḥaddith al-Ḥāfiẓ al-Mufassir al-Muqri’ al-Uṣūlī al-Mutakallim al-Nāhwī al-Lughawī al-Adīb al-Ḥakīm al-Mantiqī al-Jadalī al-Khilāfi al-Nazzār Shaykh al-Islām Fakh al-‘Ulama’ Qāḍī al-Quḍāh Abū al-Ḥasan ‘Alī bin ‘Abd al-Kāfi] Taqiyy al-Dīn al-Subki al-Shāfi‘ī al-Ash‘arī (w.756H) dan anak-anaknya [yang paling masyhur daripada kalangan mereka ialah:

i. Al-Imām al-Faqīh al-Mu’arrikh Qāḍī al-Quḍāh Abū Naṣr Tāj al-Dīn al-Subkī al-Shāfi‘ī al-Ash‘arī (w.771H)]

- [Al-Imām al-Ḥāfiẓ Muḥaddith al-Shām Jamāl al-Dīn Yūsuf] al-Mizzī [al-Shāfi‘ī] (w.742H),
- [Al-Imām al-Mujaddid [kurun ke-8] al-Ḥāfiẓ Shaykh al-Ḥadīth Zayn al-Dīn Abū al-Faḍl ‘Abd al-Raḥīm] al-‘Irāqī [al-Shāfi‘ī] (w.806H),
- [Al-Imām al-Ḥāfiẓ Shaykh al-Islām Amīr al-Mu’minīn fī al-Ḥadīth Shihāb al-Dīn Aḥmad] Ibnu Ḥajar al-‘Asqalānī [al-Miṣrī al-Shāfi‘ī al-Ash‘arī] (w.852H),
- [Al-Imām al-‘Allāmah al-Baḥr al-Zākhir al-Faqīh al-Muḥaddith al-Mu’arrikh al-Mutakallim Shaykh al-Islām Khātimat al-Fuqahā’ wa al-Muḥaddithīn Shihāb al-Dīn Aḥmad] Ibnu Ḥajar al-Haytamī [al-Makkī al-Shāfi‘ī al-Ash‘arī al-Ṣūfī] (w.974H),
- [Al-Imām al-Mujaddid [kurun ke-9] al-Ḥāfiẓ al-Mufassir al-Adīb al-Faqīh Jalāl al-Dīn Abū Bakr ‘Abd al-Raḥmān] al-Suyūṭī [al-Shāfi‘ī al-Ash‘arī al-Shādzulī] (w.911H), [digelar dengan “Ibnu al-Kutub,”]

dan sebilangan besar yang tidak terhitung bilangannya, nafas tidak akan terputus dan kertas tidak akan mencukupi untuk menulis mereka satu-persatu.”

فإن كان كل هؤلاء ممن ذكرنا، وأضعافا مضاعفة ممن لم نذكر ليسوا من أهل

السنة، فمن هم أهل السنة في التاريخ؟

“Dan sekiranya setiap daripada mereka (para ulama’ besar Islam) yang telah kami sebutkan, dan berganda-ganda banyaknya lagi yang tidak kami sebutkan [di sini] bukanlah daripada Ahli Sunnah dan Jama’ah*, maka siapakan Ahli Sunnah dan Jama’ah dalam sejarah [umat Islam]??!!.”

R: (al-Sinan & al-'Anjari Ahl al-Sunnah al-Asha'irah: Shahadat 'Ulama' al-Ummah wa Adillatuhum), Bahagian Muqaddimah, muka surat: 7.

* Seperti yang sering dituduh dan didakwa oleh golongan Wahhabi.

Pusat *Iftā'* Umum Jordan: Al-Ashā'irah dan al-Māturīdiyyah adalah Majoriti Umat Islam, Ulama' Yang Berwibawa dan Pembawa Akidah Rasulullah ﷺ

Dā'irat al-Iftā' al-‘Āmm (Pusat Fatwa Umum), Jordan (2023, Edisi Ke-3) menyebut di dalam kitab “Aqīdat al-Muslim”, muka surat.74:

الأشاعرة هم جمهور المسلمين في شتى العصور ومختلفة الأزمنة، وكان علماءهم وفقهاؤهم أصحاب الدولة والمناصب العلية المرموقة، وهم الذين كانوا يتولون إنشاء المدارس، وتدوين العلوم وتدريسها للطلبة، وهم الذين كانوا يحافظون على أحكام الشريعة الإسلامية، ويدافعون عن الدين الإسلامي الحنيف، وكانوا مشهورين بالعدل والإنصاف.

“Al-Ashā'irah adalah merupakan majoriti umat Islam di seluruh masa dan sepanjang zaman. Para ulama' dan fuqaha' daripada kalangan mereka adalah para pemimpin negara Islam dan ilmuan berwibawa yang mempunyai kedudukan yang tinggi dalam ilmu lagi dihormati.

Mereka adalah para pemimpin dan ulama' yang memainkan peranan dalam menubuhkan madrasah-madrasah [di dalam dunia Islam], dan mengarang [kitab-kitab dalam] pelbagai jenis bidang ilmu, serta mengajarkannya kepada para penuntut ilmu.

Dan mereka adalah [para pemimpin dan ulama'] yang memelihara hukum-hukum Syariat Islam serta mempertahankan agama Islam yang suci ini dan mereka begitu terkenal dengan keadilan dan kesaksamaan.”

Dan setelah menyenaraikan beberapa nama penting tokoh besar dunia Islam daripada kalangan ulama' al-Ashā'irah dan al-Māturīdiyyah, Pusat Fatwa Umum Jordan (2023) menambah:

وبما سبق ذكره يتبين أن المذهبين الأشعريّ والماتريديّ يمثلان عقيدة الأمة سلفاً وخلفاً على مرّ القرون، وهي العقيدة المأخوذة عن النبيّ صلى الله عليه وسلم بواسطة الصحابة الكرام ثمّ بواسطة التابعين ثمّ من بعدهم، إلى أن وصلتنا صافيةً نقيّةً بيضاء، مؤيّدة بالأدلة القرآنية والنبويّة، العقلية والنقلية، ويستحيل أن يكون المذهب الأشعريّ، الذي شكل الحضارة الإسلامية وجعلها عظيمة على مرّ السنين مذهب أهل البدعة، كما يزعم بعض أهل الفرقة والتشتيت.

“Dan dengan senarai [nama ulama' besar dunia Islam dalam pelbagai bidang ilmu: akidah, usul fiqh, tafsir Al-Quran, hadith dan fiqh] yang telah dikemukakan sebelum ini, nyatalah bahawa sesungguhnya mazhab al-Ash'arī dan al-Māturīdī adalah merupakan representasi (pernyataan) bagi akidah umat Islam pada era Salaf dan Khalaf sepanjang zaman.

Dan ia adalah akidah yang diambil daripada Baginda Nabi ﷺ melalui para Sahabat رضى الله عنه yang mulia, kemudian melalui para Tābi‘īn, dan kemudian melalui para ulama’ yang datang selepas mereka, sehinggalah sampai ia (akidah Rasulullah ﷺ) kepada kita dalam keadaan bersih dan putih [tanpa sebarang penyelewengan]; yang diperkuatkan dengan dalil-dalil Al-Quran dan al-Sunnah, aqli dan naqli.

Dan adalah mustahil untuk akidah mazhab al-Ash‘arī ini – yang telah membentuk ketamadunan Islam dan menjadikannya sebuah tamadun yang agung bertahun-tahun lamanya ini – merupakan mazhab ahli bid‘ah, sepertimana yang disangka oleh golongan yang membawa perpecahan dan perpisahan/disintegrasi* [di dalam umat Islam].”

*Khususnya golongan Wahhabi.

Tokoh-tokoh Utama Ulama’ Al-Ashā‘irah di dalam Pelbagai Disiplin Penting Ilmu Syariah

Dā‘irat al-Iftā’ al-‘Āmm (Pusat Iftā’ Umum), Jordan (2023) turut menyenaraikan tokoh-tokoh utama ulama’ Al-Ashā‘irah di dalam pelbagai bidang ilmu: akidah, usul fiqh, tafsir al-Quran, hadith dan fiqh, seperti berikut:

Bidang Akidah dan Usul Fiqh

Tokoh Ulama’ Besar Ilmu Akidah dan Usul Fiqh daripada kalangan Al-Ashā‘irah:

- Al-Imām al-Mujaddid [kurun ke-4] Shaykh al-Sunnah Lisān al-Ummah, Abū Bakr, Muḥammad al-Bāqillāni al-Mālikī al-Ash‘arī (w.403H)

- Al-Imām al-Muḥaddith al-Uṣūlī al-Mutakallim al-Faqīh Abū Bakr, Muhammad bin al-Ḥasan, Ibnu Fūrak al-Shāfi‘ī al-Ash‘arī (w.406H)
- Imām al-Ḥaramayn Abū al-Ma‘ālī ‘Abd al-Malik bin ‘Abdullāh al-Juwaynī al-Shāfi‘ī al-Ash‘arī (w.478H)
- Al-Imām al-Mujaddid [kurun ke-5] Ḥujjat al-Islām, Zayn al-Dīn, Muftī al-Ummah, Sharaf al-A‘immah, Abū Ḥāmid Muḥammad al-Ghazālī al-Shāfi‘ī al-Ash‘arī (w.505H)
- Al-Imām al-Mujaddid [kurun ke-6] al-Mufassir al-Faqīh al-Uṣūlī Sulṭān al-Mutakallimīn, Shaykh al-Ma‘qūl wa al-Manqūl, Fakhr al-Dīn al-Rāzī, Muḥammad bin ‘Umar al-Shāfi‘ī al-Ash‘arī (w.606H)

Bidang Tafsir Al-Quran dan Hadith

Tokoh Ulama’ Besar Ilmu Tafsir Al-Quran dan Hadith daripada kalangan Al-Ashā‘irah

- Al-Imām al-Muḥaddith al-Mutqin Aḥmad bin al-Ḥusayn al-Bayhaqi al-Shāfi‘ī al-Ash‘arī (w.458H)
- Al-Imām Shaykh Khurāsān Abū al-Qāsim ‘Abd al-Karīm bin Hawāzin al-Ash‘arī (w.465H)
- Al-Imām Rukn al-Dīn Shaykh al-Sunnah Muḥyī al-Sunnah al-Faqīh al-Muḥaddith al-Mufassir al-Ḥusayn bin Mas‘ūd al-Baghawī al-Shāfi‘ī al-Ash‘arī (w.510H)
- Al-Imām al-‘Allāmah al-Ḥāfiẓ al-Kabīr Muḥaddith al-Shām Ibnu ‘Asākir al-Dimashqī al-Shāfi‘ī al-Ash‘arī (w.571H) – Shaykh Dar al-Ḥadīth al-Nūriyyah yang merupakan Dār al-Ḥadīth pertama di dalam dunia Islam.

- Al-Imām al-Mujtahid al-Faqīh al-Muḥaddith al-Lughawī Shaykh al-Islām Yāhyā bin Sharaf al-Nawawī al-Shāfi‘ī al-Ash‘arī (w.676H) – Tokoh besar dunia Islam yang disepakati, pentahrir mazhab Syafie dan di antara Shaykh Dār al-Ḥadīth al-Ashrafiyyah yang merupakan Dār al-Ḥadīth paling berpengaruh di dalam dunia Islam.
- Al-Imām al-Mufassir al-Faqīh Nāṣir al-Dīn ‘Abdullāh bin ‘Umar al-Shīrāzī al-Bayḍāwī al-Shāfi‘ī al-Ash‘arī (w.685H)
- Al-Imām al-Ḥāfiẓ Qāḍī al-Quḍāh Shaykh al-Islām Amīr al-Mu‘minīn fī al-Ḥadīth Abū al-Faḍl Aḥmad bin ‘Alī, Ibnu Ḥajar al-‘Asqalānī al-Shāfi‘ī al-Ash‘arī (w.852H)
- Al-Imām al-Ḥāfiẓ al-Muḥaddith al-Mu‘arrikh al-‘Allāmah Badr al-Dīn Māhmūd bin Aḥmad al-‘Aynī al-Ḥanafī (w.855H)
- Al-Imām al-Mujaddid [kurun ke-9] al-Ḥāfiẓ al-Mufassir Jalāl al-Dīn ‘Abd al-Raḥmān bin Abū Bakr al-Suyūṭī al-Shāfi‘ī al-Ash‘arī (w.911H)

Bidang Ilmu Fiqh

Tokoh Ulama’ Besar Ilmu Fiqh daripada kalangan Al-Ashā‘irah:

- Al-Imām al-Mujtahid al-Mujāhid Sulṭān al-‘Ulamā’ Bā‘ī al-Mulūk al-‘Izz bin ‘Abd al-Salām al-Shāfi‘ī al-Ash‘arī (w.660H)
- Al-Imām Tāj al-Dīn al-Subkī al-Shāfi‘ī al-Ash‘arī (w.727H)
- Al-Imām al-Kāmāl Ibnu al-Humām al-Ḥanafī (w.861H)
- Al-Imām Shaykh al-Islām Zakariyyā al-Anṣārī al-Shāfi‘ī al-Ash‘arī (w.926H)
- Al-Imām Shaykh al-Islām Khātimat al-Fuqahā’ wa al-Muḥaddithīn Ibnu Ḥajar al-Haytami al-Makkī al-Shāfi‘ī al-Ash‘arī (w.973H)

Latar Belakang Ringkas Tokoh Terpilih daripada Ulama' Al-Ashā'irah dalam Bidang Akidah

Berikut adalah latar belakang bagi sebahagian mereka secara ringkas daripada kalangan tokoh ulama' akidah ASWJ:

[1] Imam [al-Mujaddid] al-Bāqillāni (w.403H)

Abū Bakr Muḥammad bin al-Ṭayyib, yang digelar sebagai “Shaykh al-Sunnah” dan “Lisān al-Ummah”, daripada kalangan para imam mazhab Maliki. Kepimpinan mazhab Al-Ash'arī dipegang oleh beliau pada zamannya, beliau tergolong daripada kalangan tokoh-tokoh utama Al-Ashā'irah selepas pengasasnya [Imam] Abū al-Ḥasan al-Ash'ari, sepertimana beliau juga dikira daripada kalangan para mujaddid kurun ke-empat Hijrah.

[2] Imam Ibnu Fūrak (w.406H)

Abū Bakr Muḥammad bin al-Hasan bin Fūrak Al-Anṣārī al-Aṣbahānī, seorang ahli hadith, ahli usul, *mutakallim*, ahli fiqh daripada kalangan ulama' mazhab Syafie, beliau mengambil riwayat hadith di Basrah dan Baghdad dan meriwayatkannya di Naysabur dan beliau juga membina sebuah madrasah di sana.

[3] Imam al-Ḥaramayn Abū al-Ma'ālī al-Juwaynī (w.478H)

Abū al-Ma'ālī 'Abd al-Malik bin 'Abdullāh, daripada kalangan ulama' mazhab Syafie. Beliau dibesarkan di dalam keluarga yang terkenal dengan ilmu dan agama. Bapa beliau adalah salah seorang daripada kalangan ulama' dan fuqaha' Naysabur yang terkenal. Beliau mempunyai karangan yang begitu banyak di dalam bidang tafsir, fiqh, akidah, usul fiqh dan ibadah. Beliau digelar sebagai

“Imām al-Ḥaramayn” (Imam Dua Tanah Haram) kerana beliau pernah memegang tanggungjawab sebagai imam dan tenaga pengajar di dua tanah suci, Mekah dan Madinah.

[4] Imam [al-Mujaddid] Ḥujjat al-Islām Abū Ḥāmid Muḥammad al-Ghazālī (w.505H)

Ḥujjat al-Islām Abū Ḥāmid al-Shāfi‘ī al-Ash‘arī. Beliau ialah seorang ahli fiqh, ahli usul, mutakallim, dan menjalani jalan ahli Sufi. Beliau dikenali sebagai salah seorang pengasas madrasah al-Ash‘ariyyah di dalam ilmu kalam (akidah). Dan [Imam] al-Ghazālī digelar dengan pelbagai gelaran sewaktu hidupnya, gelaran yang paling masyhur ialah “Ḥujjat al-Islām”. Dan di antara gelaran yang diberikan kepada beliau ialah: “Zayn al-Dīn”, “Maḥajjat al-Dīn”, “al-Ālim al-Awḥad”, “Muftī al-Ummah”, “Barakat al-Anām”, “Imām A’immat al-Dīn” dan “Sharaf al-A’immah”.

[5] Imam [al-Mujaddid] Fakhr al-Dīn al-Rāzī (w.606H)

Abū ‘Abdillāh Muḥammad bin ‘Umar al-Qurashī (asal keturunan dari Quraysh) al-Shāfi‘ī al-Ash‘arī. Beliau digelar sebagai “Fakhr al-Dīn al-Rāzī”, “Sulṭān al-Mutakallimin”, “Shaykh al-Ma‘qūl wa al-Manqūl”, seorang ahli tafsir, ahli fiqh, ahli usul, ahli ilmu yang ensiklopedik (menguasai pelbagai ilmu). Kajian-kajian, pengajian-pengajian dan karangan-karangan beliau merangkumi ilmu-ilmu kemanusiaan, bahasa, ilmu-ilmu ‘aqliyyah sehingga ilmu-ilmu sains praktikal dan alam tabii seperti fizik, *riyāḍiyyāt* (matematik, kejuruteraan, algebra dan lain-lain) perubatan dan astronomi. Beliau merupakan tokoh pemimpin mazhab al-Ash‘arī dan merupakan mujaddid bagi mazhab ini. Apabila beliau menaiki haiwan tunggangannya, maka beliau akan dikelilingi oleh puluhan

penuntut ilmu yang bertanya kepadanya soalan dalam pelbagai bidang ilmu.

[Rujukan: Kitab “Aqīdat al-Muslim” (2023), terbitan Dā’irat al-Iftā’ al-‘Āmm (Pusat Fatwa Umum), Jordan, muka surat: 89-90]

Tokoh Ulama’ Al-Ashā’irah adalah Para Mujaddid Sepanjang Kurun

Al-Imām al-Ḥāfiẓ al-Mawsū’ī al-Mujtahid al-Mujaddid [kurun kesembilan] Jalāl al-Dīn ‘Abd al-Raḥmān bin Abū Bakr al-Suyūṭī al-Shāfi’ī al-Ash‘arī al-Shādzīlī (w.911H) telah merakamkan nama para mujaddid Islam di dalam manẓūmah beliau yang bertajuk “Tuḥfat al-Muhtadīn bi Akhbār al-Mujaddidīn”. Beliau menyebut:

الْمَانِحِ الْفَضْلَ لِأَهْلِ السُّنَّةِ	الْحَمْدُ لِلَّهِ الْعَظِيمِ الْمِنَّةَ
Segala puji bagi Allah yang Maha Agung dalam memberi kurniaan, lagi yang Maha Memberi limpah kurniaan/ kelebihan kepada Ahli Sunnah [dan Jama’ah].	
عَلَى نَبِيِّ دِينِهِ لَا يَنْدَرِسُ	ثُمَّ الصَّلَاةُ وَالسَّلَامُ نَلْتَمِسُ
Kemudian selawat dan salam kami pohonkan, ke atas Nabi [Muhammad ﷺ] yang agamanya tidak akan lenyap.	
رَوَاهُ كُلُّ حَافِظٍ مُعْتَبَرٍ	لَقَدْ أَتَى فِي خَبَرٍ مُشْتَهَرٍ
Sesungguhnya telah datang di dalam khabar (hadith) yang masyhur; setiap hafiz yang diperakui [keilmuannya dalam hadith] telah meriwayatkannya.	

يَبْعَثُ رَبُّنَا هُدًى الْأُمَّةُ	بِأَنَّهُ فِي رَأْسِ كُلِّ مِائَةٍ
Bahawa sesungguhnya pada setiap awal seratus tahun (kurun), Tuhan kita akan membangkitkan bagi umat ini.	
دِينَ الْهُدَى لِأَنَّهُ مُجْتَهِدٌ	مَنَّا عَلَيْهَا عَالِمًا يُجَدِّدُ
Sebagai kurniaan ke atas umat ini - seorang alim yang akan memperbaharui (menghidupkan), agama petunjuk ini kerana beliau adalah seorang mujtahid.	
خَلِيفَةُ الْعَدْلِ بِإِجْمَاعٍ وَقَرَّ	فَكَانَ عِنْدَ الْمِائَةِ الْأُولَى عُمَرُ
Maka pada kurun yang pertama [si mujaddid] ialah [Khalifah] ‘Umar [bin ‘Abd al-‘Azīz] (w.101H), Sang khalifah yang adil, secara ijma’ ditetapkan.	
لِمَا لَهُ مِنَ الْعُلُومِ السَّامِيَةِ	وَالشَّافِعِيُّ كَانَ عِنْدَ الثَّانِيَةِ
Dan [al-Imām] al-Shāfi‘ī (w.204H) adalah mujaddid pada kurun kedua, kerana baginya itu ilmu-ilmu yang sangat tinggi.	
وَالْأَشْعَرِيُّ عَدَّهُ مِنْ أُمَّةِ	وَأَبْنِ سُرَيْجٍ ثَالِثُ الْأُمَّةِ
Dan [al-Imām] Ibnu Surayj (w.306H) adalah mujaddid [kurun] yang ketiga, dan [al-Imām Abū al-Ḥasan] al-Ash‘arī (w.324H) dikira mujaddid oleh mereka (para ulama’) yang mengangkat beliau sebagai Imam.	
الْإِسْفَرَايِينِيُّ خُلِفَ قَدْ حَكَمُوا	وَالْبَاقِلَانِيُّ رَابِعٌ أَوْ سَهْلٌ أَوْ

Dan [al-Imām Abū Bakr] al-Bāqillānī (w.402H) itu adalah yang keempat, ataupun [al-Imām Abū al-Ṭayyib] Sahl [al-Ṣa‘lūkī] (w.404H) atau, [al-Imām Abū Ḥāmid] al-Isfarāyīnī (w.406H), terdapat khilaf dalam hal ini seperti yang mereka nyatakan.

وَعَدَّهُ مَا فِيهِ مِنْ جِدَالٍ

وَالْحَامِسُ: الْحَبْرُ هُوَ الْغَزَالِي

Dan yang kelima adalah si pendeta [umat ini] al-Imām al-Ghazālī (w.505H), dan pengiraan beliau sebagai mujaddid tidak ada padanya perdebatan.

وَالرَّافِعِيُّ مِثْلَهُ يُوَازِي

وَالسَّادِسُ: الْفَخْرُ الْإِمَامُ الرَّازِي

Dan yang keenam ialah [al-Imām] Fakhr al-Dīn al-Rāzī (w.606H), dan [al-Imām] al-Rāfi‘ī (w.623H) seumpamanya seiringan.

إِبْنُ دَقِيقِ الْعَيْدِ بِاتِّفَاقٍ

وَالسَّابِعُ: الرَّاقِي إِلَى الْمِرَاقِي

Dan yang ketujuh ialah dia yang meningkat ke pelbagai tingkatan [kemuliaan], [al-Imām] Ibnu Daqīq al-‘Īd (w.702H) dengan sepakat.

أَوْ حَافِظُ الْأَنْامِ زَيْنُ الدِّينِ

وَالثَّامِنُ: الْحَبْرُ هُوَ الْبُلْقِينِي

Dan yang kelapan ialah si pendeta [al-Imām Sirāj al-Dīn] al-Bulqīnī (w.805H), atau Hāfiz al-Anām [al-Imām] Zayn al-Dīn [al-‘Irāqī] (w.806H).

وَهُوَ عَلَى حَيَاتِهِ بَيْنَ الْفِئَةِ

وَالسَّرَطُ فِي ذَلِكَ أَنْ تَمُضِيَ الْمِائَةُ

Dan syaratnya ialah apabila berlalunya kurun tersebut, beliau (si mujaddid) masih hidup di kalangan mereka.

وَيَنْصُرُ السُّنَّةَ فِي كَلَامِهِ

يُشَارُ بِالْعِلْمِ إِلَى مَقَامِهِ

Ditunjuk dengan ilmu pada kedudukannya, dan beliau menghidupkan Sunnah [Rasulullah ﷺ] dengan kalamnya.

وَأَنْ يَعْمَ عِلْمُهُ أَهْلَ الزَّمَنِ

وَأَنْ يَكُونَ جَامِعًا لِكُلِّ فَنٍ

Dan hendaklah beliau menghimpunkan semua jenis ilmu, dan [manfaat] ilmunya itu tersebar luas kepada ahli zamannya.

مِنْ أَهْلِ بَيْتِ الْمُصْطَفَى، وَقَدْ قَوِيَ

وَأَنْ يَكُونَ فِي حَدِيثٍ قَدْ رُوِيَ

Dan dalam sebuah hadith yang diriwayatkan [berkenaan al-Imām al-Mahdī], beliau hendaklah, daripada keturunan keluarga [Rasulullah] al-Mustafā [ﷺ], dan ia riwayat yang kuat.

قَدْ نَطَقَ الْحَدِيثُ وَالْجُمْهُورُ

وَكَوْنُهُ فَرْدًا هُوَ الْمَشْهُورُ

Dan dia adalah seorang individu, mengikut pandangan yang masyhur, yang telah disebut oleh hadith dan majoriti ulama'.

أَتَتْ، وَلَا يُخْلَفُ مَا الْهَادِي وَعَدُ

وَهَذِهِ تَاسِعَةُ الْمِئِينَ قَدْ

Dan ini adalah kurun yang kesembilan sesungguhnya telah datang, tidaklah [Allah] Yang Maha Memberi Petunjuk itu memungkiri janji[-Nya].

فِيهَا فَفَضَّلُ اللَّهِ لَيْسَ يُجْحَدُ

وَقَدْ رَجَوْتُ أَنِّي الْمَجْدُدُ

<p>Dan sesungguhnya aku berharap bahawa aku adalah seorang mujaddid: (al-Imām al-Suyūṭī) (w.911H) padanya, maka sesungguhnya kurniaan Allah itu tidak dinafikan.</p>	
<p>وَآخِرُ الْمِئِينَ فِيمَا يَأْتِي</p>	<p>عِيسَى نَبِيُّ اللَّهِ ذُو الْآيَاتِ</p>
<p>Dan pada akhir abad nanti yang akan datang, Nabi ‘Īsā ﷺ yang memiliki tanda-tanda [kenabiannya] [akan muncul].</p>	
<p>يُجَدِّدُ الدِّينَ هُدًى الْأُمَّةِ</p>	<p>وَفِي الصَّلَاةِ بَعْضُنَا قَدْ أَمَّهُ</p>
<p>Memperbaharui (menghidupkan) agama bagi umat ini, dan di dalam solat kelak sebahagian daripada kita [iaitu al-Imām al-Mahdī] akan menjadi imam bagi beliau.</p>	
<p>مُقَرَّرًا لَشَرِّعِنَا وَيَحْكُمُ</p>	<p>بِحُكْمِنَا إِذْ فِي السَّمَاءِ يُعَلِّمُ</p>
<p>Beliau datang menetapkan Syariat kita, dan berhukum dengan hukum [Syariat] kita, tatkala di langit beliau telah diberi ilmu [tentang Syariat ini].</p>	
<p>وَبَعْدَهُ لَمْ يَبْقَ مِنْ مُجَدِّدٍ</p>	<p>وَيُرْفَعُ الْقُرْآنُ مِثْلَ مَا بَدِي</p>
<p>Dan selepas kewafatan beliau kelak, tidak akan ada lagi mujaddid, dan Al-Quran akan diangkat seperti bermulanya.</p>	
<p>وَتَكْثُرُ الْأَشْرَارُ وَالْإِضَاعَةُ</p>	<p>مِنْ رَفْعِهِ إِلَى قِيَامِ السَّاعَةِ</p>

Dan orang-orang jahat akan bertambah ramai serta agama akan disia-siakan, sejak daripada Al-Quran diangkat sehinggalah berlakunya Kiamat.

وَمَا جَلَا مِنْ الْخِطَا وَأَنْعَمًا

وَأَحْمَدُ اللَّهِ عَلَى مَا عَلَّمَا

Dan aku memuji Allah di atas apa yang telah Dia ajarkan, dan di atas ilmu yang menjadi terang setelah ia tersembunyi, dan di atas apa yang Dia kurniakan.

وَالْآلِ مَعَ أَصْحَابِهِ الْمَكْرُمَةِ

مُصَلِّيًا عَلَى نَبِيِّ الرَّحْمَةِ

Juga aku berselawat ke atas Nabi [Muhammad ﷺ] yang membawa rahmat, juga ke atas ahli keluarga/para pengikut Baginda ﷺ serta para Sahabat ﷺ yang dimuliakan.



Ringkasan bagi nama para mujaddid di dalam manzūmah di atas adalah seperti berikut:


Kurun	Mujaddid
Pertama	Khalifah ‘Umar bin ‘Abd al-‘Azīz (w.101H)
Kedua	Al-Imām Muḥammad bin Idrīs al-Shāfi‘ī (w.204H)
Ketiga	Al-Imām Ibnu Surayj (w.306H); Al-Imām Abū al-Ḥasan al-Ash‘arī (w.324H)
Keempat	Al-Imām Abū Bakr al-Bāqillānī (w.402H); Al-Imām Abū al-Ṭayyib Sahl al-Ṣa‘lūkī (w.404H); Al-Imām Abū Hāmid al-Isfarāyīnī (w.406H)
Kelima	Al-Imām Ḥujjat al-Islām Abū Hāmid Muḥammad al-Ghazālī (w.505H)

Keenam	Al-Imām Fakhr al-Dīn al-Rāzī (w.606H); Al-Imām al-Rāfi‘ī (w.623H)
Ketujuh	Al-Imām Ibnu Daqīq al-‘Īd (w.702H)
Kelapan	Al-Imām Sirāj al-Dīn al-Bulqīnī (w.805H); Al-Imām Ḥāfiẓ al-Anām Zayn al-Dīn al-‘Irāqī (w.806H)
Kesembilan	Al-Imām al-Ḥāfiẓ Jalāl al-Dīn ‘Abd al-Raḥmān al-Suyūṭī (Doa beliau)

Dan senarai nama para mujaddid ini dipenuhi dengan tokoh-tokoh ulama’ ASWJ al-Ashā‘irah yang menguasai pelbagai bidang ilmu. Sumbangan mereka ke arah pengukuhan agama dan Sunnah Rasulullah ﷺ terlalu jelas dan besar. Segala puji hanyalah bagi Allah ﷻ.

Manhaj ASWJ di Tanah Melayu

Kerangka manhaj Ahli Sunnah Wal Jama'ah di Tanah Melayu
(Malaysia) ad



Para imam ASWJ yang menjadi ikutan dan teladan bagi umat Islam di Tanah Melayu dalam ketiga-tiga cabang fardu ain: [i] akidah, [ii] fiqh dan [iii] tasawuf adalah merupakan para ulama' muktabar dunia Islam yang dianggap sebagai "Mujaddid" bagi kurun mereka.

Hakikat ini dapat dilihat di dalam kitab-kitab para ulama' Melayu, wasiat mereka dan fatwa serta undang-undang tempatan. Penulis menukilkan sebahagian daripada kenyataan ini di dalam buku yang ringkas ini.² Kenyataan-kenyataan tersebut ialah:

- Wasiat Sheikh Abdullah Fahim
- Kenyataan Ketua Pengarah JAKIM (2013): Tan Sri Dato' Haji Othman bin Mustapha
- Kenyataan Jawatankuasa Fatwa Kerajaan Negeri Sembilan (2016)

² Penulis juga sedang menyiapkan sebuah buku yang khusus berkenaan Ahli Sunnah dan Jama'ah. Semoga Allah memberi taufik untuk penulis menyiapkannya.

Wasiat Syeikh Abdullah Fahim bin Syeikh Ibrahim (1869M – 1961M)

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ وَالصَّلَاةُ وَالسَّلَامُ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ، (أَمَّا بَعْدُ):

“Tuan-tuan sedia maklum beratus-ratus tahun bahawa orang bangsa Melayu seMalaya ini dari peringkat ke bawah hingga ke peringkat ke atas, awam-awam, qadi-qadi, ulama'-ulama', menteri-menteri hingga raja-raja sekalian mereka itu **bermazhab dengan mazhab al-Imām al-Shāfi'ī ijmā'an**, tiada seorang pun yang bermazhab lain daripada mazhab Shāfi'ī (يَحْرُمُ خَرْقُ الْإِجْمَاعِ) “haram hukumnya mencarik/ merobek ijma’”.

Ambil mereka itu **hukum-hukum fiqh Shāfi'ī** daripada kitab Tuḥfah dan kitab Nihāyah hingga kitab al-Umm dan mukhtaṣarātinya dan terjemahnya kepada bahasa Melayu seperti Sabīl al-Muhtadīn, Bughyat al-Ṭullāb dan Maṭla' al-Badrayn dan lainnya.

Usuluddin atas perjalanan Abu al-Hasan al-Ash'arī, diambikkan daripada shurūḥ dan hawāshī Umm al-Barāhīn dan Jawharah dan sebagainya daripada kitab-kitab Melayu.

Ilmu Tasawuf atas perjalanan al-Imām al-Ghazālī, diambikkan daripada Minhāj al-'Ābidīn, Ihyā' 'Ulūm al-Dīn dan terjemahnya kepada Melayu seperti Siyar/Sayr al-Sālikīn.

Maka ini kitab-kitab dan seumpamanya segala hukum dalamnya kesemua mustanbaṭ daripada Qur'an dan Hadith yang dihalusi dan ditapis oleh ulama' ajillā' (ulama yang cemerlang lagi terbilang), diamal dengan dia sudah lebih daripada seribu (1000) tahun dan diterjemah kepada bahasa Melayu beratus-ratus tahun.”

بِسْمِ اللَّهِ الرَّحْمَنِ الرَّحِيمِ لِلْحَمْدِ وَالصَّلَاةِ وَالصَّلَامِ عَلَى سَيِّدِنَا مُحَمَّدٍ
وَعَلَى آلِهِ وَاصْحَابِهِ (أما بعد)
توان، سید معلوم ^{برائت} تاهن، مولوی ^{نفسا} ملا یوسف
دری فرمگت کتابوه هفتکا فرمگت کاتبی
عوام، قاضی، علمای منتزعی، هفتکاراج، کلین فرمگت بر مذهب
دعوی مذهب الامام الشافعی اجماعاً تبادا سور الخ خورج یغ بر مذهب
لابن در فدا مذهب شافعی (یحرم خرق الإجماع)
آبیل فرمگت حکم، فقه شافعی در فدا کتاب تحفة، دان
کتاب نهایه هفتکا کتاب الام داء مختصرات داء ترجمه
کفایه ملا یوسف سبیل المرقدی، بغیة الطلاب
دائ بطلم البدری داء لایان
اصول الدین اتسی خراج الزابی الحسنی الاستغری
دائ بیل کن در فدا شروع داء عوایشی امام البراهین داء جوهرة
دائ سبکائی در فدا کتاب، ملا یوسف
علم تصوف اتسی خراج الزابی الامام الغزالی
دائ بیل کن در فدا منهاج العاردين، احياء علوم الدين
دائ ترجمه کفایه ملا یوسف، سیر الساکین
کتاب انی کتاب، داء مؤمنان سکالاجکوم والمرکز کسواح
مستنبط در فدا قرآن داء حدیث یفدها لرسی داء
ذناخشی اوله علماء اجلاء دعمل دتندی سوده لیه در فدا
سریبوتاهن داء ترجمه کفایه ملا یوسف برائت تاهن
برائت

Tan Sri Dato' Haji Othman Bin Mustapha – Ketua Pengarah JAKIM (2013)

Ketua Pengarah JAKIM (24 April 2011 - 16 Mei 2018), Tan Sri Dato' Othman Mustapha juga ada menerangkan berkenaan definisi dan kerangka Ahli Sunnah dan Jama'ah yang menjadi asas penghayatan agama Islam di Malaysia. Pada tahun 2013, beliau menyebut:

“Anutan Ahli Sunnah Wal Jama'ah yang menjadi tradisi di Malaysia [dari sudut fiqh] merujuk kepada pengikut mazhab Syafieyah dan dari segi teologinya [akidah] beraliran Asya'irah tanpa menolak tiga mazhab lain yang muktabar. Dari segi akhlak atau rohaniyahnya [Tasawwuf] dipengaruhi oleh pandangan Imam Al-Ghazali.”

Rujukan: Dato Othman Mustapha, Ketua Pengarah JAKIM, Berita Harian, Ahad, 13 Disember 2013, m/s 30-31.

Muzakarah Jawatankuasa Fatwa Negeri Sembilan (2016)

“Setelah meneliti setiap pandangan ahli mesyuarat dan hujah-hujah yang dikemukakan, Muzakarah Jawatankuasa Fatwa Negeri Sembilan Bil. 02/2016-1437H yang bersidang pada 25 Februari 2016 bersamaan 16 Jamadilawal 1437H telah bersetuju menerima cadangan takrifan berkaitan Ahli Sunnah Wal Jama'ah dalam konteks Negeri Sembilan iaitu merujuk kepada kelompok majoriti umat Islam mereka yang berpegang dengan ajaran Islam yang sebenar berdasarkan al-Quran dan panduan Nabi Muhammad SAW, para sahabat dan para ulama Islam muktabar serta berpegang dalam hal berkaitan dengan:

1. Akidah dan Tauhid, berdasarkan pegangan Imam Abu Hasan al-Ash'ari dan Imam Abu Mansur al-Maturidi.
2. Fiqh dan Syariah, berdasarkan mazhab Shafii di samping meraikan mazhab Hanafi, Maliki dan Hanbali.
3. Tasawwuf, berdasarkan manhaj ulama sufi berwibawa seperti Imam Junaid al-Baghdadi dan Imam al-Ghazali.”

Rujukan: Laman Sesawang JMKNS (Jabatan Mufti Kerajaan Negeri Sembilan). Tarikh akses: Ahad, 8 Mei 2016.

Deklarasi Ipoh (2023)

Muzakarah Sultan Nazrin Muizzuddin Shah dengan tema "Memperkasa Ahli Sunnah Wal Jama'ah Sebagai Al-Fiqah Al-Najiah" telah dianjurkan oleh Jabatan Mufti Negeri Perak Darul Ridzuan dan dirasmikan oleh Duli Yang Maha Mulia Paduka Seri Sultan Nazrin Muizzuddin Shah Ibni Al-Marhum Sultan Azlan Muhibbuddin Shah Al-Maghfur-Lah bertempat di Hotel Casuarina @ Meru, Ipoh, Perak pada 10-12 Oktober 2023 Masihi bersamaan 25-27 Rabi'ul Awwal 1445 Hijrah.

Muzakarah yang berlangsung selama tiga hari ini telah membuat deklarasi berikut:

[1] Ahli Sunnah Wal Jama'ah merujuk kepada umat Islam yang berpegang teguh dengan petunjuk Rasulullah ﷺ dan para sahabat baginda ﷺ di dalam memahami dan mengamalkan agama Islam.

[2] Ahli Sunnah Wal Jama'ah adalah merupakan pegangan majoriti ulama' dan umat Islam sepanjang zaman semenjak generasi para Salaf dan Khalaf sehingga hari ini. Mereka disebut sebagai "Al-Jama'ah", "Al-Sawad Al-A'zam" dan "Al-Firqah Al-Najiah" yang telah

diperintahkan oleh Rasulullah ﷺ untuk umat Islam berpegang dengannya tatkala berlakunya perpecahan umat.

[3] Ahli Sunnah Wal Jama'ah ialah golongan umat Islam yang berpegang dengan manhaj Imam Abu al-Hasan Al-Ash'ari dan Imam Abu Mansur al-Maturidi serta ahli Athar di dalam bidang akidah, dan beramal dengan mazhab yang muktabar di dalam bidang fiqh, serta mengikut madrasah Imam Junayd al-Baghdadi dan Imam al-Ghazali di dalam bidang tasawuf.

[4] Manhaj Ahli Sunnah Wal Jama'ah adalah merupakan manhaj yang mengambil pendekatan pertengahan dan seimbang di antara dalil naqli dan aqli serta berpegang dengan kaedah Tafwid dan Takwil bagi nas-nas mutashabihat.

[5] Ahli Sunnah Wal Jama'ah menjadi pegangan seluruh ulama' muktabar daripada kalangan fuqaha', ahli hadith, ahli tafsir, ulama' tasawuf, ulama' lughah dan ilmu qiraat.

[6] Firqah-firqah bid'ah seperti Syiah, Khawarij, Mujassimah, Mushabbihah, Muktazilah, Batiniyyah, Liberalisme, Pluralisme, Sekularisme, Wahhabi, Salafiah Jihadiyah, DAESH, Al-Ikhwaniyyah, Hizbut Tahrir dan sebarang fahaman yang membawa kepada fenomena takfir dan keganasan terkeluar daripada Ahli Sunnah Wal Jama'ah.

[7] Ahli Sunnah Wal Jama'ah juga adalah merupakan jati diri umat Islam di alam Melayu sejak kedatangannya dan menjadi warisan sehingga ke hari ini. Oleh itu, Ahli Sunnah Wal Jama'ah perlulah difahami, dihayati, dipelihara dan dilindungi serta usaha-usaha

memperkasakan Ahli Sunnah Wal Jama'ah ini perlulah dilakukan secara menyeluruh dan berterusan.

Dato' Wan Zahidi Wan Teh

Mufti Negeri Perak Darul Ridzuan

12 Oktober 2023 bersamaan 27 Rabi'ul Awwal 1445 Hijrah





Imam al-Sanūsī

&

**Kitab Ummu al-
Barāhīn**



AL-IMĀM AL-MUJTAHID AL-MUJADDID MUḤAMMAD BIN YŪSUF AL-SANŪSĪ AL-MĀLIKĪ AL-ASH‘ARĪ

Imam Muhammad bin Yusuf al-Sanusi (w.895H)

Beliau ialah Imam al-Mujtahid al-Mujaddid Abu ‘Abdillah, Muhammad bin Yusuf bin ‘Umar bin Shu‘ayb al-Sanusi [dari sudut tempat asal], al-Tilimsānī [dari sudut tempat kelahiran], al-Mālikī [dari sudut mazhab fiqh], al-Ash‘arī [dari sudut mazhab akidah] dan al-Sharīf al-Ḥasanī [dari sudut keturunan sebelah ibu].

Tarikh lahir beliau tidak dinyatakan secara jelas oleh ahli sejarah, namun kebanyakan mereka berpandangan bahawa beliau lahir selepas sekitar tahun 830 Hijrah. Beliau dilahirkan dan dibesarkan di Tilimsān (sebuah bandar di Algeria) oleh bapanya, seorang alim dan wali yang soleh al-Shaykh Yūsuf al-Sanūsī. Beliau telah menghafal al-Quran sejak kecil lagi di bawah bimbingan bapanya dan beliau turut belajar asas-asas ilmu agama daripada bapanya. Kesolehan beliau telah zahir semenjak kecil lagi apabila beliau bersikap menjaga maruah, banyak berdiam dan banyak bersedekah kepada golongan fakir miskin serta mempunyai kasih dan sayang terhadap mereka.

Beliau adalah daripada kalangan ulama’ Ahli Sunnah dan Jama’ah yang terulung dan mempunyai bakti dan sumbangan yang cukup besar dalam dunia keilmuan Islam. Beliau menguasai pelbagai bidang ilmu, bersifat warak dan zuhud dan telah mempelajari ilmu-ilmu Islam daripada para mashayikh yang hebat.

Para Guru

Di antara guru-guru beliau ialah:

1. Bapa beliau sendiri: al-Shaykh Abū Ya‘qūb, Yūsuf bin ‘Umar bin Shu‘ayb, al-Sanūsī.
2. Al-Shaykh Naṣr al-Zawāwī al-Tilimsānī. Imam al-Sanūsī mengambil banyak ilmu bahasa arab daripada beliau.
3. Al-Shaykh al-Ḥasan bin Makhlūf bin Mas‘ūd al-Muzīlī al-Rāshidī yang lebih dikenali sebagai Abrakān. Beliau adalah di antara guru yang paling berpengaruh bagi Imam al-Sanūsī. Imam al-Sanūsī telah mengambil banyak manfaat ilmu daripada beliau, dan beliau amat menyintainya dan sering mendoakannya.
4. Al-Shaykh Muḥammad bin Qāsim bin Tūnarat al-Ṣanhājī al-Tilimsānī.
5. Al-Shaykh Abū al-Ḥasan ‘Alī bin Muḥammad bin Muḥammad bin ‘Alī al-Qurashī, yang lebih dikenali dengan al-Qalṣādī.
6. Al-Shaykh Abū al-Ḥajjāj Yūsuf bin Aḥmad bin Muḥammad al-Sharīf al-Ḥasanī.
7. Al-Shaykh Abū ‘Abdillāh Muḥammad bin al-‘Abbās bin ‘Isā al-‘Iyādī, yang lebih dikenali dengan Ibnu al-‘Abbās.
8. Al-Shaykh Muḥammad bin Aḥmad bin ‘Isā al-Sharīf, yang lebih dikenali dengan “al-Jallāb.”
9. Al-Shaykh Abū al-Qāsim
10. Al-Shaykh Abu Zayd ‘Abd al-Raḥmān al-Tha‘ālabī. Beliau ialah pengarang kitab tafsir “al-Jawāhir al-Ḥisān” dan kitab-kitab lain yang bermanfaat. Imam al-Sanūsī telah membaca Ṣaḥīḥ al-Bukhārī dan Ṣaḥīḥ Muslim dan kitab-kitab hadith yang lain dengan beliau.

Dan lain-lain.

Para Murid

Di antara murid-murid beliau ialah:

1. Al-Shaykh Muḥammad bin ‘Umar bin Ibrāhīm al-Mallālī al-Tilimsānī. Beliau mengarang kitab “al-Mawāhib al-Qudsiyyah fi al-Manāqib al-Sanūsiyyah.”
2. Al-Shaykh Balqāsīm bin Muḥammad al-Zawāwī. Beliau adalah daripada kalangan anak murid kanan dan awal bagi Imam al-Sanūsī.
3. Al-Shaykh Muḥammad bin Abū Madyan al-Tilimsānī.
4. Al-Shaykh Aḥmad bin Muḥammad, yang lebih dikenali sebagai Ibnu al-Ḥājj al-Baydari al-Tilimsānī.
5. Al-Shaykh al-Faqīh al-Ṣūfī Muḥammad al-Qal‘ī, juga di antara murid kanan Imam al-Sanūsī.
6. Al-Shaykh al-Faqīh al-Uṣūlī Muḥammad bin ‘Abd al-Raḥmān al-Ḥawḍī (w.910H).

Dan lain-lain.

Kitab Karangan

Di antara kitab-kitab karangan beliau ialah:

- Al-Sharḥ al-Kabīr ‘alā al-Ḥawfiyyah/ al-Muqarrib al-Mustawfī fi Sharḥ Farā’id al-Ḥawfī. Beliau mengarang kitab ini sewaktu berumur 19 tahun.
- Al-‘Aqīdah [al-Sanūsiyyah] al-Kubrā, yang dikenali sebagai “‘Aqīdat Ahl al-Tawḥīd”/ “‘Aqīdat Ahl al-Tawḥīd al-Mukhrijah bi ‘Awn Allāh min Ḍulumāt al-Jahl wa Ribqat al-Taqlīd al-Murghimah bi Faḍl Allāh Ta‘ālā Anf Kull Mubtadi‘ wa ‘Anīd.”

- Sharḥ al-‘Aqīdah al-Kubrā bertajuk “‘Umdat Ahl al-Tawfiq wa al-Tasdīd fi Sharḥ ‘Aqīdat Ahl al-Tawḥīd.”
- Al-‘Aqīdah [al-Sanūsiyyah] al-Wuṣṭā
 - Sharḥ al-‘Aqīdah [al-Sanūsiyyah] al-Wuṣṭā
- **Al-‘Aqīdah [al-Sanūsiyyah] al-Ṣughrā**, yang juga dikenali sebagai “**Ummu al-Barāhīn.**” Matan akidah ini boleh dianggap sebagai karyanya yang paling masyhur dan tersebar luas d di dalam dunia Islam (**Kitab ini**).
 - Sharḥ al-‘Aqīdah [al-Sanūsiyyah] al-Sughrā
- ‘Aqīdat Ṣughrā al-Ṣughrā
 - Sharḥ ‘Aqīdat Ṣughrā al-Ṣughrā
- Al-Mufīdah
- Al-Muqaddimāt
- Tawḥīd Ahl al-‘Irfān wa Tawḥīdullāh bi al-Dalīl wa al-Burhān
- A-Minhāj al-Sadīd fi Sharḥ Kifāyat al-Murīd. Ia merupakan syarahan beliau bagi Naẓm Aḥmad bin ‘Abdullāh al-Zawāwī al-Jazā’irī.
- Sharḥ al-Asmā’ al-Ḥusnā
- Sharḥ al-Muqaddimah al-Waghlīsīyyah. Al-Muqaddimah al-Waghlīsīyyah adalah merupakan sebuah kitab yang masyhur dikarang oleh al-Imām ‘Abd al-Raḥmān al-Waghlīsī al-Bijā’ī al-Zawāwī yang lebih dikenali sebagai Sayyidī Buzayd al-Waghlīsī (w.786H). Ia merupakan kitab yang merangkumi tentang fiqh mazhab Maliki, akidah Ashā’irah dan tasawwuf Imam al-Junayd al-Baghdādī.
- Sharḥ Naẓm al-Hawḍī fī al-‘Aqā’id.
- Sharḥ Murshidah Ibn Ṭūmart
- Sharḥ Mukhtaṣar Ibn ‘Arafah

- Sharḥ Īsāghūjī fi al-Mantiq
- Sharḥ Jawāhir al-‘Ulūm li al-‘Aḍud
- Mukhtaṣar fi al-Qirā’āt al-Sab‘
- Mukhtaṣar Ḥāshiyat al-Taftāzānī ‘ala al-Kashshāf
- Mukhtaṣar al-Rawḍ al-Unuf fi Sharḥ al-Sīrah al-Nabawiyah li Ibn Hishām li ‘Abd al-Raḥmān al-Suhaylī
- Ringkasan kitab Bughyat al-Sālik ilā Ashraf al-Masālik
- Ringkasan kitab al-Ri‘āyah li Ḥuqūqillāh
- Risālat al-Dahriyyah fī al-‘Aqīdah.

dan lain-lain.

Petikan Kata-kata

Di antara kata-kata beliau yang penting di dalam “Al-‘Aqīdah al-Wuṣṭā” ialah berkenaan syarat-syarat bagi seorang wali Allah. Beliau menyatakan bahawa terdapat empat (4) syarat bagi seorang wali Allah, iaitu:

1. Hendaklah dirinya seorang yang mempunyai *ma‘rifah* (pengetahuan yang benar) berkenaan Uṣūl al-Dīn (prinsip-prinsip asas agama) sehingga dia dapat membezakan di antara makhluk dan pencipta.
2. Hendaklah dirinya seorang yang mempunyai ilmu pengetahuan berkenaan hukum-hukum Syariat dari sudut nukilan/riwayat dan kefahaman.
3. Hendaklah dirinya seorang yang berakhlak dengan akhlak-akhlak terpuji yang dianjurkan oleh Syariat dan akal.
4. Hendaklah dirinya sentiasa melazimi ketakutan (ketakwaan) kepada Allah sepanjang masa dan tidak pernah merasa tenang terhadap [tipu daya] nafsu/ dirinya sekali-kali kerana

menyedari bahawa dia tidak mengetahui [pada hakikatnya] adakah dirinya tergolong daripada kalangan golongan yang ditentukan kebahagiaan [abadi] atau kecelakaan [abadi] [di sisi Allah ﷻ].

Kewafatan

Al-Imām Muḥammad bin Yūsuf al-Sanūsī al-Māliki al-Ash‘arī wafat pada hari Ahad selepas solat Asar pada 18 Jamadil Akhir tahun 895 Hijrah. Beliau wafat pada umur 63 tahun setelah jatuh sakit selama sepuluh hari. Dan di antara doa beliau tatkala hampir kewafatannya ialah:

اللَّهُمَّ اجْعَلْنَا وَأَحِبَّتْنَا عِنْدَ الْمَوْتِ نَاطِقِينَ بِكَلِمَتِي الشَّهَادَةِ عَالِمِينَ بِهَا

“Ya Allah, jadikanlah kami dan mereka yang kami kasihi, pada saat menghadapi kematian, daripada kalangan orang-orang yang dapat mengucap dua kalimah syahadah dalam keadaan mengetahui [makna dan tuntutan]nya.”

Beliau dimakamkan di Tilimsān, Algeria dan makam beliau adalah di antara tempat yang menjadi tumpuan ziarah masyarakat Islam di sana.



**Kedudukan Matan
Ummu al-Barāhīn**



KEDUDUKAN MATAN UMMU AL-BARĀHĪN

Peringkat Penulisan Ilmu

Tiga peringkat penulisan ilmu di dalam pengajian Islam turath atau klasik adalah:

- Matan
- Syarahan
- Hashiyah

Sebahagian ulama' menambah:

- Taqirir
- Taqirir 'ala al-Taqirir

Definisi Matan (*Matn*)

Istilah matan (*matn*) boleh didefinisikan dari sudut bahasa dan istilah.

Bahasa

Matan (*matn* dan kata jamaknya: *mutūn*) adalah perkataan yang berasal dari *matana*.

Dari sudut bahasa, matan mempunyai beberapa makna seperti berikut:

1. Sumpah
2. Tetap
3. Panjang/ Berterusan
4. Kata-kata

Menurut Imam Ibnu Fāris di dalam Mu'jam Maqāyīs al-Lughah:

أَمِيمٌ وَالتَّاءُ وَالنُّونُ، أَصْلٌ صَحِيحٌ وَاحِدٌ يَدُلُّ عَلَى صَلَابَةٍ فِي الشَّيْءِ مَعَ امْتِدَادٍ
وَطُولٍ

“Huruf mīm, tā’ dan nūn adalah merupakan asal yang sah lagi satu, yang menunjukkan kepada kekerasan/ kekuatan di dalam sesuatu perkara, bersama [sifat] berterusan dan panjang.”

Matuna pula memberi maksud: menjadi kuat, teguh dan keras. Di antara nama-nama Allah adalah al-Matīn (المتين) yang bermaksud “Yang Maha Teguh Kekuatan-Nya” atau “Yang Maha Kuat Kukuh Kekuasaan-Nya.” Allah ﷻ berfirman (al-Dzāriyāt: 58):

﴿إِنَّ اللَّهَ هُوَ الرَّزَّاقُ ذُو الْقُوَّةِ الْمَتِينُ﴾

“Sesungguhnya Allah Dia lah sahaja Yang Memberi rezeki [kepada sekalian makhluk-Nya, dan Dia lah sahaja] Yang Mempunyai Kekuasaan yang tidak terhingga, lagi Yang Maha Kuat Kukuh Kekuasaan-Nya.”

Kaitan makna di antara matan dan definisi bahasanya menunjukkan bahawa **matan adalah merupakan jalan yang penting bagi kekukuhan ilmu dan keberkekalannya**. Dalam erti kata lain, **seorang yang menguasai matan-matan ilmu akan mempunyai ilmu yang kukuh dan kekal**.

Istilah

Dari sudut istilah pula, matan didefinisikan sebagai:

خِلَافُ الشَّرْحِ وَالْحَوَاشِي

“Sesuai penulisan ilmu yang bukan merupakan syarahan atau hashiyah.”

Matan juga boleh disamakan dengan *mukhtaṣar ʿilmī* (atau ringkasan ilmu) dan boleh didefinisikan sebagai:

مَا قَلَّ لَفْظُهُ وَكَثُرَ مَعْنَاهُ

“Sesuai yang sedikit/ pendek lafaznya, namun banyak atau luas atau dalam maknanya.”

Dr. Ismāʿīl ʿAbd ʿAbbās mendefinisikan matan sebagai:

هو كلمات مختصرة في رسالة صغيرة، تجمع بين سهولة النطق وجمال العبارة، وبين إيجاز الألفاظ وكثرة المعاني، تصاغ نثرًا أو نظمًا، تخلو في الغالب من الاستطراد أو التفصيل؛ كالشواهد والأمثلة إلا في حدود الضرورة

“Kalimah-kalimah ringkas di dalam risalah yang kecil, menghimpunkan sebutan yang mudah dan ayat yang indah, juga menghimpunkan lafaz yang ringkas dan makna yang banyak/luas, disusun dalam bentuk *nathr* (ayat biasa) atau *nazm* (rangkap syair), pada kebiasaannya ia tidak mengandungi huraian dan perincian seumpama *shawāhid* (bukti/hujah sokongan) atau contoh-contoh, melainkan pada kadar yang sangat diperlukan.”

Jenis-jenis Matan Ilmu

Jenis-jenis matan ilmu boleh dibahagikan dari sudut:

- (i) Bentuk.
- (ii) Skop dan topik.

Dari Sudut Bentuk

Dari sudut bentuk, matan boleh dibahagikan kepada dua jenis iaitu:

1. nathar (*nathr*) dan
2. nazam (*naẓm* atau *manẓūmah*).

Nathar ialah matan dalam bentuk ayat yang biasa dan kebanyakan matan adalah dalam bentuk ini. Nazam pula ialah matan yang disusun seperti syair, dengan 'arūd dan qāfiyahnya. Matan nazam pula boleh dibahagikan kepada dua jenis:

1. Nazam ilmu [yang asal]. Contohnya:
 - a. Alfiyat Ibn Mālik di dalam ilmu nahu.
2. Nazam bagi matan ilmu yang asal (dalam bentuk nathar).

Contohnya:

- a. Alfiyat al-'Irāqī adalah nazam bagi matan Muqaddimah Ibnu al-Ṣalāḥ (nathar).
- b. Nazm al-'Imrīṭī / al-'Amrīṭī adalah nazam bagi matan al-Waraqāt fī Uṣūl al-Fiqh oleh Imam al-Ḥaramayn Abū al-Ma'ālī al-Juwaynī.

Dari Sudut Skop dan Topik

Dari sudut skop dan topik pula, matan boleh dibahagikan kepada matan yang umum dan matan yang khusus. Matan yang umum menyentuh sesuatu disiplin ilmu secara holistik. Matan yang khusus pula membincangkan topik-topik tertentu dalam sesuatu disiplin ilmu. Matan ada yang pendek, sederhana dan panjang.

Kepentingan Hafalan Matan Bagi Pembentukan Penguasaan Ilmu

Para ulama' menyatakan bahawa:

مَنْ حَفِظَ الْمَتُونَ حَازَ الْفُنُونَ

“Barang siapa yang menghafal matan-matan [ilmu], maka dia akan menguasai seni-seni/ bidang-bidang [ilmu].”

Imam al-Rahabī menyebut di dalam matan nazamnya yang masyhur “al-Rahabiyyah”:

فَاَحْفَظْ فَكُلُّ حَافِظٍ اِمَامٌ

“Maka hafallah [wahai pembaca/penuntut ilmu], maka sesungguhnya setiap yang menghafal itu adalah imam.”

Kepentingan hafalan bagi ilmu juga disebut oleh ulama’:

حَفِظْ سَطْرَيْنِ خَيْرٌ مِنْ حِمْلِ وَقْرَيْنِ

“Hafalan dua baris adalah lebih baik dari beban [buku yang dibawa] dan seorang kawan.”

R: al-Hasan al-Yusi: Zahr al-Akam fi al-Amthal wa al-Hikam (زهر الأكم)
(في الأمثال والحكم).

Dan:

حَرْفٌ فِي قَلْبِكَ خَيْرٌ مِنْ أَلْفٍ فِي كُتُبِكَ

“Satu huruf di hatimu (hafalanmu) lebih baik dari seribu huruf di dalam kitab-kitabmu.”

R: al-Hasan al-Yusi: Zahr al-Akam fi al-Amthal wa al-Hikam (زهر الأكم
(في الأمثال والحكم).

Dan adalah lebih baik jika hafalan-hafalan ini dimulakan sejak kecil lagi, bak kata ulama':

الْحِفْظُ فِي الصَّغَرِ كَالنَّقْشِ عَلَى الْحَجَرِ

“Menghafal ketika usia muda adalah seumpama mengukir di atas batu (kesannya lama dan mudah kekal).”

Matan adalah merupakan anak tangga atau anak kunci pertama dalam sistem pegajian turath Islam. Para penuntut ilmu seharusnya mempelajari dan menghafal matan-matan asas dalam sesuatu ilmu yang dipelajarinya. Matan juga sebenarnya dapat membentuk peta minda (*mind map*) bagi memudahkan kefahaman dan penguasaan sesuatu ilmu.

Dalam sistem pengajian turath, hafalan atau hafazan matan adalah penting dan dikira sebagai batu asas dalam penguasaan ilmu. Walaupun kefahaman sesuatu ilmu adalah lebih utama berbanding hafazan teksnya, namun ini tidak bermakna hafazan perlu diabaikan. Bahkan, kefahaman yang diikat dengan hafazan matan akan lebih kekal lama dan kukuh.


Manhaj Penulisan Kitab Akidah Ahli Sunnah dan Jama'ah

Secara umumnya, manhaj penulisan ilmu akidah di sisi ulama' Ahli Sunnah dan Jama'ah boleh dibahagikan kepada tiga (3) pendekatan seperti berikut:

- Manhaj ulama' akidah (*mutakallimīn*).
- Manhaj ulama' hadith.

- Manhaj ulama' sufi (tasawuf).

Kitab-kitab karangan ulama' *mutakallimīn* ASWJ pula boleh dibahagikan kepada tiga (3) peringkat iaitu: (i) permulaan/ asas, (ii) pertengahan dan (iii) kepakaran/ tinggi. Matan Ummu al-Barāhīn (atau al-ʿAqīdah al-Sanūsiyyah al-Ṣughrā) berada di dalam kategori permulaan dan asas (Rujuk gambar rajah di bawah). Bahkan, matan ini boleh dikatakan sebagai salah satu matan yang paling masyhur, penting dan berpengaruh di dalam kategori permulaan dan asas ini.



Manhaj Pengajaran dan Kitab-kitab Akidah di sisi Ahli Sunnah dan Jama'ah Al-Ashā'irah

Menurut Dā'irat al-Iftā' al-ʿĀmm (Pusat Fatwa Umum), Jordan, manhaj pengajaran kitab-kitab akidah di sisi Ashā'irah boleh dibahagikan kepada tiga peringkat berdasarkan kesesuaian kedudukan seorang penuntut ilmu: iaitu peringkat permulaan (asas), peringkat pertengahan dan peringkat kepakaran.

Peringkat Permulaan dan Asas

Di antara kitab-kitab yang masyhur bagi peringkat permulaan di dalam ilmu akidah ialah seperti berikut:

- i. Jawharat al-Tawḥīd oleh al-Imam Ibrāhīm al-Laqqānī al-Mālikī (w.1041H), yang diberi gelaran sebagai Abū al-Amdād.
- ii. Ummu al-Barāhīn oleh Imam al-Mujtahid al-Mujaddid Abū ‘Abdillah, Muḥammad bin Yūsuf bin ‘Umar bin Shu‘ayb al-Sanūsī (w.895H).
- iii. Al-Kharīdah al-Bahiyyah oleh Imam al-Faqih al-Uṣūlī Ahmad al-Dardīr al-‘Adawī al-Mālikī al-Azharī al-Khalwatī (w.1201H).
- iv. Qawa‘id al-‘Aqā‘id oleh al-Imam Ḥujjat al-Islām Abū Ḥāmid Muḥammad al-Ghazālī (w.505H).
- v. Iḍā‘at al-Dajnah fi ‘Aqā‘id Ahl al-Sunnah oleh Imam Shihāb al-Dīn al-Muqrī al-Tilimsānī (w.1041H).
- vi. Al-‘Aqīdah al-Ṣalāhiyyah (Ḥadā‘iq al-Fuṣūl wa Jawāhir al-Uṣūl) oleh Imam al-Shaykh al-Naḥwī Tāj al-Dīn Muḥammad bin Hibatullāh al-Barmakī al-Makkī (w.599H). Al-Ṣalāhiyyah ialah nisbah kepada Sultan Ṣalāh al-Dīn al-Ayyūbī (w.589H) – pembuka kota Baitul Maqdis. Baginda sangat mengambil berat tentang matan akidah ini dan memerintahkannya agar ia diajarkan kepada kanak-kanak muslimin dan para penuntut ilmu dewasa di madrasah-madrasah.

Peringkat Pertengahan

Dan selepas kitab-kitab di peringkat permulaan ini, terdapat kitab-kitab pengajian akidah bagi peringkat pertengahan seperti:

- Al-Iqtisād fi al-I'tiqād oleh al-Imam Ḥujjat al-Islām Abū Ḥāmid Muḥammad al-Ghazālī (w.505H)
- Ma'ālim Uṣūl al-Dīn oleh al-Imam Fakhr al-Dīn al-Rāzī (w.606H)
- Al-'Aqīdah al-Wuṣṭā oleh al-Imam al-Sanūsī (w.895H)

Dan setiap satu bagi kitab-kitab ini mempunyai kitab-kitab syarahan yang penting.

Peringkat Kepakaran dan Tinggi

Berkenaan dengan peringkat kepakaran pula terdapat kitab-kitab yang begitu banyak, sama ada berbentuk ringkas atau panjang. Di antara kitab-kitab yang masyhur di peringkat ini ialah:

- Ṣharḥ al-'Aqā'id al-Nasafiyah oleh al-Imām al-Muḥaqqiq al-'Allāmah Sa'd al-Dīn al-Taftāzānī bersama dengan syarah-syarahnya dan hawashinya.
- Tahdzib al-Kalam oleh al-Imām al-Muḥaqqiq al-'Allāmah Sa'd al-Dīn al-Taftāzānī.
- Al-Mawaqif oleh al-Imam 'Aḍud al-Din al-Ījī bersama syarahannya oleh al-Sayyid al-Sharif al-Jurjani
- Abkar al-Afkar oleh al-Imam al-Āmidī.

Dan kitab-kitab lain yang agak sukar untuk dibaca melainkan oleh mereka yang merupakan ahli takhassus serta mempunyai pengetahuan yang kukuh di dalam bidang-bidang ilmu Syariat Islam yang pelbagai.

Matan Ummu al-Barāhīn: Matan Yang Muktabar

Ilmu bagi Syariat Islam perlu diambil daripada sumbernya yang berautoriti, iaitu para ulama' dan kitab-kitab yang muktabar. Menurut Sheikh Dr. Usāmah al-Sayyid al-Azharī, sesuatu kitab itu boleh dianggap muktabar atau “disambut oleh umat Islam dengan penerimaan” (تلقته الأمة بالقبول) apabila mempunyai tiga (3) ciri-ciri

berikut:

- i. Kitab tersebut diajar secara terus menerus oleh para ulama' di dalam majlis ilmu mereka.
- ii. Isi kandungan kitab tersebut dinukilkan oleh para ulama' di dalam kitab-kitab tulisan mereka.
- iii. Kitab tersebut diberi khidmat oleh para ulama' dengan membuat ringkasan, syarahan, takhrij, nazam dan seumpamanya baginya.

Ketiga-tiga ciri di atas didapati berlaku pada matan Ummu al-Barāhīn. Oleh kerana itu, matan Ummu al-Barāhīn boleh dianggap sebagai salah satu matan paling penting dalam pengajian ilmu akidah Ahli Sunnah dan Jama'ah dan mempunyai kesan yang cukup besar dalam pengajian dan penulisan akidah selepasnya.

Syarahan Para Ulama'



Di antara syarahan para ulama' bagi matan Ummu al-Barāhīn ialah:

- *Al-Murshid al-Mu'īn* oleh Ibnu 'Āshir al-Mālikī
- *Idā'at al-Dajnah fi I'tiqād Ahl al-Sunnah* oleh al-Muqrī
- *Dzari'at al-Yaqīn Sharḥ Umm al-Barāhīn* oleh al-Imām Nawawī al-Jāwī al-Bantanī

- *Ḥashiyat al-Imām al-Bayjūrī ‘alā Umm al-Barāhīn* oleh al-Imām Burhān al-Dīn Shayk al-Azhar Ibrāhīm bin Muḥammad bin Aḥmad al-Shāfi‘ī al-Bājūrī/ al-Bayjūrī (1198 H – 1276 H).
- *Sharḥ Umm al-Barāhīn* oleh al-Shaykh Muḥammad al-Makkī al-Batawari (w.1355H).
- *Sharḥ Umm al-Barāhīn* oleh al-Imām Muḥammad bin Manṣūr al-Hudhudī.
- *Ṭāli‘ al-Bushrā ‘alā al-‘Aqīdah al-Sanūsiyyah al-Ṣughrā* oleh al-Shaykh Ibrāhīm bin Aḥmad al-Marighānī al-Tūnīsī (w.1349H).
- *Al-‘Aqā’id al-Durriyyah Sharḥ Matn al-Sanūsiyyah* oleh al-Shaykh al-Ustādz al-Kāmil Muḥammad al-Hāshimī.
- *Sharḥ Umm al-Barāhīn* oleh al-Shaykh Aḥmad bin ‘Īsā al-Anṣārī.
 - *Tahdzīb Sharḥ al-Sanūsiyyah* oleh al-Shaykh Dr. Sa‘īd ‘Abd al-Laṭīf Fūdah.

Kerangka Matan Ummu al-Barāhīn

Bagi memudahkan pembaca memahami kandungan perbincangan matan Ummu al-Barāhīn, penulis meringkaskan tajuk-tajuknya seperti jadual di bawah.

[1] Hukum Akal		
[2] Hukum Syariat		
Allah	[3] Sifat Yang Wajib	[6] <i>Burhān</i> bagi Sifat-sifat Wajib, Mustahil dan Harus bagi Allah
	[4] Sifat Yang Mustahil	
	[5] Sifat Yang Harus	
[7] Para Rasul 	Sifat Yang Wajib	[8] <i>Burhān</i> bagi Sifat Wajib, Mustahil dan Harus bagi Para Rasul 
	Sifat Yang Mustahil	
	Sifat Yang Harus	
[9] Dua Kalimah Syahadah [Menghimpunkan Kesemuanya]		
[10] Makna <i>Ulūhiyyah</i>		[10.1] <i>Istighnā'</i>
		[10.2] <i>Iftiqār</i>
[11] Kesimpulan Dua Kalimah Syahadah		[12] Makna Syahadah Tauhid
		[13] Makna Syahadah <i>Taṣdīq</i>
[14] Memperbanyakkan Zikir Tahlil		
[15] Penutup		

Bagi tajuk yang lebih terperinci, pembaca boleh merujuk susunan tajuk di bahagian “Isi Kandungan”.



Matan

Ummu al-Barāhīn



MATAN UMMU AL-BARĀHĪN

بِسْمِ اللَّهِ الرَّحْمَنِ الرَّحِيمِ

Dengan nama Allah, yang Maha Pemurah, lagi Maha Mengasihani.

الْحَمْدُ لِلَّهِ،

Segala puji hanyalah bagi Allah,

وَالصَّلَاةُ وَالسَّلَامُ عَلَى رَسُولِ اللَّهِ،

Selawat dan salam diutuskan buat Rasulullah ﷺ،

1. Hukum Akal ('Aqlī)

إِعْلَمَنَّ أَنَّ الْحُكْمَ الْعَقْلِيَّ يَنْحَصِرُ فِي ثَلَاثَةِ أَقْسَامٍ:

Ketahuiilah olehmu bahawa sesungguhnya hukum³ akal itu terhitung pada tiga bahagian:

الْوَجُوبِ، وَالْإِسْتِحَالَةِ، وَالْجُوزِ.

Wajib [pada akal], mustahil [pada akal] dan harus [pada akal].

³ Hukum ialah “menetapkan suatu perkara bagi suatu perkara atau menafikannya.” Ia terbahagi kepada hukum akal, hukum Syariat dan hukum adat. Rujuk nota “Tiga Jenis Hukum dan Pembahagiannya” di lampiran.

1.1 Wajib

فَالْوَاجِبُ: مَا لَا يُتَصَوَّرُ فِي الْعَقْلِ عَدْمُهُ.

Wajib [pada akal] itu ialah perkara yang tidak dapat ditaşawwurkan (diterima) pada akal ketiadaannya.

1.2 Mustahil

وَالْمُسْتَحِيلُ: مَا لَا يُتَصَوَّرُ فِي الْعَقْلِ وُجُودُهُ.

Mustahil [pada akal] itu ialah perkara yang tidak dapat ditaşawwurkan (diterima) pada akal kewujudannya.

1.3 Harus

وَالْجَائِزُ: مَا يَصِحُّ فِي الْعَقْلِ وُجُودُهُ وَعَدْمُهُ.

Harus [pada akal] itu ialah perkara yang dapat diterima oleh akal kewujudannya dan ketiadaannya.

2. Hukum Syariat: Kewajipan Seorang Mukallaf Berkenaan Hak Allah dan Hak Para Rasul ﷺ

وَيَجِبُ عَلَى كُلِّ مُكَلَّفٍ شَرَعًا

Dan wajib ke atas setiap mukallaf pada hukum Syariat [taklīfī]

أَنْ يَعْرِفَ مَا يَجِبُ فِي حَقِّ مَوْلَانَا جَلَّ وَعَزَّ، وَمَا يَسْتَحِيلُ، وَمَا يَجُوزُ.

untuk mengetahui⁴ perkara (sifat) yang wajib bagi Tuhan kita (Allah ﷻ) serta perkara yang mustahil dan harus bagi-Nya.

وَكَذَا يَجِبُ عَلَيْهِ

Dan begitu juga wajib ke atasnya [pada hukum Syariat taklīf]

أَنْ يَعْرِفَ مِثْلَ ذَلِكَ فِي حَقِّ الرَّسُولِ عَلَيْهِمُ الصَّلَاةُ وَالسَّلَامُ،

untuk mengetahui perkara seumpama (wajib, mustahil dan harus) tersebut bagi para Rasul ﷺ.

3. Dua Puluh Sifat Yang Wajib bagi Allah

فَمِمَّا يَجِبُ لِمَوْلَانَا جَلَّ وَعَزَّ عِشْرُونَ صِفَةً، وَهِيَ:

Dan di antara [sifat] yang wajib⁵ bagi Tuhan kita ﷻ [secara tafsiili]⁶ ialah dua puluh sifat.

الْوُجُودُ،

[1] Wujud

⁴ Tiga syarat kesahihan iman (*ma'rifah yaqīniyyah*): (1) Jazam (tanpa syak dan menafikan yang bertentangan), (2) bertepatan dengan hakikat kebenaran dan (3) berdasarkan dalil (bukan taqlid).

⁵ Iktikad yang wajib secara *ijmālī* pada hak Allah ﷻ ialah: Allah ﷻ Maha Suci daripada segala sifat-sifat kekurangan (*naqā'is*) dan bersifat dengan segala sifat-sifat kesempurnaan (*kamāl*), keagungan (*jalāl*) dan keindahan (*jamāl*) [namun tidak ada yang mengetahui kesemua sifat-sifat ini melainkan Dia semata-mata] serta Dia berhak untuk menjadikan sesuatu yang *mumkin* atau tidak menjadikannya.

⁶ Sifat 20 atau 41 adalah merupakan iktikad yang wajib secara *tafṣīlī* pada hak Allah ﷻ. Ia merupakan kadar minimum yang wajib diketahui secara *tafṣīlī* oleh seorang mukallaf. Ia bukanlah bermakna bahawa Allah ﷻ hanya mempunyai 20 sifat.

وَالْقَدَمُ،

[2] Sedia ada/ wujud [tanpa didahului dengan tiada]

وَالْبَقَاءُ،

[3] Kekal ada/ wujud [tanpa pengakhiran]

وَمُخَالَفَتُهُ تَعَالَى لِلْحَوَادِثِ،

[4] Bersalahan/ berbeza Allah ﷻ dengan perkara-perkara baru/ makhluk.

وَقِيَامُهُ تَعَالَى بِنَفْسِهِ: أَيُّ لَا يَفْتَقِرُ إِلَى مَحَلٍّ، وَلَا مُحْصَصٍ،

[5] Berdiri/ wujud dengan diri sendiri, iaitu Dia tidak berhajat kepada tempat (zat) dan tidak juga kepada pengkhusus (*fā'il*).⁷

وَالْوَحْدَانِيَّةُ: أَيُّ لَا ثَانِي لَهُ فِي ذَاتِهِ، وَلَا فِي صِفَاتِهِ، وَلَا فِي أَعْمَالِهِ.

[6] Esa, iaitu tiada dua bagi-Nya pada zat-Nya, dan tidak juga pada sifat-sifat-Nya, dan tidak juga pada perbuatan-Nya.⁸

فَهَذِهِ سِتُّ صِفَاتٍ:

⁷ Allah ﷻ tidak berhajat kepada sesuatu zat yang lain atau sesuatu yang mewujudkan atau mencipta diri-Nya.

⁸ Sifat Esa menafikan berbilang-bilang pada zat Allah ﷻ, sifat-Nya dan perbuatan-Nya (*al-kumūm al-sittah: kamm muttaṣil* dan *kamm munfaṣil*). Dengan kata lain, zat Allah bukan tersusun daripada juzuk yang berbilang dan tidak ada zat yang menyerupai zat-Nya; sifat Allah juga tidak berbilang-bilang dan tiada sifat yang menyerupai sifat-Nya; dan tiada sesuatu apa pun yang menyertai-Nya pada perbuatan-Nya dan tidak ada perbuatan (*ta'thīr*) bagi selain-Nya.

Dan enam sifat ini:

3.1 Sifat *Nafsiyyah*

الأُولَى نَفْسِيَّةٌ، وَهِيَ: الْوُجُودُ.

Yang pertama ialah *nafsiyyah*, iaitu sifat wujud.

3.2 Sifat *Salbiyyah*

وَالْخُمْسَةُ بَعْدَهَا سَلْبِيَّةٌ.

Dan lima sifat yang selepasnya itu ialah sifat *salbiyyah* (yang menafikan kekurangan daripada Allah ﷻ) (iaitu Sedia ada, Kekal ada, Bersalahan/ berbeza dengan perkara baru/ makhluk, Berdiri/ Wujud dengan Diri Sendiri dan Esa).⁹

3.3 Sifat *Ma‘ānī* dan *Ta‘alluqnya*

ثُمَّ يَجِبُ لَهُ تَعَالَى سَبْعُ صِفَاتٍ، تُسَمَّى صِفَاتِ الْمَعَانِي، وَهِيَ:

Kemudian, wajib bagi Allah ﷻ tujuh sifat, yang dinamakan sebagai sifat *ma‘ānī*¹⁰. Dan sifat-sifat itu ialah:

3.3.1 *Ta‘alluq* Sifat Quدرات dan Iradat

الْقُدْرَةُ، وَالْإِرَادَةُ الْمُتَعَلِّقَانِ بِجَمِيعِ الْمُمْكِنَاتِ.

⁹ Rujuk nota “Sifat *Salbiyyah*” di lampiran.

¹⁰ Setiap sifat yang wujud lagi berdiri pada zat yang wujud serta mewajibkan hukum (penetapan suatu perkara). Seperti sifat Quدرات, ia sifat yang wujud pada zat (قائمة بالذات) dan mewajibkan hal keadaan Allah itu Maha Berkuasa (كونه تعالى قادرا).

Qudrat (Kekuasaan) dan Irādat (Kehendak), kedua-dua sifat ini berta'alluq dengan semua perkara *mumkin*.

3.3.2 Ta'alluq Sifat Ilmu

وَالْعِلْمُ الْمُتَعَلِّقُ بِجَمِيعِ الْوَاجِبَاتِ، وَالْجَائِزَاتِ، وَالْمُسْتَحِيلَاتِ.

Dan sifat Ilmu yang berta'alluq dengan semua perkara yang wajib, harus dan mustahil.

3.3.3 Sifat Hayah Tidak Mempunyai Ta'alluq

وَالْحَيَاةُ، وَهِيَ: لَا تَتَعَلَّقُ بِشَيْءٍ.

Dan sifat Hidup dan ia tidak berta'alluq dengan sesuatu apa pun.

3.3.4 Ta'alluq Sifat Qudrat dan Iradat

وَالسَّمْعُ وَالْبَصْرُ الْمُتَعَلِّقَانِ بِجَمِيعِ الْمَوْجُودَاتِ.

Dan sifat Mendengar/Pendengar dan Melihat/Pelihat, kedua-duanya berta'alluq dengan semua perkara yang wujud.

3.3.5 Ta'alluq Sifat Kalam

وَالكَلَامُ: الَّذِي لَيْسَ بِحَرْفٍ، وَلَا صَوْتٍ، وَيَتَعَلَّقُ بِمَا يَتَعَلَّقُ بِهِ الْعِلْمُ مِنَ الْمُتَعَلِّقَاتِ.

Dan sifat Kalam/ Pekata yang bukan merupakan huruf, dan bukan merupakan suara dan ia berta'alluq dengan ta'alluq sifat ilmu daripada perkara yang berkaitan (iaitu wajib, mustahil dan harus).

3.4 Sifat Ma'nawiyah

ثُمَّ سَبْعُ صِفَاتٍ، تُسَمَّى صِفَاتٍ مَعْنَوِيَّةً، وَهِيَ:

Kemudian, tujuh sifat yang dinamakan sebagai sifat *ma'nawiyah*, dan ia adalah:

مُلَازِمَةٌ لِلسَّبْعِ الْأُولَى، وَهِيَ:

Sifat-sifat yang melazimi tujuh sifat [ma'ānī] sebelum ini, dan sifat-sifat ini ialah:

كَوْنُهُ تَعَالَى :

Hal keadaan Allah ﷻ itu:

قَادِرًا،

Maha Berkuasa,

وَمُرِيدًا،

Maha Berkehendak,

وَعَلِيمًا،

Maha Mengetahui,

وَحَيًّا،

Maha Hidup,

وَسَمِيعًا،

Maha Mendengar,

وَبَصِيرًا،

Maha Melihat,

وَمُتَكَلِّمًا.

Maha Berkata/Pekata.

4. Dua Puluh Sifat Yang Mustahil

وَمِمَّا يَسْتَحِيلُ فِي حَقِّهِ تَعَالَى عِشْرُونَ صِفَةً، وَهِيَ أَضْدَادُ الْعِشْرِينَ الْأُولَى، وَهِيَ:

Dan di antara sifat-sifat yang mustahil pada hak Allah ﷻ [secara tafṣīlī] ialah dua puluh sifat, dan sifat-sifat ini adalah lawan bagi sifat-sifat wajib yang telah dinyatakan sebelum ini, iaitu:

الْعَدَمُ،

Tidak wujud.

وَالْحُدُوثُ،

Dan baharu¹¹.

وَطُرُوءٌ (/ طُرُوءٌ) الْعَدَمِ،

Dan berlaku ketiadaan (kebinasaan) ke atas-Nya.

وَالْمِثَالَةُ لِلْحَوَادِثِ:

Dan menyerupai/ mempunyai kesamaan dengan sesuatu yang baharu (makhluk), iaitu:

بِأَنْ يَكُونَ جِزْمًا: أَي تَأْخُذُ ذَاتُهُ الْعَلِيَّةُ قَدْرًا مِنَ الْفَرَاغِ.

¹¹ Perkara baru (*ḥādith/ ʿālam/ mumkin al-wujūd*) itu ada tiga ciri kewujudannya: [1] kewujudannya itu didahului dengan tiada (*ʿadam*), [2] kewujudannya itu perlu kepada yang mewujudkannya (*muḥdith*) dan [3] kewujudannya itu boleh (harus) binasa (*fanā*). Maha Suci Allah daripada ketiga-ketiga ciri kewujudan ini.

la adalah jirim, iaitu Zat-Nya yang Maha Tinggi¹² [kemuliaan dan keagungan-Nya] mengambil satu kadar daripada ruang kosong,

أَوْ يَكُونُ عَرَضًا يَقُومُ بِالْجِرْمِ،

Atau la merupakan ‘*araḍ* yang menumpang pada jirim,

أَوْ يَكُونُ فِي جِهَةٍ لِلْجِرْمِ،

Atau la berada pada mana-mana arah/sudut [daripada arah yang enam: atas, bawah, kiri, kanan, depan dan belakang] bagi jirim,

أَوْ لَهُ هُوَ جِهَةٌ،

Atau la mempunyai arah [daripada arah yang enam: atas, bawah, kiri, kanan, depan dan belakang – semuanya atau sebahagiannya],

أَوْ يَتَقَيَّدُ بِمَكَانٍ،

Atau la terikat dengan suatu tempat (mempunyai tempat),

أَوْ زَمَانٍ،

Atau la terikat dengan suatu masa¹³ (berlalu masa ke atas-Nya),

¹² Apabila sifat “tinggi” atau “‘*uluww*” dinisbahkan kepada zat Allah ﷻ, maka ia merujuk kepada ketinggian maknawi (‘*uluww ma‘nawī*), iaitu ketinggian kemuliaan dan keagungan, dan bukan ketinggian fizikal atau tempat (‘*uluww ḥissī*). Maha Suci Allah.

¹³ Tempat (makan) dan masa (zaman) adalah dua makhluk ciptaan Allah ﷻ. Menyatakan bahawa Allah ﷻ terikat atau berhajat kepada tempat dan masa memberi makna/ implikasi bahawa berhajat kepada makhluk-Nya. Maha Suci Allah.

أَوْ تَتَّصِفَ ذَاتُهُ الْعَلِيَّةُ بِالْحَوَادِثِ،

Atau Zat-Nya yang Maha Tinggi itu bersifat dengan sesuatu yang baharu (sifat-sifat makhluk),

أَوْ يَتَّصِفَ بِالصَّغْرِ،

Atau Zat-Nya bersifat dengan [saiz] kecil,

أَوْ الْكِبَرِ،

Atau [saiz] besar¹⁴,

أَوْ يَتَّصِفَ بِالْأَغْرَاضِ فِي الْأَفْعَالِ أَوْ الْأَحْكَامِ.

Atau Ia bersifat dengan mengambil tujuan (manfaat) pada perbuatan-Nya atau hukum-hukum-Nya.

وَكَذَا يَسْتَحِيلُ عَلَيْهِ تَعَالَى:

Dan begitu juga, mustahil ke atas-Nya ﷻ:

أَنْ لَا يَكُونَ قَائِمًا بِنَفْسِهِ،

Untuk tidak berdiri (wujud) dengan diri-Nya sendiri, iaitu:

¹⁴ Apabila sifat “besar” atau “*kibar*” dinisbahkan kepada zat Allah ﷻ, maka ia merujuk kepada kebesaran maknawi (*kibar ma'nawī*), iaitu kebesaran kemuliaan dan keagungan, dan bukan kebesaran fizikal atau saiz (*kibar ḥissī*). Maha Suci Allah. Begitu juga apabila sifat “‘*uluww*” atau “tinggi” atau “*fawqiyyah*” atau “di atas” dinisbahkan kepada Allah ﷻ, maka ia merujuk kepada ketinggian atau atas maknawi, iaitu tinggi kemuliaan dan keagungan, dan bukan tinggi fizikal atau tempat (*'uluww ḥissī*).

بِأَنْ يَكُونَ صِفَةً يَقُومُ بِمَحَلٍّ،

la adalah sifat (‘*araḍ*) yang wujud pada suatu tempat (zat yang lain daripada diri-Nya sendiri),

أَوْ يَحْتَاجُ إِلَى مُخَصَّصٍ.

Atau la (Zat-Nya) berhajat kepada *mukhaṣṣiṣ* (penentu bagi sesuatu yang *mumkin*).

وَكَذَا يَسْتَحِيلُ عَلَيْهِ تَعَالَى:

Dan begitu juga, mustahil ke atas-Nya ﷻ,

أَنْ لَا يَكُونَ وَاحِدًا

Untuk tidak bersifat dengan Keesaan,

بِأَنْ يَكُونَ مُرَكَّبًا فِي ذَاتِهِ،

laitu, ia merupakan sesuatu yang terhimpun daripada beberapa juzuk pada Zat-nya,

أَوْ يَكُونَ لَهُ مُمَائِلٌ فِي ذَاتِهِ، أَوْ صِفَاتِهِ،

Atau ada sesuatu yang menyerupai-Nya pada Zat-Nya atau pada Sifat-Nya,

أَوْ يَكُونَ مَعَهُ فِي الْوُجُودِ مُؤَثَّرٌ فِي فِعْلِ مِنَ الْأَفْعَالِ.

Atau ada bersamanya pada sekalian yang wujud sesuatu yang memberi kesan (*ta'thīr*) pada salah satu perbuatan daripada perbuatan-Nya.

وَكَذَا يَسْتَحِيلُ عَلَيْهِ تَعَالَى :

Dan begitu mustahil ke atas-Nya ﷻ,

الْعَجْزُ عَنْ مُمَكِّنٍ مَّا، وَإِيجَادُ شَيْءٍ مِنْ الْعَالَمِ مَعَ كَرَاهَتِهِ لَوْجُودِهِ.

Bersifat lemah daripada menjadikan sesuatu yang *mumkin* (harus wujudnya) dan menjadikan sesuatu daripada sekalian alam (makhluk) sedangkan Ia benci/ tidak mahu wujudnya perkara *mumkin* tersebut.

أَيُّ عَدَمِ إِرَادَتِهِ لَهُ تَعَالَى

laitu ketiadaan kehendak-Nya bagi perkara tersebut

أَوْ مَعَ الذُّهُولِ، أَوْ الْعَفْلَةِ، أَوْ بِالتَّعْلِيلِ، أَوْ بِالطَّبَعِ.

Atau ada kehendak-Nya bagi perkara tersebut tetapi bersama kelalaian atau kelupaan atau dengan suatu 'illah¹⁵ atau dengan tabiat¹⁶.

¹⁵ Wujud sesuatu dengan 'illah ialah seperti Bergeraknya jari dan bergerak cincin yang pada padanya. Wujud sesuatu dengan 'illah tidak bergantung kepada ketiadaan halangan (*intifā' māni'*) dan kewujudan syarat (*wujūd sharf*).

¹⁶ Wujud sesuatu dengan tabiat ialah seperti terbakarnya kayu api dengan [tabiat] api [yang membakar]. Jika terdapat halangan seperti basah atau tidak memenuhi syarat seperti api tidak menyentuh kayu api, maka kebakaran tidak berlaku.

وَكَذٰلِكَ يَسْتَحِيلُ عَلَيْهِ تَعَالٰى:

Dan begitu juga, mustahil ke atas-Nya:

الْجَهْلُ وَمَا فِي مَعْنَاهُ بِمَعْلُومٍ مَّا،

Sifat kejahilan dan apa-apa sepertinya bagi apa jua perkara yang maklum,

وَالْمَوْتُ،

Dan kematian,

وَالصَّمَمُ،

Dan kepekakan,

وَالْعَمَى،

Dan kebutaan,

وَالْبَكْمُ.

Dan kebisuan.

وَأَضْدَادُ الصِّفَاتِ الْمَعْنَوِيَّةِ وَاضِحَةٌ مِنْ هَذِهِ.

Dan sifat-sifat yang bertentangan dengan sifat-sifat *ma'nawiyyah* jelas dapat difahami daripada sifat-sifat ini.

5. Sifat Yang Harus bagi Allah

وَأَمَّا الْجَائِزُ فِي حَقِّهِ تَعَالَى:

Dan manakala sifat yang harus [menurut akal] pada hak Allah ﷻ ialah:

فَفِعْلُ كُلِّ مُمَكِّنٍ أَوْ تَرْكُهُ.

Menjadikan setiap sesuatu yang *mumkin* (harus wujudnya) atau tidak menjadikannya.

6. *Burhān* (Dalil *Aqli*)¹⁷ bagi Sifat Allah ﷻ

6.1 *Burhān* Sifat Wujud

أَمَّا بُرْهَانُ وُجُودِهِ تَعَالَى:

Manakala bukti wujud-Nya (Allah) ﷻ,

فَحُدُوثُ الْعَالَمِ،

ialah baharunya¹⁸ alam ini,

¹⁷ Pengarang mendatangkan dalil akal selepas menyatakan sifat-sifat yang wajib, mustahil dan harus pada hak Allah ﷻ bagi menerangkan bahawa keimanan tidak cukup dengan hanya mengetahui sifat-sifat tersebut, tetapi juga dengan mengetahui dalil bagi sifat-sifat tersebut. Terdapat tiga jenis dalil: (i) dalil naqli, (ii) dalil aqli *ijmālī* dan (iii) dalil aqli *tafṣīlī*.

¹⁸ Tiga ciri sifat wujud bagi perkara baharu/ alam/ *mumkin*/ makhluk: (1) kewujudannya itu didahului dengan tiada (*ʿadam*), (2) kewujudannya itu perlu kepada yang mewujudkannya (*muḥdith*) dan (3) kewujudannya itu boleh (harus) binasa (*fanāʾ*).

لِأَنَّهُ لَوْ لَمْ يَكُنْ لَهُ مُحَدِّثٌ، بَلْ حَدَّثَ بِنَفْسِهِ،

Kerana sekiranya jika tidak ada pencipta bagi alam ini, bahkan ia terjadi dengan sendirinya,

لَزِمَ أَنْ يَكُونَ أَحَدُ الْأَمْرَيْنِ الْمُتَسَاوَيْنِ مُسَاوِيًا لِصَاحِبِهِ رَاجِحًا عَلَيْهِ بِلَا سَبَبٍ

maka lazimlah salah satu daripada dua perkara yang sama (wujud alam ini dan tiada alam ini) telah menjadi *rājih* (kuat) tanpa sebab (*ijtimā' al-mutanāfiyayn*),

وَهُوَ مُحَالٌ.

dan ini adalah perkara yang mustahil.

6.1.1 Dalil Baharunya Alam Ini

وَدَلِيلُ حُدُوثِ الْعَالَمِ

Dan dalil baharunya alam ini adalah

مُلَازِمَتُهُ لِلْأَعْرَاضِ الْحَادِثَةِ مِنْ حَرَكَةٍ، أَوْ سُكُونٍ أَوْ غَيْرِهِمَا،

ia sentiasa melazimi sifat-sifat yang baharu daripada pergerakan, diam/ pegun atau selain daripada kedua-duanya

وَمُلَازِمُ الْحَادِثِ حَدِيثٌ.

maka perkara yang melazimi perkara yang baru itu adalah baru.

6.1.2 Dalil Baharunya Sifat Alam Ini

وَدَلِيلُ حُدُوثِ الْأَعْرَاضِ:

Dan dalil bahawa sifat-sifat [alam] ini adalah baharu:

مُشَاهَدَةٌ تَغْيِيرُهَا مِنْ عَدَمٍ إِلَى وُجُودٍ، وَمِنْ وُجُودٍ إِلَى عَدَمٍ.

kita dapat menyaksikan perubahannya daripada tiada kepada ada dan daripada ada kepada tiada.

6.2 *Burhān* Sifat *Qidam* (Sedia Ada Tanpa Permulaan)

وَأَمَّا بُرْهَانُ وُجُوبِ الْقِدَمِ لَهُ تَعَالَى:

Dan manakala bukti wajibnya sifat *qidam* (sedia ada tanpa permulaan) bagi Allah ﷻ ialah:

فَلِأَنَّهُ لَوْ لَمْ يَكُنْ قَدِيمًا، لَكَانَ حَادِثًا فَيَقْتَرِفُ إِلَى مُحْدَثٍ،

Sekiranya Allah ﷻ tidak *qadīm* (sedia ada tanpa permulaan), pastinya ia adalah sesuatu yang baharu dan berhajat kepada sesuatu yang menjadikannya

فَيَلْزِمُ الدَّوْرَ، أَوْ التَّسْلُسَ.

maka ini akan menyebabkan berlakunya kitaran [wujud] atau rangkaian [wujud tanpa penghujung].

6.3 *Burhān* Sifat *Baqā'* (Kekal Ada Tanpa Pengakhiran)

وَأَمَّا بُرْهَانُ وُجُوبِ الْبَقَاءِ لَهُ تَعَالَى:

Dan manakala bukti wajib bagi Allah itu bersifat *baqā'* (kekal ada tanpa pengakhiran) ialah:

فَلَا تَنفَى لَوْ أَمَكْنَ أَنْ يَلْحَقَهُ الْعَدَمُ،

kerana jika Dia (Allah ﷻ) tidak bersifat *baqā'* (kekal ada tanpa pengakhiran), maka Dia boleh menjadi tiada,

لَا تَنفَى عَنْهُ الْقِدَمُ لِكُونَ وَجُودِهِ حِينَئِذٍ جَائِزًا لَا وَاجِبًا،

[dan apabila Dia (Allah ﷻ) boleh menjadi tiada,] maka ternafilah daripada zat-Nya itu sifat *qidam* (sedia ada tanpa permulaan) kerana wujud-Nya pada ketika itu adalah wujud yang harus (*mumkin al-wujūd*) dan bukanlah wujud yang wajib (*wājib al-wujūd*),

وَالْجَائِزُ لَا يَكُونُ وَجُودُهُ إِلَّا حَادِثًا،

Dan sesuatu yang harus wujudnya, pasti wujudnya itu adalah wujud yang baru,

كَيْفَ وَقَدْ سَبَقَ قَرِيبًا وَجُوبٌ قَدَمِهِ تَعَالَى وَبَقَائِهِ!؟

Bagaimanakah [perkara ini boleh diterima akal sedangkan] bukti sebelum ini telah menunjukkan wajibnya sifat *qidam* (sedia ada tanpa permulaan) dan *baqā'* (kekal ada tanpa pengakhiran) bagi Allah ﷻ?!?

6.4 Burhān Sifat Mukhalafatuh li al-Ḥawādith

وَأَمَّا بُرْهَانُ وَجُوبِ مُخَالَفَتِهِ تَعَالَى لِلْحَوَادِثِ:

Dan manakala bukti wajib bagi Allah ﷻ itu “Bersalahan/ berbeza dengan semua perkara yang baharu/ makhluk/ alam” ialah:

فَلَأَنَّهُ لَوْ مَا تَلَّ شَيْئًا مِنْهَا، لَكَانَ حَادِثًا مِثْلَهَا،

sekiranya Dia (Allah ﷻ) menyamai sesuatu perkara yang baharu, pasti Dia juga perkara yang baru seumpamanya,

وَذَلِكَ مُحَالٌ لِمَا عَرَفْتَ قَبْلُ مِنْ وُجُوبِ قَدَمِهِ تَعَالَى وَبَقَائِهِ.

dan ini adalah mustahil kerana engkau telah mengetahui sebelum ini tentang wajibnya sifat *qidam* (sedia ada tanpa permulaan) dan *baqā'* (kekal ada tanpa pengakhiran) bagi Allah ﷻ.

6.5 *Burhān* Sifat Wujud dengan Sendiri

وَأَمَّا بُرْهَانُ وُجُوبِ قِيَامِهِ تَعَالَى بِنَفْسِهِ:

Manakala bukti wajibnya bagi Allah ﷻ untuk “Berdiri/ wujud dengan sendiri-Nya” ialah:

فَلَأَنَّهُ تَعَالَى لَوْ إِحْتِيَاجَ إِلَى مَحَلٍّ لَكَانَ صِفَةً،

sekiranya Allah ﷻ berhajat kepada *maḥall* (zat yang lain selain zat-Nya), maka Dia adalah sifat [bukan zat],

وَالصِّفَةُ لَا تَتَّصِفُ بِصِفَاتِ الْمَعَانِي، وَلَا الْمَعْنَوِيَّةِ،

Dan suatu sifat itu tidak bersifat dengan sifat-sifat *ma‘ānī* dan tidak juga bersifat dengan sifat sifat *ma‘nawiyah*

وَمَوْلَانَا جَلَّ وَعَزَّ يَجِبُ اتِّصَافُهُ بِهِمَا فَلَيْسَ بِصِفَةٍ.

sedangkan Tuhan kita (Allah ﷻ) itu wajib bersifat dengan keduanya (*ma'ānī* dan *ma'nawīyyah*), maka Dia bukanlah suatu sifat.

وَلَوْ اِحْتَاَجَ اِلَى مُخَصِّصٍ لَكَانَ حَادِثًا،

Dan sekiranya Dia (Allah ﷻ) berhajat kepada sesuatu *mukhaṣṣiṣ* (*fā'il* yang mengkhususkan kewujudan-Nya), maka Dia pasti sesuatu yang baharu,

كَيْفَ وَقَدْ قَامَ الْبُرْهَانُ عَلَى وُجُوبِ قَدَمِهِ تَعَالَى وَبِقَائِهِ.

Bagaimanakah [perkara ini boleh diterima akal] sedangkan telah terbukti sebelum ini bahawa wajibnya sifat *qidam* (sedia ada tanpa permulaan) dan *baqā'* (kekal ada tanpa pengakhiran) bagi Allah ﷻ.?!

6.6 *Burhān* Sifat Keesaan

وَأَمَّا بُرْهَانُ وُجُوبِ الْوَحْدَانِيَّةِ لَهُ تَعَالَى:

Dan manakala bukti wajib sifat Keesaan bagi Allah ﷻ [pada zat, sifat dan perbuatan] ialah:

فَلِأَنَّهُ لَوْ لَمْ يَكُنْ وَاحِدًا لَزِمَ أَنْ لَا يُوجَدَ شَيْءٌ مِنَ الْعَالَمِ لِلزُّومِ عَجْزِهِ حِينَئِذٍ.

Sekiranya Dia (Allah ﷻ) tidak bersifat dengan Keesaan, maka lazimlah tidak ada sesuatu pun daripada alam ini yang akan wujud, kerana lazimlah kelemahan-Nya daripada menjadikan alam ini [kerana ada tuhan selain-Nya atau ada sesuatu yang bersifat dengan sifat-sifat ketuhanan selain-Nya].

6.7 *Burhān* Sifat Kuasa, Kehendak, Ilmu dan Hidup

وَأَمَّا بُرْهَانُ وُجُوبِ اتِّصَافِهِ تَعَالَى بِالْقُدْرَةِ وَالْإِرَادَةِ وَالْعِلْمِ وَالْحَيَاةِ:

Dan manakala bukti wajibnya Allah ﷻ bersifat dengan sifat Kuasa, Kehendak, Ilmu dan Hidup ialah:

فَلِأَنَّهُ لَوْ انْتَفَى شَيْءٌ مِنْهَا لَمَّا وُجِدَ شَيْءٌ مِنَ الْحَوَادِثِ.

sekiranya sesuatu daripada sifat-sifat tersebut itu tidak ada [pada Allah ﷻ], maka tidak akan ada suatu apa pun daripada perkara-perkara baharu (makhluk) yang akan wujud.

6.8 *Burhān* Sifat Mendengar, Melihat dan Kalām

وَأَمَّا بُرْهَانُ وُجُوبِ السَّمْعِ لَهُ تَعَالَى وَالْبَصْرِ وَالْكَالَامِ:

Manakala bukti wajibnya Allah ﷻ itu bersifat dengan *sama* (mendengar), *baṣar* (melihat) dan *kalām* (berkata-kata) ialah:

فَالْكِتَابُ وَالسُّنَّةُ وَالْإِجْمَاعُ،

Berdasarkan dalil [naqli] Al-Quran, Al-Sunnah dan ijma' para ulama' mujtahid [yang berlaku selepas kewafatan Rasulullah ﷺ].

وَأَيْضًا لَوْ لَمْ يَتَّصِفْ بِهَا لَزِمَ أَنْ يَتَّصِفَ بِأَضْدَادِهَا، وَهِيَ نَقَائِصُ،

Dan begitu juga [dari sudut dalil aqli], sekiranya Dia (Allah ﷻ) tidak bersifat dengan sifat-sifat ini, pastilah Dia bersifat dengan sifat-sifat yang berlawanan (pekak, buta dan bisu) dan sifat-sifat tersebut adalah sifat-sifat kekurangan,

وَالنَّقْصُ عَلَيْهِ تَعَالَى مُحَالٌ.

Dan [sifat-sifat] kekurangan adalah mustahil bagi Allah ﷻ.

6.9 *Burhān* Sifat Harus

وَأَمَّا بُرْهَانُ كَوْنِ فِعْلِ الْمُمْكِنَاتِ أَوْ تَرْكِهَا جَائِزًا فِي حَقِّهِ تَعَالَى:

Dan manakala bukti [sifat harus bagi Allah ﷻ iaitu] “melakukan (/menjadikan) sesuatu yang *mumkin* atau pun meninggalkannya (/tidak menjadikannya)” adalah harus pada hak Allah ﷻ ialah:

فَلِأَنَّهُ لَوْ وَجَبَ عَلَيْهِ تَعَالَى شَيْءٌ مِنْهَا عَقْلًا، أَوْ اسْتَحَالَ عَقْلًا لَانْقَلَبَ الْمُمْكِنُ وَاجِبًا أَوْ مُسْتَحِيلًا، وَذَلِكَ لَا يُعْقَلُ.

sekiranya sesuatu yang *mumkin* dari sudut akal menjadi wajib ke atas-Nya atau menjadi mustahil ke atas-Nya, maka perkara *mumkin* tersebut telah berubah menjadi wajib atau mustahil ke atas-Nya, dan itu adalah perkara yang tidak diterima akal.

7. Para Rasul ﷺ

وَأَمَّا الرُّسُلُ عَلَيْهِمُ الصَّلَاةُ وَالسَّلَامُ:

Dan manakala berkenaan dengan para Rasul – Selawat dan salam buat mereka:

7.1 Sifat Wajib bagi Para Rasul ﷺ

فَيَجِبُ فِي حَقِّهِمْ:

Maka wajib pada hak mereka itu sifat-sifat berikut:

الصِّدْقُ .

[1] Benar¹⁹

وَالْأَمَانَةُ .

[2] Amanah²⁰

وَتَبْلِيغُ مَا أُمِرُوا بِتَبْلِيغِهِ لِلْخَلْقِ .

[3] Dan menyampaikan perkara yang mereka telah diperintahkan untuk menyampaikannya kepada makhluk.

7.2 Sifat Mustahil bagi Para Rasul

وَيَسْتَحِيلُ فِي حَقِّهِمْ عَلَيْهِمُ الصَّلَاةُ وَالسَّلَامُ أَضْدَادُ هَذِهِ الصِّفَاتِ، وَهِيَ:

Dan mustahil pada hak mereka ﷺ itu lawan bagi sifat-sifat tersebut iaitu:

الْكَذِبُ

[1] Dusta/ Bohong

وَالْحِيَانَةُ بِفِعْلِ شَيْءٍ مِمَّا نَهَوْا نَهْيَ تَحْرِيمٍ أَوْ كَرَاهَةٍ .

¹⁹ Benar pada dakwaan bahawa mereka adalah utusan Allah ﷻ dan benar pada apa yang mereka sampaikan daripada Allah ﷻ.

²⁰ Maksud di sini ialah terpelihara (*iṣmah*): mereka terpelihara pada zahir dan batin mereka daripada melakukan maksiat.

[2] Khianat iaitu dengan melakukan sesuatu perkara yang mereka dilarang melakukannya sama ada haram atau makruh.

أَوْ كِتْمَانُ شَيْءٍ مِّمَّا أُمِرُوا بِتَبْلِيغِهِ لِلْخَلْقِ.

[3] Menyembunyikan suatu perkara yang mereka diperintahkan untuk menyampaikannya kepada para makhluk²¹.

7.3 Sifat Harus bagi Para Rasul

وَيَجُوزُ فِي حَقِّهِمْ عَلَيْهِمُ الصَّلَاةُ وَالسَّلَامُ

Dan harus pada hak mereka ﷺ - Selawat dan salam buat mereka:

مَا هُوَ مِنَ الْأَعْرَاضِ الْبَشَرِيَّةِ الَّتِي لَا تُؤَدِّي إِلَى نَقْصٍ فِي مَرَاتِبِهِمُ الْعَلِيَّةِ ؛
كَالْمَرَضِ وَنَحْوِهِ.

Suatu perkara daripada sifat-sifat kemanusiaan yang tidak membawa kepada kekurangan pada martabat mereka yang tinggi seperti sakit dan seumpamanya.

²¹ “Penambahan *faṭānah* muncul dalam kitab *Kifayah Al-‘Awamm* karangan Muhammad Bin Al-Fadhali (wafat 1236H/1821M). Salah seorang muridnya, Ibrahim Bajuri, menulis syarah atas kitab ini berjudul *Tahqiq Al Maqam ala Kifayah Al ‘Awam*. Syarah kitab tersebut juga dihasiyahkan Syekh Nawawi Al Bantani dalam kitab *Tijan Ad-Daraari*. Dengan demikian, sejak abad ke-19, para ulama memperkenalkan sifat Rasul menjadi empat, yaitu *siddiq*, amanah, tabligh, dan *faṭānah* (SATF).” Sumber: <http://angahsunan.blogspot.com>.

8. Burhān

8.1 *Burhān* Sifat Benar

أَمَّا بُرْهَانُ وُجُوبِ صِدْقِهِمْ عَلَيْهِمُ الصَّلَاةُ وَالسَّلَامُ:

Bukti bagi kewajipan sifat benar pada diri mereka ialah:

فَلَا تَنْهَمُ لَوْ لَمْ يَصْدُقُوا، لَلزِمَ الْكَذِبُ فِي خَيْرِهِ تَعَالَى لِتَصْدِيقِهِ تَعَالَى لَهُمُ بِالْمُعْجَزَةِ
النَّازِلَةِ مَنْزِلَةَ قَوْلِهِ تَعَالَى: ﴿صَدَقَ عَبْدِي فِي كُلِّ مَا يُبْلَغُ عَنِّي﴾

Sekiranya mereka tidak bersikap benar, maka lazimlah dusta pada wahyu Allah ﷺ kerana Dia membenarkan mereka dengan mukjizat yang turun seperti firman-Nya (hadith qudsi): “Benarlah hamba-Ku pada setiap perkara yang dia sampaikanannya daripada-Ku.”

8.2 *Burhān* Sifat Amanah

وَأَمَّا بُرْهَانُ وُجُوبِ الْأَمَانَةِ لَهُمْ عَلَيْهِمُ الصَّلَاةُ وَالسَّلَامُ:

Dan manakalah bukti kewajipan sifat amanah pada diri mereka – Selawat dan salam buat mereka ialah:

فَلَا تَنْهَمُ لَوْ خَانُوا بِفِعْلِ مُحَرَّمٍ، أَوْ مَكْرُوهٍ، لِأَنْقَلَبَ الْمُحَرَّمُ أَوْ الْمَكْرُوهُ طَاعَةً فِي حَقِّهِمْ،

Sekiranya mereka melakukan pengkhianatan dengan melakukan perbuatan yang haram atau makruh, maka perkara haram dan makruh tersebut akan bertukar menjadi ketaatan pada hak mereka.

لَأَنَّ اللَّهَ تَعَالَى أَمَرَنَا بِالْإِقْتِدَاءِ بِهِمْ فِي أَقْوَالِهِمْ وَأَفْعَالِهِمْ، وَلَا يَأْمُرُ اللَّهُ تَعَالَى بِفِعْلِ مُحَرَّمٍ وَلَا مَكْرُوهٍ.

Kerana sesungguhnya Allah ﷻ telah memerintahkan kita untuk meneladani mereka pada perkataan dan perbuatan mereka sedangkan Allah ﷻ tidak memerintahkan kita untuk melakukan perbuatan haram dan makruh, [maka berlakulah pertentangan di antara dua perintah Allah ﷻ, dan ini adalah mustahil].

8.3 *Burhān* Sifat Tabligh

وَهَذَا بَعِيْنُهُ هُوَ بُرْهَانٌ وَجُوبُ الثَّالِثِ.

Dan ini juga adalah merupakan bukti wajibnya sifat ketiga (tabligh) pada hak para Rasul ﷺ.²²

8.4 Dalil Sifat Harus

وَأَمَّا دَلِيلُ جَوَازِ الْأَعْرَاضِ الْبَشَرِيَّةِ عَلَيْهِمْ :

Dan manakala dalil bagi harusnya sifat-sifat kemanusiaan berlaku ke atas para rasul ﷺ adalah:

فَمُشَاهَدَةٌ وَقُوعُهَا بِهِمْ :

kita dapat melihat perkara tersebut berlaku pada mereka:

²² Ini bermaksud bahawa jika mereka tidak menyampaikan perkara yang diperintahkan oleh Allah ﷻ, maka mereka telah melakukan khianat dan sifat khianat itu mustahil bagi mereka.

إِمَّا لَتَعْظِيمِ أُجُورِهِمْ،

ia berlaku sama ada untuk membesarkan ganjaran pahala mereka;

أَوْ لِلتَّشْرِيعِ،

atau untuk menjadi satu [sebab] pensyariaan;

أَوْ لِلتَّسْلِيِّ عَنِ الدُّنْيَا،

atau untuk merehatkan/ menjauhkan mereka daripada dunia;

أَوْ لِلتَّنْبِيهِ لِحَسَّةِ قَدْرِهَا عِنْدَ اللَّهِ تَعَالَى.

atau untuk memberi perhatian tentang rendahnya nilai dunia di sisi Allah ﷻ;

وَعَدَمِ رِضَاهُ بِهَا دَارَ جَزَاءٍ لِأَنْبِيَائِهِ وَأَوْلِيَائِهِ بِاعْتِبَارِ أَحْوَالِهِمْ فِيهَا عَلَيْهِمُ الصَّلَاةُ
وَالسَّلَامُ.

dan betapa Allah ﷻ tidak meredai dunia ini sebagai tempat untuk ganjaran bagi para nabi-Nya dan para wali-Nya berdasarkan hal keadaan yang mereka lalui di dalamnya - Selawat dan salam ke atas mereka.

9. Dua Kalimah Syahadah

وَيَجْمَعُ مَعَانِي هَذِهِ الْعَقَائِدِ كُلِّهَا قَوْلُ:

Dan makna bagi akidah-akidah ini keseluruhannya terhimpun pada kata-kata:

لَا إِلَهَ إِلَّا اللَّهُ، مُحَمَّدٌ رَسُولُ اللَّهِ

“Tiada tuhan [yang berhak disembah] melainkan Allah, [Nabi] Muhammad [ﷺ] adalah utusan Allah.”

10. Makna Ulūhiyyah: Istighnā' dan Iftiqār

إِذْ مَعْنَى الْأُلُوْهِیَّةِ:

Ini adalah kerana makna *ulūhiyyah* (ketuhanan) ialah:

اسْتِغْنَاءُ الْإِلَهِ عَنْ كُلِّ مَا سِوَاهُ، وَافْتِقَارُ كُلِّ مَا عَدَاهُ إِلَيْهِ.

“Maha Kaya/ Terkaya/Tidak berhajat Tuhan kepada tiap-tiap sesuatu selain-Nya dan berhajat tiap-tiap sesuatu selain-Nya kepada-Nya.”

فَمَعْنَى لَا إِلَهَ إِلَّا اللَّهُ:

Dan makna “Tiada tuhan melainkan Allah” ialah:

لَا مُسْتَغْنِيَّ عَنْ كُلِّ مَا سِوَاهُ، وَمُفْتَقِرًا إِلَيْهِ كُلُّ مَا عَدَاهُ إِلَّا اللَّهُ تَعَالَى.

“Tidak ada yang Maha Kaya/ Terkaya daripada segala sesuatu selain-Nya dan berhajat segala sesuatu selain-Nya kepada-Nya melainkan Allah ﷻ.”

10.1 *Istighnā'* dan Tuntutannya

أَمَّا اسْتِغْنَاؤُهُ جَلَّ وَعَزَّ عَنْ كُلِّ مَا سِوَاهُ،

Manakala makna *istighnā'* Allah ﷻ daripada setiap sesuatu selain-Nya:

10.1.1 Sifat Wujūd, Qidam, Baqā', al-Mukhālafah li al-Ḥawādith, al-Qiyam bi al-Nafs dan Tanzīh

فَهُوَ يُوجِبُ لَهُ تَعَالَى:

Maka ia mewajibkan bagi Allah ﷻ, sifat-sifat berikut:

الْوُجُودَ، وَالْقِدَمَ، وَالْبَقَاءَ، وَالْمُخَالَفَةَ لِلْحَوَادِثِ، وَالْقِيَامَ بِالنَّفْسِ، وَالتَّنْزُّهَ عَنِ النَّقَائِصِ.

1. Wujud
2. Sediakala/ Sedia ada
3. Kekal ada
4. Berbeza/ bersalahan dengan perkara baharu/ makhluk
5. Berdiri (/wujud) dengan sendiri-Nya
6. Maha Suci daripada segala kekurangan

10.1.2 Sifat *Sama'*, *Başar* dan *Kalām*

وَيَدْخُلُ فِي ذَلِكَ

Dan termasuk di dalam makna *istighnā'* ini ialah:

وَجُوبُ السَّمْعِ لَهُ تَعَالَى وَالْبَصْرِ وَالْكَلامَ،

wajib bagi Allah sifat *samā'*, *başar* dan *kalām*.

إِذْ لَوْ لَمْ تَجِبْ لَهُ هَذِهِ الصِّفَاتُ لَكَانَ مُحْتَاجًا إِلَى الْمُحَدِّثِ، أَوْ الْمَحَلِّ، أَوْ مَنْ يَدْفَعُ عَنْهُ النَّقَائِصَ.

Ini adalah kerana jika sifat-sifat ini tidak wajib bagi-Nya, maka la pasti berhajat kepada pencipta, atau zat, atau sesiapa yang menolak kekurangan ini pada diri-Nya.

10.1.3 Maha Suci daripada Tujuan Mengambil Manfaat

وَيُؤْخَذُ مِنْهُ:

Dan diambil daripada makna *istighnā'* ini juga:

تَنْزَهُهُ تَعَالَى عَنِ الْأَغْرَاضِ فِي أَفْعَالِهِ وَأَحْكَامِهِ،

Maha Suci Allah ﷻ daripada mempunyai tujuan (/hajat/manfaat yang dikehendaki) pada perbuatan-Nya dan hukum-Nya.

وَالْأَلَّا لَزِمَ افْتِقَارُهُ إِلَى مَا يُحْصَلُ غَرَضُهُ، كَيْفَ وَهُوَ جَلٌّ وَعَزٌّ الْغَنِيِّ عَنْ كُلِّ مَا سِوَاهُ!؟

Jika ini tidak wajib bagi-Nya, maka sudah pasti la akan berhajat kepada sesuatu yang menghasilkan bagi-Nya tujuan-Nya, bagaimana ini boleh diterima akal? Sedangkan Allah ﷻ Maha Kaya dan tidak berhajat kepada setiap sesuatu selain-Nya.

10.1.4 Tidak Wajib ke atas-Nya Menjadikan Sesuatu Yang *Mumkin* atau Tidak Menjadikannya

وَيُؤْخَذُ مِنْهُ أَيضًا:

Dan diambil daripada makna *istighnā'* ini juga:

أَنَّهُ لَا يَجِبُ عَلَيْهِ تَعَالَى فِعْلُ شَيْءٍ مِنَ الْمُمْكِنَاتِ عَقْلًا وَلَا تَرْكُهُ،

Bahawa sesungguhnya tidak wajib ke atas Allah ﷻ untuk melakukan sesuatu daripada perkara yang *mumkin* dari sudut akal dan begitu juga tidak wajib ke atas-Nya untuk meninggalkannya (tidak melakukannya).

إِذْ لَوْ وَجَبَ عَلَيْهِ تَعَالَى شَيْءٌ مِنْهَا عَقْلًا كَالثَّوَابِ مَثَلًا، لَكَانَ جَلًّا وَعَزًّا مُفْتَقِرًا إِلَى ذَلِكَ الشَّيْءِ لِيَتَكَمَّلَ بِهِ غَرَضُهُ،

Ini adalah kerana sekiranya ia menjadi wajib ke atas-Nya daripada perkara *mumkināt* dari sudut akal seperti pahala, maka pastinya Allah ﷻ berhajat kepada perkara tersebut bagi menghasilkan tujuan-Nya.

إِذْ لَا يَجِبُ فِي حَقِّهِ تَعَالَى إِلَّا مَا هُوَ كَمَا لَهُ، كَيْفَ وَهُوَ جَلٌّ وَعَزٌّ الْغَنِيُّ عَنْ كُلِّ مَا سِوَاهُ؟!.

Dan apabila tidak wajib bagi hak Allah ﷻ sesuatu apa pun melainkan apa yang merupakan kesempurnaan bagi-Nya, bagaimana ini boleh diterima akal? Sedangkan Allah ﷻ Maha Kaya dan tidak berhajat kepada setiap sesuatu selain-Nya.

10.2 *Iftiqār* dan Tuntutannya

وَأَمَّا افْتِقَارُ كُلِّ مَا عَدَاهُ إِلَيْهِ جَلَّ وَعَزَّ

Dan manakala *iftiqār* (kefakiran) setiap sesuatu selain-Nya kepada-Nya ﷻ,

10.2.1 Sifat *Ḥayāh*, *Qudrah* dan *Irādah*

فَهُوَ يُوجِبُ لَهُ تَعَالَى الْحَيَاةِ، وَعُمُومَ الْقُدْرَةِ وَالْإِرَادَةِ وَالْعِلْمِ،

Maka ia mewajibkan bagi Allah ﷻ:

1. Hidup
2. *Qudrah* (Kuasa),
3. *Irādah* (Kehendak) dan
4. Ilmu.

إِذْ لَوْ انْتَفَى شَيْءٌ مِنْهَا لَمَا أَمَكْنَ أَنْ يُوجَدَ شَيْءٌ مِنَ الْحَوَادِثِ، فَلَا يَفْتَقِرُ إِلَيْهِ شَيْءٌ،

Kerana jika ada yang lenyap daripada sifat-sifat ini, maka Allah ﷻ tidak akan mampu untuk mewujudkan sesuatu yang baharu. Dan dengan ini, tidak ada sesuatu apa pun yang berhajat kepada-Nya.

كَيْفَ وَهُوَ الَّذِي يَفْتَقِرُ إِلَيْهِ كُلُّ مَا سِوَاهُ!؟

Bagaimana ini boleh diterima akal?, sedangkan Dia itu adalah [Tuhan] yang berhajat kepada-Nya tiap-tiap satu selain-Nya [dan Dia tidak berhajat kepada setiap sesuatu selain-Nya].

10.2.2 Sifat *Waḥdāniyyah*

وَيُوجِبُ لَهُ تَعَالَى أَيْضًا:

Dan prinsip ini juga mewajibkan [pada akal] bagi Allah ﷻ:

الْوَحْدَانِيَّةَ،

sifat *Waḥdāniyyah* (Keesaan).

إِذْ لَوْ كَانَ مَعَهُ ثَانٍ فِي الْأُلُوْهِيَّةِ لَمَا افْتَقَرَ إِلَيْهِ شَيْءٌ لِلزُّومِ عَجْزِهِمَا حِينَئِذٍ،

Ini adalah sekiranya ada bersama-Nya pihak kedua pada ketuhanan, maka tidak ada sesuatu pun yang berhajat kepada-Nya kerana kedua-duanya adalah lemah pada ketika tersebut,

كَيْفَ وَهُوَ الَّذِي يَفْتَقِرُ إِلَيْهِ كُلُّ مَا سِوَاهُ؟!

Bagaimana [ini boleh diterima akal]?, sedangkan Dia itu adalah [Tuhan] yang berhajat kepada-Nya tiap-tiap satu selain-Nya [dan Dia tidak berhajat kepada setiap sesuatu selain-Nya].

10.2.3 Baharunya Alam Ini

وَيُؤْخَذُ مِنْهُ أَيْضًا:

Dan diambil juga daripada prinsip “*iftiqār* setiap selain-Nya kepada-Nya”:

حُدُوثُ الْعَالَمِ بِأَسْرِهِ،

Baharunya seluruh alam ini.

إِذْ لَوْ كَانَ شَيْءٌ مِنْهُ قَدِيمًا، لَكَانَ ذَلِكَ الشَّيْءُ مُسْتَعْنِيًا عَنْهُ تَعَالَى،

Ini adalah sekiranya ada sesuatu daripada alam ini yang bersifat *qadīm*, maka pasti perkara tersebut tidak berhajat kepada Allah ﷻ,

كَيْفَ وَهُوَ الَّذِي يَجِبُ أَنْ يَفْتَقَرَ إِلَيْهِ كُلُّ مَا سِوَاهُ!؟

Bagaimana [ini boleh diterima akal]?, sedangkan Dia itu adalah [Tuhan] yang wajib berhajat kepada-Nya tiap-tiap satu selain-Nya [dan Dia tidak berhajat kepada setiap sesuatu selain-Nya].

10.2.4 Tiada *Ta'thīr* (Memberi Bekas/Kesan) Melainkan bagi Allah

وَيُؤْخَذُ مِنْهُ أَيْضًا:

Dan diambil juga daripada makna “*iftiqār* selain-Nya kepada-Nya” juga:

أَنَّهُ لَا تَأْثِيرَ لَشَيْءٍ مِنَ الْكَائِنَاتِ فِي أَثَرِ مَا،

Bahawa sesungguhnya tidak ada *ta'thīr* (/perbuatan yang memberi bekas/kesan) bagi sesuatu apa pun daripada makhluk pada sesuatu kesan apa pun,

وَإِلَّا لَزِمَ أَنْ يَسْتَعْنِيَ ذَلِكَ الْأَثَرُ عَنْ مَوْلَانَا جَلَّ وَعَزَّ،

Dan jika tidak, maka lazimlah kesan/bekas itu tidak berhajat kepada Tuhan kita [Allah] ﷻ.

كَيْفَ وَهُوَ الَّذِي يَفْتَقِرُ إِلَيْهِ كُلُّ مَا سِوَاهُ عُمُومًا وَعَلَى كُلِّ حَالٍ؟!،

Bagaimanakah ini boleh diterima?! [Ia sama sekali tidak boleh diterima kerana] Dia adalah [Tuhan] yang berhajat setiap sesuatu selain-Nya kepada-Nya keseluruhannya dan atas apa jua keadaan sekali pun,

هَذَا إِنْ قَدَّرْتَ أَنَّ شَيْئًا مِنَ الْكَائِنَاتِ يُؤَثَّرُ بِطَبْعِهِ،

Ini adalah sekiranya engkau menganggap bahawa ada sesuatu daripada makhluk yang memberi kesan dengan tabiatnya [dan ini adalah mustahil].

وَأَمَّا إِنْ قَدَّرْتَهُ مُؤَثَّرًا بِقُوَّةٍ جَعَلَهَا اللَّهُ فِيهِ كَمَا يَزْعُمُهُ كَثِيرٌ مِنَ الْجُهَلَةِ فَذَلِكَ مُحَالٌ
أَيْضًا،

Dan sekiranya engkau menganggap bahawa ia (makhluk) memberi bekas/kesan dengan kekuatan yang telah diciptakan oleh Allah ﷻ sepertimana ramai daripada kalangan orang-orang jahil yang beranggapan sedemikian, maka ia adalah suatu yang mustahil juga,

لَأَنَّهُ يَصِيرُ حِينَئِذٍ مَوْلَانَا جَلٌّ وَعَزٌّ مُفْتَقِرًا فِي إِيجَادِ بَعْضِ الْأَفْعَالِ إِلَى وَاسِطَةٍ،

Kerana dengan tanggapan sebegitu, maka ia menjadikan Tuhan kita [Allah] ﷻ berhajat kepada penciptaan perantara (*wāsiṭah*) untuk mencipta sebahagian daripada perbuatan-Nya,

وَذَلِكَ بَاطِلٌ لِمَا عَرَفْتَ مِنْ وُجُوبِ اسْتِغْنَائِهِ جَلٌّ وَعَزٌّ عَنِ كُلِّ مَا سِوَاهُ.

Dan itu adalah tanggapan yang batil dengan hakikat yang telah engkau ketahui tentang kewajiban *istighnā'* (tidak berhajat) Allah kepada sesuatu apa pun selain-Nya.

11. Kesimpulan Makna Syahadah Tauhid

فَقَدْ بَانَ لَكَ تَضَمُّنُ قَوْلٍ: ﴿لَا إِلَهَ إِلَّا اللَّهُ﴾ لِأَقْسَامِ الثَّلَاثَةِ الَّتِي يَجِبُ عَلَى الْمُكَلَّفِ مَعْرِفَتُهَا فِي حَقِّ مَوْلَانَا جَلَّ وَعَزَّ، وَهِيَ:

Maka telah jelas bagi kamu [makna] kandungan kata-kata: “Tiada Tuhan melainkan Allah,” bagi ketiga-tiga bahagian (wajib, mustahil dan harus) yang wajib ke atas mukallaf untuk mengetahuinya berkenaan hak Allah ﷻ dan ia adalah:

مَا يَجِبُ فِي حَقِّهِ تَعَالَى، وَمَا يَسْتَحِيلُ، وَمَا يَجُوزُ.

Apa yang wajib bagi Allah ﷻ, apa yang mustahil bagi-Nya dan apa yang harus bagi-Nya.

12. Makna Syahadah *Taşdīq*

وَأَمَّا قَوْلُنَا: ﴿مُحَمَّدٌ رَسُولُ اللَّهِ ﷺ﴾

Dan manakala ucapan kita: “[Nabi] Muhammad ﷺ adalah utusan Allah”:

12.1 Mewajibkan Keimanan dengan Para Nabi, Malaikat, Kitab dan Hari Akhirat

فَيَدْخُلُ الْإِيمَانُ بِالْأَنْبِيَاءِ وَالْمَلَائِكَةِ وَالْكِتَابِ السَّمَاوِيَّةِ وَالْيَوْمِ الْآخِرِ، لِأَنَّهُ عَلَيْهِ
الصَّلَاةُ وَالسَّلَامُ جَاءَ بِتَصْدِيقِ جَمِيعِ ذَلِكَ كُلِّهِ.

Maka termasuk di dalamnya keimanan dengan para Nabi ﷺ, para malaikat, kitab-kitab samawi dan hari Akhirat kerana Rasulullah ﷺ telah datang membenarkan semua perkara tersebut setiap satu.

12.2 Kewajipan Sifat Benar, Kemustahilan Sifat Dusta dan Khianat serta Maksiat

وَيُؤْخَذُ مِنْهُ:

Dan diambil daripada ucapan kita: “[Nabi] Muhammad ﷺ ialah utusan Allah”:

وَجُوبُ صِدْقِ الرُّسُلِ عَلَيْهِمُ الصَّلَاةُ وَالسَّلَامُ.

Kewajipan sifat benar pada para rasul – Selawat dan salam ke atas mereka semua.

وَاسْتِحَالَةُ الْكُذْبِ عَلَيْهِمْ،

Kemustahilan sifat dusta pada mereka,

وَإِلَّا لَمْ يَكُونُوا رُسُلًا أَمْنَاءَ لِمَوْلَانَا الْعَالَمِ بِالْخَفِيَّاتِ جَلَّ وَعَزَّ.

Kerana sekiranya tidak begitu, maka para rasul ﷺ bukanlah orang-orang yang amanah kepada Tuhan kita [Allah ﷻ] yang Maha Mengetahui segala perkara yang tersembunyi ﷻ.

وَاسْتِحَالَةَ فِعْلِ الْمَنْهِيَّاتِ كُلِّهَا

dan kemustahilan bagi mereka untuk melakukan perkara-perkara yang telah dilarang kesemuanya oleh Allah ﷻ,

لَأَنَّهُمْ أُرْسِلُوا لِيُعَلِّمُوا النَّاسَ بِأَقْوَامِهِمْ، وَأَفْعَالِهِمْ وَسُكُوتِهِمْ،

kerana mereka semua diutuskan untuk mengajar manusia dengan perkataan mereka, perbuatan mereka dan diam mereka,

فَيَلْزِمُ أَنْ لَا يَكُونَ فِي جَمِيعِهَا مُخَالَفَةٌ لِأَمْرِ مَوْلَانَا جَلَّ وَعَزَّ الَّذِي اخْتَارَهُمْ عَلَى جَمِيعِ خَلْقِهِ وَأَمَّنَّهُمْ عَلَى سِرِّ وَحْيِهِ.

Maka lazimlah tidak boleh ada sebarang pertentangan dalam semua tindak tanduk mereka terhadap perintah Tuhan kita [Allah ﷻ] yang telah memilih mereka daripada kalangan seluruh makhluk-Nya dan mempercayai (/memberi amanah kepada) mereka bagi kerahsiaan wahyu-Nya.

12.3 Keharusan Sifat Kemanusiaan

وَيُؤْخَذُ مِنْهُ:

Dan diambil juga daripada ucapan kita “[Nabi] Muhammad ﷺ ialah utusan Allah”:

جَوَازُ الْأَعْرَاضِ الْبَشَرِيَّةِ عَلَيْهِمْ،

Keharusan sifat-sifat kemanusiaan pada diri mereka,

إِذْ ذَاكَ لَا يَقْدَحُ فِي رِسَالَتِهِمْ، وَعُلُوُّ مَنْزِلَتِهِمْ عِنْدَ اللَّهِ تَعَالَى، بَلْ ذَاكَ مِمَّا يَزِيدُ فِيهَا.

Kerana ia tidak merosakkan kerasulan mereka dan ketinggian kedudukan mereka di sisi Allah ﷻ, bahkan ia menambahkan kemuliaan mereka di sisi Allah ﷻ.

13. Dua Kalimah Syahadah Mengandungi Simpulan-simpulan ('Aqā'id) Iman

فَقَدْ بَانَ لَكَ تَضَمُّنُ كَلِمَتِي الشَّهَادَةِ مَعَ قَلَّةِ حُرُوفِهَا

Sesungguhnya telah nyata bagimu makna yang dikandung oleh kedua-dua kalimah Syahadah ini walaupun huruf-hurufnya itu sedikit,

لِجَمِيعِ مَا يَجِبُ عَلَى الْمُكَلَّفِ مَعْرِفَتُهُ مِنْ عَقَائِدِ الْإِيمَانِ

Bagi semua yang wajib ke atas mukallaf untuk mengetahuinya daripada simpulan-simpulan iman ('aqā'id al-īmān),

فِي حَقِّهِ تَعَالَى وَفِي حَقِّ رُسُلِهِ - عَلَيْهِمُ الصَّلَاةُ وَالسَّلَامُ.

Pada hak Allah ﷻ dan pada hak para Rasul-Nya – Selawat dan salam ke atas mereka,

وَلَعَلَّهَا لِاخْتِصَارِهَا مَعَ اشْتِمَالِهَا عَلَى مَا ذَكَرْنَا

Dan barangkali kerana ringkasnya kalimah ini dan kesempurnaan liputan maknanya bagi apa yang telah kami nyatakan,

جَعَلَهَا الشَّرْعُ تَرْجَمَةً عَلَى مَا فِي الْقَلْبِ مِنَ الْإِسْلَامِ،

Maka Syariat menjadikan kalimah ini sebagai terjemahan terhadap apa yang ada di dalam hati [seseorang] daripada keislaman [dan keimanan],

وَلَمْ يَقْبَلْ مِنْ أَحَدٍ الْإِيمَانَ إِلَّا بِهَا.

Dan Syariat tidak menerima keimanan daripada seseorang melainkan dengannya (persaksian dua kalimah Syahadah ini).

14. Memperbanyakkan Zikir Tahlil dan *Taşdīq*

فَعَلَى الْعَاقِلِ أَنْ يُكْثِرَ مِنْ ذِكْرِهَا

Maka hendaklah orang yang berakal itu memperbanyakkan menyebutnya/ berzikir dengannya:

مُسْتَحْضِرًا لِمَا اخْتَوَتْ عَلَيْهِ مِنْ عَقَائِدِ الْإِيمَانِ.

Dalam keadaan menghadirkan makna-makna yang terkandung di dalamnya daripada simpulan simpulan iman,

حَتَّى تَمْتَزِجَ مَعَ مَعْنَاهَا بِلَحْمِهِ وَدَمِهِ.

sehingga bersebuti kalimah ini bersama maknanya dengan dagingnya dan darahnya,

فَإِنَّهُ يَرَىٰ هَا مِنْ الْأَسْرَارِ وَالْعَجَائِبِ إِنْ شَاءَ اللَّهُ تَعَالَىٰ مَا لَا يَدْخُلُ تَحْتَ حَضْرِهِ.

dengan itu, dia akan melihat bagi kalimah ini rahsia-rahsia dan keajaiban-keajaiban yang tidak dapat dihitng - sekiranya Allah ﷻ mengkehendaki [perkara tersebut].²³

15. Penutup

وَبِاللَّهِ التَّوْفِيقُ لَا رَبَّ غَيْرُهُ، وَلَا مَعْبُودَ سِوَاهُ.

Dan dengan Allah sahajalah taufik [untuk melakukan ketaatan]; tiada Tuhan selain-Nya; dan tiada yang berhak disembah selain-Nya.

نَسْأَلُهُ سُبْحَانَهُ وَتَعَالَىٰ أَنْ يَجْعَلَنَا وَأَحِبَّتَنَا عِنْدَ الْمَوْتِ نَاطِقِينَ بِكَلِمَةِ الشَّهَادَةِ
عَالِمِينَ بِهَا.

Kita memohon daripada-Nya agar Dia menjadikan kita dan orang-orang yang kita cintai ketika menghadapi kematian kelak dari kalangan orang-orang yang dapat mengucapkan kalimah Syahadah ini dalam keadaan mengetahui makna-maknanya.

وَصَلَّىٰ اللَّهُ عَلَىٰ سَيِّدِنَا مُحَمَّدٍ، كُلَّمَا ذَكَرَهُ الذَّاكِرُونَ، وَغَفَلَ عَنْ ذِكْرِهِ الْغَافِلُونَ.

Dan semoga Allah ﷻ berselawat (mengurniakan rahmat bersama penghormatan) ke atas Sayyidina Muhammad ﷺ pada setiap kali

²³ Kurniaan-kurniaan Allah ﷻ yang menghias diri rohaninya dengan pelbagai bentuk makrifat dan sifat-sifat terpuji seperti zuhud, tawakal, *hayā'* (menjaga maruah), merasa keagungan Allah ﷻ dan tidak bergantung hajat dan harap kepada makhluk-Nya.

orang-orang yang berzikir mengingati-Nya dan orang-orang yang lalai itu lalai daripada mengingati-Nya,

وَرَضِيَ اللَّهُ عَنْ أَصْحَابِ رَسُولِ اللَّهِ أَجْمَعِينَ وَالتَّابِعِينَ لَهُمْ بِإِحْسَانٍ إِلَى يَوْمِ
الدِّينِ.

Dan semoga Allah ﷻ meredai para sahabat Rasulullah ﷺ kesemuanya dan orang-orang yang mengikuti mereka dengan ihsan sehingga ke hari pembalasan.

وَسَلَامٌ عَلَى الْمُرْسَلِينَ.


Dan sejahteralah ke atas para Rasul yang diutuskan [ﷺ],

وَالْحَمْدُ لِلَّهِ رَبِّ الْعَالَمِينَ.

Dan segala puji hanyalah bagi Allah ﷻ, Tuhan yang mencipta, memiliki dan mentadbir seluruh alam.

Faedah Tambahan: Memperkuatkan Iman dengan Memperbanyakkan Zikrullah

Zikir kepada Allah merupakan sokongan kepada dua kalimah Syahadah (syahadah Tauhid dan syahadah *Taṣḍīq*) yang menjadi asas keimanan dan keislaman seseorang. Sebagaimana solat fardu disokong oleh solat-solat sunat, zakat disokong oleh sedekah, puasa fardu disokong oleh puasa sunat, dan haji disokong oleh umrah; maka dua kalimah Syahadah disokong dengan amalan zikrullah. (Rujuk gambar rajah di bawah).



Zikrullah ialah amalan yang paling mulia secara umum di dalam Islam. Para ulama' Tasawwuf telah bersepakat bahawa zikrullah adalah jalan yang paling penting dan utama bagi mendekatkan diri seseorang kepada Allah ﷻ. Ia juga adalah jalan yang berkesan bagi memperbaiki diri dan jiwa seorang hamba. Berzikir adalah asas bagi mencapai ketenangan hati atau jiwa yang *muṭma'innah*. Oleh

kerana itulah maka Imam al-Sanūsī menutup risalah akidahnya ini dengan anjuran memperbanyakkan zikrullah.

Anjuran ini adalah bersesuaian dengan perintah Rasulullah ﷺ untuk kita memperbanyakkan zikir kalimah tahlil ini. Sayyidina Abu Hurayrah ؓ telah meriwayatkan bahawa:

أَنَّ النَّبِيَّ ﷺ قَالَ: ((جَدِّدُوا إِيْمَانَكُمْ))، قِيلَ: يَا رَسُولَ اللَّهِ، وَكَيْفَ نُجَدِّدُ إِيْمَانَنَا؟
قَالَ: ((أَكْثِرُوا مِنْ قَوْلِ: لَا إِلَهَ إِلَّا اللَّهُ))

Sesungguhnya Nabi ﷺ bersabda: “Perbaharuilah iman kamu.”

Baginda ﷺ ditanya: “Wahai Rasulullah, bagaimanakah kami dapat memperbaharui iman kami?”

Baginda ﷺ bersabda: “Perbanyakkanlah menyebut [zikir tahlil]:

لَا إِلَهَ إِلَّا اللَّهُ

Tiada tuhan [yang berhak disembah] melainkan Allah.”

T: (Aḥmad (241H): al-Musnad), No. 8493 [Lafaz di atas]; (al-Ḥākim (405H): al-Mustadrak ‘alā al-Saḥīḥayn), No. 7722 dan beliau berkata: (هَذَا (حَدِيثٌ صَحِيحُ الْإِسْنَادِ، وَلَمْ يُخْرَجْ لَهُ (Abū Nu‘aym al-Asbahānī (430H): Ḥilyat al-Awliyā’ wa Ṭabaqāt al-Aṣfiyā’), No. 2826; (Ibn al-Banna al-Baghdadi (471H): Fada’il al-Tahlil wa Thawabuh al-Jalil) dan lain-lain. S: Ibnu ‘Abbas ؓ. [Status: Hasan]

*(al-Mundzirī (656H): al-Targhīb wa al-Tarhīb min al-Ḥadīth al-Sharīf), No. 2352 dan beliau berkata: (رَوَاهُ أَحْمَدُ وَالطَّبْرَانِيُّ وَإِسْنَادُ أَحْمَدَ حَسَنًا).

*(al-‘Ajlūnī (1162H): Kashf al-Khafā’ wa Muzīl al-Ilbās), No. 1068 dan beliau berkata: (-.رواه أحمد والحاكم والنسائي والطبراني بسند حسن عن أبي هريرة -رضي الله عنه).

*(al-Haythamī (807H): Majma’ al-Zawā’id wa Manba’ al-Fawā’id), No. 159 dan beliau berkata: (رَوَاهُ أَحْمَدُ، وَإِسْنَادُهُ جَيِّدٌ، وَفِيهِ سَمِيرُ بْنُ مَهَارٍ وَثَقَّهُ ابْنُ حِبَّانَ).




**BEBERAPA KONSEP
PENTING**



BEBERAPA KONSEP PENTING

1: Tiga Jenis Hukum dan Pembahagiannya



2: Akidah/ Iman: Ijmālī dan Tafṣīlī

Iman Ijmālī merujuk kepada keimanan secara umum bagi sesuatu rukun iman dan Iman Tafṣīlī merujuk kepada keimanan secara terperinci bagi sesuatu rukun iman. Iman Ijmālī dan Iman Tafṣīlī berlaku bagi setiap satu daripada rukun-rukun iman yang enam. Jadual di bawah menunjukkan contoh perbezaan di antara Iman Ijmālī dan Iman Tafṣīlī berkenaan sifat-sifat yang wajib, mustahil dan harus bagi Allah.

Bil	Bentuk Akidah Yang Wajib	Penerangan
1.	Akidah Secara Ijmālī	<p>Allah ﷻ Maha Suci daripada segala kekurangan dan Allah ﷻ bersifat dengan segala sifat-sifat <i>Kamāl</i> (kesempurnaan), <i>Jamāl</i> (Keindahan) & <i>Jalāl</i> (Keagungan);</p> <p>Dan harus bagi Allah menjadikan atau mentiadakan sesuatu yang <i>mumkin</i>.</p> <p>Hanya Allah yang mengetahui sifat-sifat ini kerana hakikatnya tiada yang mengetahui Allah melainkan Allah.</p>
2.	Akidah Secara Tafṣīlī	<p>Sifat-sifat yang wajib: 20 sifat Sifat-sifat yang mustahil: 20 sifat Sifat yang harus: 1 sifat</p> <p>Kesemuanya adalah 41 Sifat (Wajib + Mustahil + Harus) yang wajib diketahui.</p>

3: Empat Pembahagian Sifat 20

Kategori Sifat	Sifat	Penerangan
<i>Nafsiyyah</i>	Wujud	Hal yang wajib bagi zat atau zat itu sendiri
<i>Salbiyyah</i>	Sedia ada, Kekal ada, Bersalahan/ berbeza dengan perkara baru/ makhluk, Berdiri/ Wujud dengan Diri Sendiri dan Esa	Menafikan sifat-sifat kekurangan yang tidak layak bagi Allah
<i>Ma'ānī</i>	Kuasa, Kehendak, Ilmu, Hidup, Mendengar, Melihat dan Berkata-kata	Sifat-sifat wujūdī pada zat Ia bukan zat [dari sudut makna] dan ia bukan selain zat [dari sudut wujud] (لَا هِيَ هُوَ وَلَا هِيَ غَيْرُهُ)
<i>Ma'nawiyyah</i>	Hal keadaan Allah ﷻ itu Maha Berkuasa, Berkehendak, Mengetahui, Hidup, Mendengar, Melihat dan Berkata-kata.	Lazim bagi sifat <i>ma'ānī</i> Hal keadaan (suatu di antara <i>wujūd</i> dan <i>'adam</i>)

4: Sifat *Salbiyyah*

Sifat *salbiyyah* adalah sifat yang menunjukkan ketiadaan (*‘adam*) sifat yang tidak layak bagi Allah. Oleh kerana itu sifat-sifat ini tidak dinamakan sebagai sifat-sifat *wujūdī* atau *ma‘ānī*.

Bil.	Sifat <i>Salbiyyah</i>	Makna Ketidadaan (<i>‘Adam</i>) Yang Dimaksudkan
1.	<i>Qidam</i>	Tiada permulaan bagi Allah
2.	<i>Baqā’</i>	Tiada pengakhiran atau kebinasaan bagi Allah
3.	<i>Mukhālafatuhu li al-ḥawādith</i>	Tiada sesuatu yang menyerupai Allah dari segala sudut
4.	<i>Qiyāmuhi bi nafsih</i>	Tidak berhajat kepada zat (<i>maḥall</i>) yang lain atau pencipta (<i>mukhaṣṣiṣ/ fā‘il</i>) yang menciptakan-Nya
5.	<i>Waḥdāniyyah</i>	Tidak berbilang-bilang pada zat-Nya, sifat-Nya dan perbuatan-Nya

5: Sifat Ma'ānī dan Ta'alluqnya

Sifat ma'ānī, jenis dan subjek ta'alluqnya secara ringkas:

Sifat Ma'ani	Jenis Ta'alluq	Subjek Ta'alluq
Qudrah	Ta'thīr - Şalūhī qadīm - Tanjīzī ḥadīth - Qabḍah	Semua <i>mumkināt</i> (sama ada <i>mawjūd</i> atau <i>ma'dūm</i>)
Irādah	Takhṣīṣ - Şalūhī qadīm - Tanjīzī qadīm	Semua <i>mumkināt</i> (sama ada <i>mawjūd</i> atau <i>ma'dūm</i>)
Ilmu	Ihāṭah - Tanjīzī qadīm	Semua yang wajib, mustahil dan harus
Hayāh	Tiada	Tiada
Sama' dan Baṣar	Inkishāf - Şalūhī qadīm - Tanjīzī qadīm - Tanjīzī ḥadīth	Semua yang wujud
Kalām	Dilālah dan Ifhām - Şalūhī qadīm - Tanjīzī qadīm - Tanjīzī ḥadīth	Semua yang wajib, mustahil dan harus

Şalūhī qadīm: Boleh sejak azali. *Tanjīzī qadīm*: Tunai sejak azali.

Tanjīzī ḥadīth: Tunai pada makhluk.

6: 10 Perkara Yang Perlu Dinafikan

Berdasarkan huraian Imam al-Sanūsī bagi kemustahilan *al-mumāthalah li al-ḥawādith* bagi Allah, maka kita dapat membuat kesimpulan bahawa terdapat sepuluh (10) perkara yang wajib dinafikan bagi zat Allah berdasarkan sifat-Nya *mukhālafatuh li al-ḥawādith*, iaitu Maha Suci Allah daripada:

1. Jirim
2. ‘*Araḍ* (sesuatu yang wujudnya menumpang pada jirim)
3. Berada di suatu arah bagi jirim
4. Mempunyai arah (*jihah*)
5. Terikat dengan tempat (*makān*)
6. Terikat dengan masa (*zaman*)
7. Mempunyai sifat seperti sifat makhluk
8. Saiz kecil
9. Saiz besar
10. Mengambil manfaat atau mempunyai tujuan dari perbuatan-Nya atau hukum-Nya.

7: Sifat-sifat Berkaitan *Istighnā'* dan *Iftiqār*

<i>Istighā'</i>	<i>Iftiqār</i>
Allah tidak berhajat kepada sesuatu yang lain	Setiap/ segala sesuatu yang lain berhajat kepada Allah
<ol style="list-style-type: none"> 1. Wujūd 2. Qidam 3. Baqā' 4. Mukhālafatuhu li al-ḥawādith 5. Al-Qiyām bi al-nafs 6. Samā' 7. Baṣar 8. Kalām 9. Samī'an 10. Baṣīran 11. Mutakalliman 	<ol style="list-style-type: none"> 1. Wahdāniyyah 2. Qudrah 3. Irādah 4. Ilmu 5. Ḥayāh 6. Qadīran 7. Murīdan 8. 'Alīman 9. Ḥayyan
<ol style="list-style-type: none"> 12. Maha Suci dari segala kekurangan. 13. Tidak mengambil manfaat daripada hukum-Nya dan perbuatan-Nya. 	<ol style="list-style-type: none"> 10. Baharunya alam ini. 11. Tiada <i>ta'thīr</i> melainkan bagi Allah.
<ol style="list-style-type: none"> 14. Sifat harus bagi-Nya untuk menjadikan perkara <i>mumkin</i> atau tidak. 	

8: 50 Simpulan Akidah (‘Aqā’id al-Īmān): ‘Aqīdat al-Khamsīn

Imam al-Marzūqī menyebut di dalam “Manzūmah ‘Aqīdat al-‘Awwām”:

فَاخْفِظْ لِحَمْسِينَ بِحُكْمٍ وَاجِبٍ	وَالْمُسْتَحِيلُ ضِدُّ كُلِّ وَاجِبٍ
Maka hafalkanlah bagi lima puluh (50) [asas akidah] dengan hukum yang wajib	Dan mustahil itu adalah lawan bagi setiap yang wajib

Dan lima puluh (50) simpulan akidah (‘aqā’id al-īmān) tersebut adalah merupakan makna yang dituntut dan terkandung di dalam dua kalimah Shahādah:

مُحَمَّدٌ رَسُولُ اللَّهِ			لَا إِلَهَ إِلَّا اللَّهُ		
Persaksian <i>Taṣḍīq</i> :			Persaksian Tauhid:		
Membenarkan Rasulullah ﷺ pada setiap apa sahaja yang Baginda ﷺ sampaikan			Mengesakan Allah pada zat-Nya, sifat-Nya dan perbuatannya <i>al-Istighnā’</i> dan <i>al-Iftiqār</i>		
Wajib	Mustahil	Harus	Wajib	Mustahil	Harus
4	4	1	20	20	1
9			41		
50 Simpulan Akidah (‘Aqā’id al-Īmān)					

PENULIS

Dr. Abdullaah Jalil merupakan pensyarah kanan di Fakulti Ekonomi dan Muamalat, Universiti Sains Islam Malaysia (USIM) di Nilai, Negeri Sembilan. Beliau memperolehi Sarjana Muda Syariah (Fiqh and Pengajian Islam) dari Universiti Yarmouk, Jordan dengan Kelas Pertama (*Mumtāz*) pada tahun 2001, Sarjana Pentadbiran Perniagaan (MBA) dengan pengkhususan Perbankan dan Kewangan Islam dari Universiti Islam Antarabangsa Malaysia pada tahun 2004 dan dikurniakan Anugerah Pelajar Terbaik Program serta PhD Kewangan Islam dari INCEIF (The Global University of Islamic Finance) pada tahun 2019.

Beliau turut memainkan peranan sebagai ahli Jawatankuasa Syariah di dalam industri perbankan Islam, takaful, koperasi dan wakaf sejak 2012 sehingga ke hari ini. Beliau juga merupakan ahli Panel Syariah USIM sejak ia ditubuhkan dan menjadi salah seorang penyelidik fatwa bagi Jabatan Mufti Negeri Sembilan sejak tahun 2016.

Beliau juga terlibat di dalam bidang Deradikalisasi dan PCVE (Kefahaman Agama) sejak tahun 2008 dan dianugerahkan anugerah “Friends of the Police” pada Hari Polis Kebangsaan 2012 di atas sumbangan beliau di dalam bidang ini. Beliau telah dilantik sebagai sebagai Ahli Panel Deradikalisasi dan Pakar Rujuk Bagi Kes-kes Keganasan Yang Disiasat Di Bawah Akta Kesalahan Keselamatan (Langkah-langkah Khas) 2012 oleh Kementerian Dalam Negeri. Beliau pernah memberi latihan berkenaan Deradikalisasi di Rabdan Academy (United Arab Emirates) dan dilantik sebagai salah seorang Advisory Committee bagi Global Peace Institute (Maldives) dan kini terlibat sebagai salah seorang ahli penyelidik untuk membangunkan Pelan Tindakan Kebangsaan bagi Mencegah dan Menangani Pelampau Keganasan (NAPPCVE).


Dalam pembinaan polisi dan kertas kerja hukum, beliau pernah terlibat sebagai salah seorang panel kepakaran bagi pembinaan Standard MQA bagi Program Muamalat dan Kewangan Islam (2012), Manual Pengurusan Wang Khairat JAWHAR (2014), AJK (Kluster Ekonomi) Pembangunan Dasar Dakwah Negara (2014), Kertas Kerja Hukum Berkaitan Isu-isu Syariah Madinah Mawaddah Wakaf City (2020) dan Kertas Kerja Hukum Penjanaan dan Pelaburan Dana Masjid (2021). Beliau juga merupakan salah

seorang ahli kumpulan penyelidik IMARAH (USIM) yang telah membangunkan satu sistem pengurusan kewangan masjid dan surau yang dinamakan sebagai [Sistem e-MIMAS™](#). Beliau juga merupakan salah seorang ahli kumpulan kerja penggubal bagi Penyemakan Draf Piawaian Perakaunan Islam bagi Baitulmal, Zakat dan Wakaf (PPIBZW) Fasa 3, Jabatan Akauntan Negara Malaysia.

Bidang kajian beliau merangkumi Fiqh Muamalat, Perbankan dan Kewangan Islam, Tadbir Urus Syariah, Wakaf Korporat, Kewangan Masjid, Ahli Sunnah dan Jama'ah, Deradikalisasi dan PCVE (Preventing and Countering Violent Extremism). Di antara kursus-kursus di peringkat siswazah yang pernah dikendalikan oleh beliau ialah ialah Fiqh Muamalat I, Fiqh Muamalat II, Pengurusan Haji dan Umrah, Pengurusan Institusi Perbankan Islam dan Takaful, Pasaran Wang dan Modal, Halaqah (Pengantar Kitab Turath), Usul Fiqh dan Kewangan Islam. Manakala di peringkat siswazah, beliau pernah mengendalikan kursus Qawa'id Fiqhiyyah, Aplikasi Fiqh Muamalat serta Halal dan Haram di dalam Islam.

Beliau juga meminati pengajian ilmu turath dan sering menghadiri majlis-majlis talaqqi ilmu dan pengajian turath berkitab bersama para *mashāyikh*, termasuk dalam bidang pengajian ilmu hadith riwāyah dan dirāyah. Beliau telah menghasilkan sekitar 40 buah buku. Di antara buku-buku beliau di dalam bidang akidah ialah:

1. Aqīdah Murshidah dan Beberapa Muqaddimah Aqīdah (2020)
2. Matan Ummu al-Barahin dan Pengenalan Ahli Sunnah dan Jama'ah (2022)





Kitab ini merupakan terjemahan bagi matan akidah Ahli Sunnah dan Jama'ah (ASWJ) yang sangat terkenal iaitu Matan Ummu al-Barāhīn atau al-'Aqīdah al-Sughrā oleh al-Imām Muhammad bin Yūsuf al-Sanūsi (w.895H). Matan ini telah tersebar luas dari bumi Maghribi ke seluruh negara Islam sehingga ke hari ini. Bahkan, matan ini mempunyai pengaruh yang sangat besar ke atas pengajian dan penulisan ilmu akidah ASWJ di dalam dunia melayu dan nusantara. Matan ini merupakan penerangan bagi intipati akidah ketuhanan dan kenabian yang perlu difahami oleh setiap muslim dalam menghayati dan memahami dua kalimah syahadah. Bagi menambah manfaat kitab terjemahan ini, penulis telah menambah sedikit pengenalan berkenaan Ahli Sunnah dan Jamaah. Semoga buku ini memberi manfaat yang sebaik-baiknya kepada para pembaca. Āmīn.

Dr. Abdullaah Jalil merupakan pensyarah kanan di Fakulti Ekonomi dan Muamalat, Universiti Sains Islam Malaysia (USIM) di Nilai, Negeri Sembilan. Beliau turut memainkan peranan sebagai ahli Jawatankuasa Syariah di dalam industri perbankan Islam, takaful, koperasi dan wakaf sejak 2012 sehingga ke hari ini. Beliau juga merupakan ahli Panel Syariah USIM sejak ia ditubuhkan dan menjadi salah seorang penyelidik fatwa bagi Jabatan Mufti Negeri Sembilan sejak tahun 2016. Beliau juga terlibat di dalam bidang Deradikalisasi dan PCVE (Kefahaman Agama) sejak tahun 2008 dan dianugerahkan anugerah "Friends of the Police" pada Hari Polis Kebangsaan 2012.

